



Zaoštravanje odnosa u Islamskoj zajednici Srbije kroz sukob Zilkić-Zukorlić

ZILKIĆ POZVAO SRBIJANSKU POLICIJU DA RAZORUŽA MUSLIMANE SANDŽAKA



BOSNIAN MEDIA GROUP

Dijaspora bošnjačka

www.dijasporabosnjacka.com
www.bosnianmediagroup.com
bosdijaspora@aol.com

15. novembar 2007. Broj 43 ♦ Godina IV ♦ Bosnian American Independent Newspaper ♦ Published by: BOSNIAN MEDIA GROUP ♦

Cijena: USA i Canada \$1,50 BiH 1 KM EU 1,50 €

Zamjenik Visokog predstavnika za BiH
Raffi Gregorian upozorio u američkom Kongresu



Opstanak Bosne i Hercegovine bi mogao biti određen u narednih nekoliko sedmica



Intervju, Denita Pašić, član UO Bošnjačko-američkog savjetodavnog vijeća za BiH

**BOŠNJACI U DIJASPORI
MOGU UTICATI NA ODNOS
AMERIKE PREMA BOSNI I HERCEGOVINI**

Sefer Halilović konačno sloboden
ARMIJA BIH NIJE PLANIRALA RATNE ZLOČINE

Srebreničanke pred vojnicima Dutch-a u Potočarima
HOLANDANI SU KRIVI ZA GENOCID!?

U Charlotte, Sjeverna Karolina održan Američki Festival tradicije



BOSNA I HERCEGOVINA ODLIČNO PREDSTAVLJENA
Spor oko mezarja u Bratuncu
DODIK SLAGAO PORODICE UBIJENIH BRATUNČANA

Prijedor:
Lives from
the Bosnian
Genocide

A MULTI-MEDIA EXHIBIT AT THE
HOLOCAUST MUSEUM & LEARNING CENTER
A Department of the Jewish Federation
12 Millstone Campus Drive • St Louis, MO 63146 • (314) 432-0020

Opening Program
Sunday, November 25, 2007 - 2:00 pm

Keynote address by Ed Vulliamy,
author of *Seasons in Hell: Understanding Bosnia's War*.

In 1992, the Bosnian city of Prijedor in the former Yugoslavia became the epicenter of genocidal violence. Through documentary artifacts, photographs, and first-person survivor accounts, *Prijedor: Lives from the Bosnian Genocide*, presents a compelling chronicle of human tragedy and deliverance that has important implications for our region and our world.

SPONSORS

MISSOURI HUMANITIES COUNCIL RAC SOUTHERN COMMERCIAL BANK Fontbonne UNIVERSITY

Ken & Nancy Kranzberg Karen & Mont Levy Claire Roach Hannah & Larry Langsam

I want to participate as a: Sponsor* Exhibit Volunteer

Please add me to your e-mail notification list (e-mail addresses will remain private)

Name / Organization _____
Address _____
City _____ State _____ Zip _____
e-Mail _____ Phone _____

* Individual and organizational sponsors will be listed in the opening exhibit program.
Tax deductible donations may be made payable and sent to: Holocaust Museum and Learning Center, 12 Millstone Campus Drive, St. Louis, MO 63146.

UDRUŽENJE GRADJANSKA OPSTINE
Prijedor
Union of Citizens of the Municipality of Prijedor
TOGETHER WE ARE STRONGER

Još nije kasno da
pomognemo
sebi

www.genocid.org

World Travel and Tours

5629 Gravois Ave
St. Louis, MO 63116

Phone: 314-351-9355
Fax: 314-353-2966
E-mail: travelstl@yahoo.com



www.worldtravelstl.com

Mi smo jedina putnička agencija u St. Louisu koja izdaje avionske karte odmah pri uplati, jer samo mi imamo sklopljene ugovore direktno sa avionskim kompanijama.

Ako želite jeftinu, brzu i efikasnu uslugu obratite se nama, bilo da se radi o avionskim kartama ili odmorima kao što su Mexico, Hawaii, Bahamas...

**PUTUJTE
SIGURNO - NA VRIJEME - BEZ BRIGE
SA MANJE PRESJEDANJA
SA AVIONIMA NAJBOLJIH AVIONSKIH KOMPANIJA
UZ GARANTOVANO NAJPOVOLJNIJE CIJENE**

Kriza u Bosni i Hercegovini zabrinjavajuće prijeti mogućim raspadom Države, a građani su u strahu vjerujući da je ipak i ponovo moguć:

RAT

Piše Mehmed Pargan

• **Da li je pak moguć rat u BiH? Ovo pitanje je u posljednjih tri sedmice u našoj zemlji brujalo u svim medijima, na svim značajnijim forumima, u kontakt emisijama i okruglim stolovima. Većina građana je u strahu, ali svi vjeruju da onakav rat kakav se desio 1992. godine nije moguć prevashodno stoga što odnosi vojnih snaga u Regionu nisu isti. Srbija nije ni približno jaka kao nekad, ne postoji ambijent iz kojega bi lahko i logično bilo pokrenuti rat iz Beograda, a protuteža vojnim potencijalima Beograda već postoji u Zagrebu, koji računa na «svoje» Hrvate u BiH, s tim što zvanični Zagreb nema teritorijalne aspiracije prema BiH, bar u ovom trenutku •**

Bauk rata kruži Bosnom i Hercegovinom. Zemlja podijeljena na dva entiteta, deset kantona, tri nacionalne skupine koje su (jednom kada su već pustile krv) priklonjene vječnim podizanjima na oružje kako bi se zaštitali od komšije ili ih preduhitirili u latentnim crnim namjerama... Zemlja potpuno nefunkcionalna, razaranja unutra i spolja, sa neodgovornim i nesposobnim stranim političarima trećega reda, sa domaćim razbijajućima državne cjelevitosti i građanima koji u strahu i još uvijek prisutnoj mržnji za sitni interes ustupaju svoju budućnost i budućnost svoje djece; razrušena ekonomija sa izvoznim deficitom od . «Evropu za Srpsku» prije nekoliko dana na transparentima se bijelilo Banja Lukom. Hrvati Bosne i Hercegovine pred novim glasanjem za Sabor Republike Hrvatske, jasno, jasnije i slobodnije nego bilo kada žele treći entitet-jer zašto ne legalizirati rezultate agresije po principu kako su to uradili Srbi, kada se Bošnjaci nisu vratili u svoja sela i gradove bez obzira na postojanje Federacije; kada su Hrvati i Srbi na ovom prostoru kupili tvornice i sve što vrijedi, isto kao što su Bošnjaci kupili na teritoriji koja je u ratu bila pod kontrolom Armije BiH.

U svemu tome, podjelama i definicijama buduće države Bošnjaci kao amorfno tijelo samo znaju da ne žele ono što žele Srbi i Hrvati, a šta je to što oni žele ni sami se ne mogu dogovoriti. Međunarodna zajednica u svemu tome je potpuno indiferentna: zaustavljanje rata Daytonskim mirovnim sporazumom podrazumijevalo je značajno međunarodno učešće u obnovi i uspostavi mira, ali je taj posao koji se de facto mogao smatrati protektoratom (a protektorat ima svoje zakonitosti) vodio tako da su stranci upravljali zemljom bez bilo kakve odgovornosti. Stoga danas i imamo zemlju koja niti u jednom segmentu ne funkcioniра, koja ne ide u integraciju, iako su je vodili stranci koji su trebali trasirati put, zemlju koja ne može bez stranih vojnih snaga i naravno bez protektora itd.

Umjesto stvaranja sistema međunarodni funkcioneri u BiH su odabirali svoje favorite. Ranije su ih mogli kontrolirati putem novca i kredita, ali danas, kada se tajkunizacija zemlje dostigla takve razmjere da proječan «dodik» može kupiti bilo kojega stranca u našoj zemlji, ovaj recept se pokazao kao neefikasan. Jer zašto bi banjalučki ili laktaški Dodik pristao na pravila međunarodne zajednice kada je već imao mogućnost da proda petrohemiju, Telekom, uskoro Elektroprivredu... Ostanak na funkciji garantira nove milijarde maraka. U takvoj situaciji je potpuno očekivan razvoj događaja da se srpski entitet, odnosno vodeći njegovi političari podignu i za nekoliko dana blokiraju rad zemlje bez značajnijeg povoda. Mjere koje je donio Visoki predstavnik Miroslav Lajčák smješan su povod, iako se povodom mogu smatrati isključivo ako ne vidimo geopolitički kontekst u kojem se vrši blokada funkcioniranja zemlje. Do 21. novembra znat će se da li EUFOR ostaje u BiH. Do 10. decembra da li Kosovo ostaje u Srbiji. I jedan i drugi događaj mogu imati sudbonosnu ulogu u

kreiranju budućnosti BiH.

Ukoliko međunarodne vojne snage odu ne postoji ni jedan način da se zaštite Bošnjaci u selima i gradovima u Republici Srpskoj, tako da se mogu samo očekivati dugoročni pritisci i iseljavanja. Zemlji preostaje samo da isčekuje dalju nacionalnu homogenizaciju i novo podržavljenje Republike Srpske. Ukoliko pak Kosovo postane i zvanično nezavisno atmosfera je već pripremljena da Srbi u BiH traže svoje odcjepljenje. To što ova dva slučaja nemaju sličnosti na globalnom planu ne znači ništa. S obzirom da se posljednji rat vodio upravo za, odnosno protiv cjelevitosti BiH, to je za očekivati da se eventualno ovakav razvoj događaja okonča ratom.

Da li je pak moguć rat u BiH? Ovo pitanje je u posljednjih tri sedmice u našoj zemlji brujalo u svim medijima, na svim značajnijim forumima, u kontakt emisijama i okruglim stolovima. Većina građana je u strahu, ali svi vjeruju da onakav rat kakav se desio 1992. godine nije moguć prevashodno stoga što odnosi vojnih snaga u Regionu nisu isti. Srbija nije ni približno jaka kao nekad, ne postoji ambijent iz kojega bi lahko i logično bilo pokrenuti rat iz Beograda, a protuteža vojnim potencijalima Beograda već postoji u Zagrebu, koji računa na «svoje» Hrvate u BiH, s tim što zvanični Zagreb nema teritorijalne aspiracije prema BiH, bar u ovom trenutku. Najposlije na drugoj strani nema Miloševića, a Koštinica nema karizmu koju je imao njegov prethodnik. Odnosi u BiH, gdje još uvijek ima mnogo naoružanja u privatnom vlasništvu, a naoružanje Oružanih snaga je pod kontrolom stranaca, govore da se mogu očekivati teroristički napadi, te eventualno izbjeganje građanskog rata bez izgleda da on ikada ima kraj. Jedino se možemo tješiti da je cijeli Region u ekonomskoj krizi tako da za rat jednostavno nema para.

Odustajanje od Evrope koje je napravila Republika Srpska upravo ima za cilj da u nestabilnoj zemlji dodatno cementira stanje koje je stvoreno genocidom: protjerani Bošnjaci i Hrvati (koji su se vratili u zanemarivom broju i nemaju vlasništva nad nekada državnom imovinom) su beznačajan faktor u ovom entitetu i iz godine u godinu će biti još manje važni i utjecajni. Vrijeme trusnog mira i političkog haosa, sa zabrinjavajućim razvlačivanjem Države samo Srbima ide na ruku i u korist. Blokiranje ulaska u tu Evropu, ma šta ona značila, od strane međunarodne zajednice davanje je zelenog svjetla Republići Srpskoj da provodi svoje zamisli bez kazne i odgovornosti. Da je to tako potvrđilo je i potpisivanje sporazuma Srbije o Stabilizaciji i priključivanju sa EU. Tako je BiH ostala jedina crna rupa u Evropi, u kojoj je moguć čak i rat. Zapadni mediji već najavljuju odcjepljenje Banja Luke. Mnogi špekuliraju i sa ratom. Gdje smo, niko u ovom trenu ne zna odgovoriti i sve zavisi od razvoja situacije na Balkanu. Ponovno ćemo da trpimo tuđe lomove, a kada se oni dešavaju kod drugih, obično kod nas teče krv. Nadajmo se da nije tako.

UREDNICI:
Murat Muratović
Mehmed Pargan

DIZAJN:
Tarik Ibrahimović;

KOLUMNA:
Mirzet Hamzić;

HOROSKOP:
Sabina Mirojević;

FOTOGRAFIJA:
Ahmet Bajrić Blicko, Safet Devlić;

SPORT:
Lejla Berberović - Hadžimustafić;

NOVINARI - DOPISNICI - SARADNICI:
Bosna i Hercegovina: Mehmed Pargan,
Mirsad Sinanović, Salih Brkić, Hazim
Karić, Nedim Berberović, Mehmed
Đedović, Hazim Brkić, Sabit Hrustić,
Amela Isanović, Elma Geca, Muhamed
Berbić; Hrvatska: Nurdin Hasanbegović;
USA: Azra Heljo, Hajro Smajić, Bajram
Mulić, Murat Alibašić, Murat Muratović;
Canada: Emir Ramić, Mustafa Kuštrić,
Sulejman Kobajica; Australija: Hariz
Halilović; Francuska: Dženana Mujadžić;
Švedska: Majana Paragan; Njemačka:
Amela Osmanović;

Office in U.S.A.
DIJASPORA bošnjačka
P.O. Box 2636
St.Louis, MO 63116
1-314-494-6512

Office in Bosnia and Herzegovina
DIJASPORA bošnjačka
BMG Bosanska medijska grupa
Pozorišna 4, Ars klub Arlekin 1. sprat
75 000 Tuzla
035-277-692
www.bmg.ba

Distribution office in Canada
Jasmin Halkić
London, Canada
1-519-474-6336

www.bosnianmediagroup.com
www.dijasporabosnjacka.com
e-mail: bosdijaspora@aol.com

Redakcija zadržava pravo objavljuvanja
svih priloga prispjelih na adresu bez
nadoknade ako to nije ranije utvrđeno
ugovorom. Rukopisi i fotografije se ne
vraćaju. Svako lično mišljenje nije i stav
Redakcije.

DIJASPORA bošnjačka, list Bošnjaka u
iseljeništvu,
izlazi jednom mjesечно.

Cijena: USA i Canada \$ 1,5, BiH 1 KM,
Europe 1,5 €, Croatia 10 kn.
Preplata se dogovara u direktnom
kontaktu sa Redakcijom.

U Jajcu održan sastanak Glavnog odbora Svjetskog saveza dijaspore BiH

BH DIJASPORA U GRADU SVIJETLA, KAMENA I VODE



Podrška kandidaturi Jajca za upis na listu svjetske baštine UNESCO. Odnos vlasti u BiH prema dijaspori i dalje nezadovoljavajući. Sljedeći sastanak GO SSDBiH u Velikoj Britaniji

Piše: Haris HALILOVIĆ

U Jajcu je od 19. do 21. oktobra održan redovni sastanak članova Glavnog odbora Svjetskog saveza dijaspore BiH, krovne organizacije bh. dijaspore. Po prvi put predstavnici bh. dijaspore, osim na Kongresu koji se održava svake druge godine radni sastanak imali su u Domovini. Glavni razlog je davanje podrške gradu Jajcu na kandidaturi za upis na listu svjetske baštine UNESCO.

I nisu pogriješili. Domaćini, predstavnici grada Jajca, na čelu sa agilnim Nisvetom Hrnjičićem, gradonačelnikom jednog od najljepših gradova u BiH, grada koji se uzdiže na obalama Vrbasa i Plive, kraljevskog grada, sa više od 22 nacionalna spomenika, učinili su sve da se prošlog vikenda predstavnici bh. dijaspore osjećaju ugodno u gradu izgrađenom 100 godina prije otkrića Amerike, koji svojim veličanstvenim vodopadom u samom centru, okolnim kulama, katakombama, vodenicama na Plivi, vjerskim hramovima i drugim historijskim spomenicima najviše liči na muzej na otvorenom, grad bajku i živi svjedok života i vremena na našim prostorima.

Suorganizator sastanka bila članica SSDBiH iz Italije bh. zajednica u ovoj zemlji (Association ONUS "Bosnia Erzegovina Oltre i Confini").

Prvog dana zasjedanja održan je okrugli sto "Uloga žene, omladine i dijaspore u razvoju i promociji Jajca kroz projekat UNESCO-a i multikulturalnost BiH" koji su organizovali domaćini i Zajednica Bosanaca i Hercegovaca u Piacenzi u Italiji, potpisani sporazum gradonačelnika Piacenze i Jajca o specijalnim vezama ova dva grada, a zatim tribina na temu "SSD BiH i BiH

Učvršćivanje zajedničkih ciljeva". Na prvom okruglom stolu, osim isticanja kulturnih ljepota i znamenitosti BiH, sa specifičnim osvrtom na Jajce, najviše je bilo riječi o tome šta mladi, žene, dijaspora i pojedinac mogu učiniti na promociji Jajca u njegovoj kandidaturi za stavljanje na listu UNESCO.

U radnom dijelu sastanka članova rukovodstva krovne organizacije bh. Dijsapore analizirali su rad SSDBiH od sastanka u Švedskoj, kao i realizovani projekti SSDBiH, manifestacije: Dani BiH dijaspore u Sarajevu, susret mlađih BiH iz dijaspore u Sarajevu i IV. SP dijaspore BiH u malom fudbalu koje je održano u Njemačkoj.

Razgovarano je i o finansiranju rada SSDBiH, kao i pripremama za naredni Kongres SSDBiH koji će se održati naredne godine. Članovima GO SSDBiH iz Australije, Švedske, Kanade, Austrije, Italije, Slovenije, Norveške, Njemačke, Turske, Holandije i Velike Britanije, predstavnicima mlađih iz BiH i Udruženja ranjenika, logoraša i traumatiziranih u dijaspori prezentovani su i projekti Internet BiHTV, Zekerijaha Smajića, kao i novi projekat Federalne televizije BiH posvećen bh. dijaspori. Predstavnike SSDBiH predvođene predsjednikom Senadom Softić-Telalović, u ponedjeljak je primio i Rafi Gregorian, zamjenik visokog predstavnika u BiH koji im je obećao pomoći u ostvarivanju njihovih zahtjeva i uspostavljanju boljih i čvršćih veza sa Domovinom.

Naredni sastanak GO SSDBiH održat će se u Velikoj Britaniji, od 28. do 30 marta 2008. godine, kada i V. SP dijaspore BiH u malom fudbalu.

Zamjenik Visokog predstavnika za BiH Raffi Gregorian upozorio u američkom Kongresu

Opstanak Bosne i Hercegovine bi mogao biti određen u narednih nekoliko sedmica

Piše: Sabit Hrustić

Na inicijativu Helsinskih komisija, američke vladine organizacije koja prati napredak primjene propisa *Helsinskih ugovora* iz 1975. godine u Američkom kongresu održana je rasprava pod nazivom: "Bosna i Hercegovina, još uvjek neriješena pitanja u post-konfliktnoj obnovi i pomirenju". Raspravu su predvodili kongresmen Alcee Hastingsom, predsjedavajući Komisije za sigurnost i saradnju u Evropi i kopredsjedavajući senator Benjamin Cardin. Na saslušanju, na kome je bio prisutan i kongresmen Chris Smith, govorili su Raffi Gregorian, zamjenik visokog predstavnika u BiH i supervizor za Brčko, ambasador Douglas Davidson, šef misije OSCE-a u BiH, Adam Boys, šef međunarodne komisije za nestale osobe, i Diane Orentlicher, profesorica prava na univerzitetu American.

Saslušanje se fokusiralo na još uvjek neriješena pitanja nakon sukoba u BiH, među njima privođenje pravdi odgovornih za ratne zločine, povratak raseljenih osoba i izbjeglica, identifikacija nestalih, kao i na trenutno stanje u zemlji.

Zamjenik visokog predstavnika, Raffi Gregorian, je na samom početku saslušanja rekao da ono dolazi u kritičnom trenutku u historiji post-dejtonske BiH, i da bi njen opstanak mogao biti određen u narednih nekoliko mjeseci, ili čak nekoliko narednih sedmica. On je istakao da se čini da je BiH sada dalje od EU nego je ikada bila, navodeći da najuticajniji političari, Dodik i Silajdžić, više vole izolaciju BiH nego udovoljavanje uslovima Unije za integraciju. To je tragično, kaže Gregorian, jer više od 70% populacije u BiH želi pridruženje EU.

Gospodin Gregorian za "Glas Amerike" komentarisao je parafiranje sporazuma između Srbije i EU, dok se jedan od najtraženijih optuženika, Ratko Mladić, još uvjek nalazi na slobodi. "Srbija je prva zemlja proglašena krivom za narušavanje ženevske konvencije i nadam se da će ih to primorati na pravovremenu punu saradnju s Hagom", kaže Gregorian. Upitan da li je parafisanje sporazuma možda pokušaj od strane EU da udovolji Srbiji prije konačne odluke o Kosovu, Gregorian je odgovorio da u samoj Srbiji

postoji sukob između demokratskih i nacionalističkih struja oko budućnosti zemlje, te da su pretjerana akcija političara u RS na mjeru koje je visoki predstavnik objavio 19. oktobra samo dio uvoda u dramu koja će se desiti između 21. novembra i perioda nakon izvještaja kosovske trojke UN-u 10. decembra. Prema Gregorianovim riječima, srpski premijer Košunica je rekao da mjeru visokog predstavnika ugrožavaju Srbe u BiH, otvoreno vezujući ideju odvajanja RS-a sa nezavisnošću Kosova. Takva retorika je eksplozivna, kada znamo da su se Milošević i njegovi ljudi koristili takvim riječima da opravdaju ono što je on radio u samoodbranu Srba. Sada se govori kako su prilike iste kao 1991-1992, te kako postoje izvještaji da vlada RS-a već sprema listiće za referendum o nezavisnosti, kazao je Raffi Gregorian.

"Prije svega, smatram da su reakcije na mjeru visokog predstavnika potpuno pretjerane - one nemaju veze sa Republikom Srpskom, i usmjerene su samo na procese donošenja odluka na državnom nivou. Kao što je Visoki predstavnik rekao, to je uslov za predstavnike da dođu i donesu odluku. Izlaženje u hodnik tokom sjednica Vijeća ministara, ne samo od strane Srba, već i Bošnjaka i Hrvata, nije način da se stvari odrade, time se samo odgađa donošenje odluka. Ako želite glasati protiv nečega, onda se trebate pojavit i tako učiniti, i objasniti ljudima zašto ste glasali protiv - tako funkcioniše demokratija. Gospodina Špirića poznajem već duže vrijeme, ako on smatra da je neophodno da podnese ostavku, onda neka bude tako, on ima pravo da to uradi, iako ne smatram da je to najodgovornija stvar koju treba uraditi. Jedna stvar zbog koje sam zabrinut je predstojeće glasanje u Vijeću sigurnosti UN-a koje se mora desiti prije 21. novembra o produžavanju mandata EUFOR-a. Također smo zabrinuti da bi moglo doći do nekog efekta nakon očekivanog izvještaja kosovske trojke UN-u 10. decembra. Predstoji nam dosta neizvjestan period i na ovom sam saslušanju želio objasniti na koji bi se način stvari mogle odigrati narednih sedmica ili mjeseci. Obje američke stranke, kao i predstavnici Senata i Zastupničkog doma, su izrazili



• Pretjerana akcija političara u RS na mjere koje je visoki predstavnik objavio 19. oktobra samo dio uvoda u dramu koja će se desiti između 21. novembra i perioda nakon izvještaja kosovske trojke UN-u 10. decembra. Jedna stvar zbog koje sam zabrinut je predstojeće glasanje u Vijeću sigurnosti UN-a koje se mora desiti prije 21. novembra o produžavanju mandata EUFOR-a. Također smo zabrinuti da bi moglo doći do nekog efekta nakon očekivanog izvještaja kosovske trojke UN-u 10. decembra. Predstoji nam dosta neizvjestan period i na ovom sam saslušanju želio objasniti na koji bi se način stvari mogle odigrati narednih sedmica ili mjeseci, kazao je Gregorian •

kontinuirano interesovanje za BiH, i osiguravanje da se ta zemlja kreće ka euro-atlantskim integracijama, i zadovoljan sam da sam to čuo direktno od Kongresa", kazao je Gregorian.

On dodaje da stanje u BiH međutim nije onakvo kakvo bi trebalo biti: «Imate koalicionu vladu koja ne funkcioniše kao koalicija. Imaju radni plan, ali nisu postigli ni čak mali procenat od onoga što su obećavali - ustavne reforme, reforma policije, itd. Što se tiče trenutne političke krize, lideri RS-a, koji su pretjerano reagovali na odluku visokog predstavnika, sada stvaraju nešto što smatram vještačkom krizom. I moramo se upitati zašto to oni rade. Da su doista željni odlazak OHR-a i EUFOR-a, onda bi se suglasili o reformi policije, parafisali bi i potpisali sporazum o stabilizaciji i pridruživanju, i mi bi otišli. Ali to su kontinuirani problemi već godinu i po dana - Američka vlada i OHR stalno ukazuju na poteškoće osobito između Dodika i Silajdžića da postignu dogovor o reformi policije. Deklaracija nedavno donešena u Mostaru je ohrabrujući, ali veoma mali korak - sada su potrebni konkretni koraci ka ispunjavanju uslova EU", kaže za "Glas Amerike"

Raffi Gregorian.

Profesorica Diane Orentlicher je na saslušanju istakla važnost pravde i privođenja odgovornih pravdi, ali i posebno naglasila neuspjeh da se uhapse Karadžić i Mladić. Iako su dosadašnja postignuća tribunala važna, ona se suočavaju sa jednim monumentalnim propustom: hapšenjem spomenute dvojice. Parafisanjem sporazuma o stabilizaciji i pridruživanju, kako je važno da EU i dalje zahtijeva od Srbije da osigura Mladićev transfer u Hag prije konačnog potpisivanja sporazuma.

"Također, ako dobijemo obavještajne podatke da je Karadžić u Srbiji, i njegova predaja se mora osigurati. Sjednjene Države moraju uraditi svoj dio kako bi osigurala da se sramotna zaštita Mladića i Karadžića konačno privede kraju", kaže Diane Orentlicher. Šef misije OSCE-a Douglas Davidson je rekao da se BiH još uvijek ne može opisati kao uspješna demokratija, i da nije u potpunosti ispunila tri uslova potrebna za razvoj demokratije. On kaže da u BiH još uvijek ne postoji građansko društvo, te da još uvijek postoji osjećaj bespomoćnosti, apatije i neuključenosti građana.

Zaoštravanje odnosa u Islamskoj zajednici Srbije

ZILKIĆ POZVAO SRBIJANSKU POLICIJU DA RAZORUŽA MUSLIMANE SANDŽAKA

• Miješanje srpske politike ili pak upravljanje događajima upravo preko Zilkića ukazuju da bi se već uskoro represivne mjere mogле primijeniti vrlo oštro i ciljano na vjernike koji podržavaju Islamsku zajednicu sa Muamerom Zukorlićem na čelu Muftijstva •

Sukobi oko priznavanja islamskih vjerskih institucija u Srbiji ušli su u veoma ozbiljnu fazu, gdje se na jednoj strani aktualni državni aparat stavlja u poziciju protežiranja samoproglašeni reisa Adema Zilkića, kršeći sam postojeće srpske zakone, dok se na drugoj strani nalazi muftija Muamer Zukorlić, koji ima podršku najvećeg broja muslimana Sandžaka i Srbije općenito. Potencirajući da je situacija u Sandžaku sve teža i pozivajući da se izbjegnu sukobi među vjernicima samoproglašeni reis-ul-ulema Adem Zilkić zatražio je od državnih organa da sačuvaju red i mir, ali i zaštite sve vjerske objekte »od prijetnji bahatih i naoružanih ljudi muftije Muamera Zukorlića koji prete vernicima i isteruju imame iz džamija».

Beogradska Politika prenijela je upozorenje Zilkića u kome se kaže: «Niko ne reaguje što do zuba naoružani ljudi šetaju Novim Pazarom, a tamo nema ni medveda, ni vukova. I deca vide kako u dvorište Mešihata ulaze kola iz čijih gepeka vire puške. Protiv koga oni gomilaju toliko oružje, protiv koga gaje toliku mržnju?», pitao je Zilkić na konferenciji za novinare u Tanjugovom pres-centru. Zilkić je kazao kako je »strpljenje vernika koji podržavaju Rijaset pri kraju, a to je 80 odsto muslimana u Sandžaku. Nismo mi slabii, imamo moć da pokažemo zube, ali islam je vera mira i nećemo sukobe. Ali, ako se nastavi sa provokacijama nisam siguran koliko ću još moći svojim autoritetom da smirujem vjernike», istakao je Zilkić pozivajući još jednom, kako je rekao »smenjenog muftiju Muamera Zukorlića da sednu za isti sto i pronađu kompromisno rešenje koje će biti u interesu svih».

Na pitanje novinara kolika je njegova odgovornost za sadašnje stanje u Sandžaku, Zilkić je odgovorio da je kao vrhovni poglavac IZS stalno pozivao na mirno rješenje problema. Koristeći, kako ističe, gandijevske metode, da ne bi produbio podele, Adem Zilkić je odbio da predvodi molitvu za Bajram u novopazarskoj Alten-alem džamiji i otišao u svoje rodno selo. »Kod našeg vernika ne možete naći ni čakiju, a kamoli nešto drugo, a ovima ispadaju pištolji u mirhabu, najsvetijem delu džamije», ističe Zilkić. Zbog svega toga Rijaset IZS je na vanrednoj sjednici 7. novembra donio odluke u kojima traži

od MUP-a da hitno razoruža grupu od 50 ljudi koje Muamer Zukorlić koristi da bi zastrašiava ljudi i otima džamije, kazao je Zilkić.

Zbog cjelokupne situacije u Sandžaku, koja se iz časa u čas pogoršava, delegacija Rijaseta IZS je zatražila prijem kod predsjednika Srbije, premjera, ministra vjera i ministra policije.

Na drugoj strani, na prijemu povodom Ramazanskog bajrama u Novom Pazaru, muftija Muamer Zukorlić je pred nekoliko stotina pristalica poručio da "ako Srbiji treba srpski muftija neka islamsku zajednicu napravi u Beogradu" i pozvao vjernike da odbrane džamije od imama koji nisu, kako je rekao, shvatili poruku teube (pokajanja). «Taj muftija može biti udbaški, tajkunski, suljovski, ali ne može da bude u našim džamijama», rekao je Zukorlić. Podsjetimo, Vrhovni Sabor Islamske zajednice Srbije smijenio je 3. oktobra Muamera Zukorlića sa svih funkcija i za reisa-ul-ulemu imenovao tutinskog imama Adema Zilkića.

Govoreći o pokušajima rušenja sistema islamske zajednice na čijem je čelu već 14 godina, muftija je rekao da je te ljudi "podržala licemerna vlasti u Beogradu, špijunki i tajkunsko-mafijaški krugovi", a za pokrećaća svega označio je, kako je rekao, čoveka koji u crno zavija Sandžak 15 godina.

Ovakav razvoj događaja u Sandžaku gdje se Adem Zilkić postavio u poziciju Reisa, istovremeno zavađajući vjernike, mogao bi ući i u mnogo ozbiljniju fazu. Miješanje srpske politike ili pak upravljanje događajima upravo preko Zilkića ukazuju da bi se već uskoro represivne mjere mogle primijeniti vrlo oštro i ciljano na vjernike koji podržavaju Islamsku zajednicu sa Muamerom Zukorlićem na čelu Muftijstva. Do ovoga trenutka Rijaset iz Sarajeva, kome pripada i Sandžačko muftijstvo nije uspio ništa konkretnije poduzeti kako bi se zaustavio državni pritisak na Islamsku zajednicu, te pokušaj njenog razjedinjavanja i cijepanja. Ukazivanje na navodno naoružavanje muslimana Sandžaka tek je jedan iz arsenala specijalnoga rata koji Srbija već nekoliko decenija uspješno plasira, obračunavajući se prvo sa Albancima, a onda i sa Bošnjacima, Hrvatima, Slovincima, tokom minuloga rata.

E. J.



Radio Muslimanski Glas
91.5 FM WNYE

Radio Muslimanski Glas

Muslimanski Glas se redovno emituje u New Yorku
svake srijede navečer od 9:00-9:30,
na talasima
nezavisne radio stanice WNYE 91.5 FM



Darko and Jasna
Mruckovski Team
REALTOR®
Multi-Million Dollar Producer

Better House
REALTY
Realtor You Can Trust

Bus: (636) 391-4800
Direct: (314) 680-4647
Voicemail: (314) 509-3418
Home: (314) 845-7585
Fax: (636) 391-3128
Toll Free: (866) 552-5865
E-Mail: djmruck@aol.com
Website: www.betterhouserealty.com

55 Nationalway Shopping Center
St. Louis, MO 63011

Produbljivanje političke krize u Bosni i Hercegovini

NIKOLA ŠPIRIĆ PODNIO OSTAVKU



Špirić je ranije rekao da je "besmisleno" da ostane na ovoj funkciji pošto nema ničiju podršku. Visoki predstavnik izjavio je da je Špirićeva ponuđena ostavka neozbiljna i neodgovorna.

Predsjedavajući Vijeća ministara Bosne i Hercegovine Nikola Špirić je Predsjedništvu Bosne i Hercegovine ponudio ostavku na ovu funkciju. Špirić je na sjednici Vijeća za implementaciju mira najavio mogućnost podnošenja ostavke na ovu funkciju i naglasio da je najnovijom odlukom visoki predstavnik Miroslav Lajčak "samo dodatno razvlastio predsjedavajućeg Savjeta ministara". Špirić je ranije rekao da je "besmisleno" da ostane na ovoj funkciji pošto nema ničiju podršku. Visoki predstavnik izjavio je da je Špirićeva ponuđena ostavka neozbiljna i neodgovorna.

-To neće smiriti sadašnju političku situaciju, ali očekujem od Vijeća ministara da u potpunosti funkcionira u tehničkom mandatu. Paradoks je da je ostavku podnio predsjedavajući Vijeća ministara zbog mjera koje imaju za cilj da

rad Vijeća, dakle tijela kojim on predsjedava, učine efikasnijim, rekao je visoki predstavnik, dodajući kako su BiH potrebne funkcionalne institucije kako bi se ponovo mogao pokrenuti reformski proces. PIC je jučer saopćio da je Odluka o donošenju izmjena i dopuna Zakona o Vijeću ministara u potpunosti u skladu sa mandatom visokog predstavnika i Ustavom BiH, te da ona ni na koji način ne podriva poziciju bilo kojeg entiteta ili konstitutivnog naroda.

-Politička situacija u BiH u stanju je pogoršanja, te se nadamo da će prevladati umjerenost i saradnja na svim nivoima vlasti u BiH. U tom smislu, pozitivno je što su zemlje članice Vijeća za implementaciju mira (PIC), generalni sekretar UN-a, te NATO jasno istakli da neće dozvoliti zaoštivanje sigurnosne situacije u našoj zemlji, kazao je Silajdžić.

BOŠNJAČKI IZVORI VELIĆ

5311 N California Ave
Apt # 2 S
Chicago, IL 60625

H. 773.784.2771
C. 773.895.5131
amir82@sbcglobal.net



Znanje je jedna kap, a neznanje cijelo more

Bosanske vjerske knjige možete naručiti i kupiti po cijenama kao i u Bosni. Da riješite svoje dileme sa literaturom i znanjem, da ostavite svojoj djeci u amanet. Bajramski pokloni i za sve druge prilike koje ostaju trajno u vašim i našim seharama i vitrinama.

HVALA NA POVJERENJU

Uhapšen Banjalučanin Novak Đukić, optužen za ratni zločin na Tuzlanskoj kapiji

KONAČNO UHAPŠEN POČINILAC UBISTVA 71 OSOBE U TUZLI

Pripadnici Državne agencije za istragu i zaštitu (SIPA) uhapsili su, 7. novembra 2007., na području Banje Luke Novaka Đukića, koji se sumnjiči za krivično djelo ratnog zločina protiv stanovništva na području Tuzle. Đukić je uhapšen po nalogu državnog Tužilaštva, a sumnjiči se za zločin na Tuzlanskoj kapiji koji se dogodio 25.

maja 1995. godine, kada je od posljedica granate poginula 71 osoba, a više desetina povrijeđeno.

Nakon kriminalističke obrade u prostorijama SIPA-e Đukić je predat Tužilaštву Bosne i Hercegovine na dalje postupanje. Nakon saslušanja on je kazao da se ne osjeća krimi i da nije naredio granatiranje Tuzle.

Srebreničanke nisu dozvolile holandskim vojnicima da polože cvijeće u Potočarima

HOLANĐANI SU KRIVI ZA GENOCID!?

Porodice žrtava genocida u Srebrenici u julu 1995. godine nisu dale odobrenje grupi bivših pripadnika holanskog Bataljona UNPROFOR-a u Srebrenici da polože cvijeće i posjete Memorijalni kompleks u Potočarima, okrivljujući ih "da su se i oni solidarisali sa zločincima i počinili mnoge zločine". Prilikom razgovora s holanskim vojnicima, članovi porodica postavili su mnoga pitanja na koje su dobili upočene odgovore, te je razgovor prekinut.

BiH na 34. mjestu od 169 država po slobodi štampe

BOSANSKI NOVINARI NAJSLOBODNIJI U REGIONU

Sloboda štampe u BiH najveća je od svih zemalja Zapadnog Balkana. U izvještaju organizacije za zaštitu novinara, Reporteri bez granica, po rang listi koja obuhvata 169 država, naša zemlja zauzima 34. mjesto. Makedonija je 36., Hrvatska 41., a najslabije rangirana je Srbija na 67. mjestu. Stanje Srbije lošije je i od Kosova koje je zauzelo 60. mjesto. Reporteri bez granica najveću slobodu štampe zabilježili su na Islandu, iza koga slijede Norveška i Estonija, dok su novinari najmanje slobodni u Eritreji.



BOSNA VIDEO

2501 W LAWRENCE AVE

CHICAGO IL 60625

TELEFON (773) 275 - 8281

OPEN

10 : 00 AM

09 : 00 PM

OWNER'S
RASIM & FADILA SILAHIC



AUTHORING STUDIO BOSNA VIDEO
VISOKO KVALITETNOM TEHNIKOM
REMASTERIZUJRE SVA VIDEO IZDANJA SVIH
SVIJETSKI SISTEMA (PAL - NTSC)

ISTA PRENOSI NA DVD VISOKOG KVALITETA HD
VASE SVADBE . ROĐENDANE , SVEČANE
DOGAĐAJE SNIMAMO SA HD KAMEROM
ISTA PRENOSIMO NA VHS I DVD HD
DŽENAZE , SAHRANE , POGREBE
RADIMO BESPLATNO .
HVALA NA POVJERENJU VAŠA BOSNA VIDEO

Koordinacije KBSA-BAIC, Detroit

IZABRANI NOVI ČLANOVI

- Provedene aktivnosti predviđene planovima i programima KBSA, što potvrđuje opravdanost postojanja ovakvog načina organizovanja Koordinacija KBSA •

U veoma srdačnoj i radnoj atmosferi 3. novembra 2007. godine u prostorijama BAIC u Hamtramck-u, na proširenom sastanku Koordinacije KBSABAIC u Detroitu kojom je predsjedavao Rasim Nikočević, izabrani su novi članovi koordinacije za naredni mandatni period od dvije godine. Novi članovi Koordinacije KBSABAIC u Detroitu su: Uzeir Leković, Fahrija Muminović, Alma Terzić, Senad Livadić, te reizabrani članovi Aida Grcić, Selman Medunjanin i Rasim Nikočević koji će predsjedavati u narednom mandatu.

Treba također reći da je na sastanku podnesen kompletan radni izvještaj za protekli period, usvojen plan rada, te Pravilnik o radu koordinacije KBSA BAIC u Detroitu.

Koordinacija je provela aktivnosti predviđene planovima i programima KBSA, što bez ikakve sumnje predstavlja primjer i podstrek ostalim koordinacijama u daljem radu, te istovremeno potvrđuje opravdanost postojanja ovakvog načina organizovanja Koordinacija KBSA.

M.M.



U Stupnom Dolu obilježena 14. godišnjica zločina nad Bošnjacima

NEVINE ŽRTVE HVO-a




Ivica Rajić

U naselju Stupni Do, općina Vareš, obilježena je 14. godišnjica zločina nad bošnjačkim stanovništvom. Predsjedavajući Predsjedništva BiH Željko Komšić zbog službene posjete Vatikanu nije bio u prilici osobno prisustvovati obilježavanju ovog zločina i položiti vijenac, već su u njegovo ime to učinili njegovi izaslanici Amir Ibrović i Irena Kljajić. U noći između 13. i 14. oktobra 1993. godine pripadnici HVO-a su ubili 38 Bošnjaka, među kojima i petero djece, od kojih je najmlađa djevojčica imala samo dvije godine. Za taj zločin Haški sud je osudio Ivicu Rajića na 12 godina zatvora, a Kantonalni sud Zenica Dominika Ilijasovića na 20 godina zatvora.

U sklopu Memorijala "Kovači" u Sarajevu otvorena Muzejska postavka "Predsjednik Alija Izetbegović"

SJEĆANJE NA PRVOG PREDSJEDNIKA BIH



Povodom obilježavanja četvrte godišnjice smrti prvog predsjednika Predsjedništva Republike Bosne i Hercegovine Alije Izetbegovića, 19. oktobra 2007. u sklopu Memorijala "Kovači" u Sarajevu otvorena je Muzejska postavka "Predsjednik Alija Izetbegović". Postavku su otvorili predsjedavajući Predsjedništva BiH Željko Komšić i predsjednik SDA Sulejman Tihić. Iste večeri upriličena je akademija u Narodnom pozorištu na kojoj je o Izetbegovićevoj ličnosti i djelu govorio član Predsjedništva Haris Silajdžić.

Izvještaj Evropske komisije o napretku u BiH manje pozitivan od prošlogodišnjeg

BOSNA I HERCEGOVINA MOŽE VIŠE

- **Ovogodišnji Izvještaj Evropske komisije o napretku u Bosni i Hercegovini manje je pozitivan od prošlogodišnjeg. Učinjeni su određeni pomaci, ali Bosna i Hercegovina ima mnogo veći potencijal i smatram da je mogla da uradi više, rekao je u Sarajevu zamjenik generalnog direktora Evropske komisije za proširenje Evropske unije Jan Truščinjski •**

U Sarajevu je 7. novembra 2007. predstavljen Izvještaj članovima Zajedničke komisije evropske integracije Parlamentarne skupštine Bosne i Hercegovine.

-Ovogodišnji Izvještaj Evropske komisije o napretku u Bosni i Hercegovini manje je pozitivan od prošlogodišnjeg. Učinjeni su određeni pomaci, ali Bosna i Hercegovina ima mnogo veći potencijal i smatram da je mogla da uradi više, rekao je u Sarajevu zamjenik generalnog direktora Evropske komisije za proširenje Evropske unije Jan Truščinjski.

Ističući da je mnogo vremena izgubljeno uzalud, Truščinjski je upozorio da odgovornost za to, kako se navodi i u Izvještaju, snosi i Komisija za evropske integracije Parlamenta Bosne i Hercegovine.

-Uprkos činjenici da je proširena, Komisija za evropske integracije ostala je prilično

neaktivna i u minimalnoj je mjeri doprinosila sjednicama Parlamenta koje se tiču evropskih integracija, kaže se u Izvještaju.

Prema navodima iz Izvještaja, saradnja Parlamentarne skupštine i Vijeća ministara Bosne i Hercegovine i dalje je neadekvatna i ne postoji koordinacija u planovima za usvajanje zakona o evropskim integracijama.

Predsjedavajući Komisije Halid Genjac rekao je da se rad ovog tijela ne može posmatrati izvan konteksta u zemlji.

-Mislim da ima prostora da utičemo na Vijeće ministara u značajnijoj mjeri i da ostvarimo bolju saradnju sa entitetskim parlamentima i njihovim komisijama, rekao je Genjac i ocijenio da Komisija ima dovoljno volje, spremnosti i znanja da pređe u odlučniju fazu.

Privredno-kulturna manifestacija "Dani jabuke", Goražde

NA SAJMU UČESTVOVALO 45 IZLAGAČA

U Goraždu je od 25. do 27. oktobra 2007. po četvrti put održana tradicionalna privredno-kulturna manifestacija „Dani jabuke“.

-Ove godine „Dani jabuke“ okupili su oko 45 izlagača iz BiH iz primarne poljoprivredne proizvodnje i prehrambene industrije. Ove godine imali smo izlagače iz zaštitnih sredstava iz Bajera iz Njemačke. Ovo je do sada najbolji sajam, a koliki je iskorak načinjen svjedoči i činjenica da je svečanom otvaranju prisustvovala i kompletna Vlada Federacije BiH - kazao je Hubanić. Manifestacije „Dane jabuke“ otvorio je premijer FBiH Nedžad Branković. Uz sajamske proizvode koji su bili izloženi, u okviru manifestacije već po tradiciji bili su upriličeni i komercijalni susreti i prezentacije, kulturno-zabavni program, te stručna

savjetovanja i predavanja uz učešće eminentnih predavača. U okviru „Dana jabuke“ dodijeljene su i nagrade i to za najbolje voćare, zatim za kvalitet izloženih proizvoda, te za najuređeniji stand.

Plakete „Zlatna jabuka“ za kvalitet proizvoda na četvrtim danima jabuke, pripale su samostalnoj zanatsko-mesarskoj radnji „Baltić“ iz Sarajeva i goraždanskoj mljekari „Milgor“.

Dobitnici „Srebrene jabuke“ su Pčelarski centar „Batinic“ sa Sokoca i ponovo goraždanski „Milgor“. Priznanje za najuređeniji stand na sajmu pripalo je Mlinsko-pekarskoj industriji „Mlin“ iz Ustikoline.

Specijalno priznanje „Prijatelj sajma“, za dosadašnju podršku u organizaciji ove manifestacije, dodijeljeno je Abidu Šariću, ministru privrede Sarajevskog kantona.

**Stotinu žrtava genocida u Srebrenici i Bratuncu ukopano na zemlji koju je kupila,
a nije platila Vlada Republike Srpske**

DODIK SLAGAO PORODICE UBIJENIH BRATUNČANA

-Vlada Republike Srpske napravila je od nas budale. Prvo nisu dali da ukopamo kosti svojih najmilijih na mjestu gdje smo to željeli, već su tražili drugu lokaciju, da bi nas udaljili od grada. Kada smo odabrali lokaciju gdje je lično Milorad Dodik obećao da će Vlada kupiti zemljište, ispostavilo se da je to bila prevara. Iako smo obezbijedili novac za izgradnju mezarja Veljaci '92, sada ne možemo ući jer je to zemljište u privatnom vlasništvu, a mezari su zapušteni i nama se Srbi smiju, jer se opet neki zločinci igraju sa našim žrtvama. Opština Bratunac se ograjuje, Vlada RS-a nas ne čuje, a naši najmiliji su sada ukopani na ničjoj zemlji. Sa ovim riječima je proteklih dana Abdulah Karić, direktor Mezarja Veljaci '92, pritisnut uza zid od strane vlasnika zemljišta na kome se nalazi mezarje i od porodica koje su na njega ukopale svoje najmilije,

tražio pomoć od OHR-a, OSCE-a, državnih i entitetskih vlasti, ali su sva vrata bila zatvorena. Dodikovo obećanje da će se odmah po obavljenoj dženazi u maju ove godine okončati vlasnički odnosi prema svemu sudeći je laž jer do ovoga trenutka novac nije uplaćen. Iako je prije tri sedmice u rebalansu Budžeta RS planirano 300.000 KM za ove namjene u Vladi ovoga entiteta bratunački Bošnjaci još uvijek ne mogu pronaći sugovornika. Sredstva u iznosu od 211.000 maraka planirana za uređenje mezarja, izgradnju musale, ograde i staza, stoje na računu Gradskih groblja Visoko. Projekat je urađen besplatno a visočka groblja će donirati kompletno hortikulturno uređenje. Ipak, sve to će sačekati proljeće, a onda će novi ukopi doći u pitanje, jer će radovi na mezarju smetati. Ramiz Salkić, poslanik u Narodnoj Skupštini Republike Srpske iz Bratunca postavio je poslaničko pitanje, zahtijevajući da



Vlada odgovori zašto je prevarila Bošnjake ovoga grada, ali do sada odgovor nije stigao. Valjda niko nije

mogao zvanično odgovoriti kako je to još samo jedna laž Milorada Dodika.


M. Pagan

Novi članovi Kongresnog kluba BiH u Američkom kongresu

POZOVITE SVOG KONGRESMENA



George Radanovich



Pete Stark


Iz Upravnog odbora Bošnjačko-američkog savjetodavnog vijeća za BiH svojim saopštenjem obavijestili su javnost o najnovijim rezultatima akcije popunjavanja Kongresnog kluba prijatelja BiH u Američkom kongresu sa novim kongresmenima. Svoje članstvo su potvrdila još dva kongresmena, George Radanovich (R-CA 19th) i Pete Stark (D-CA 13th), pa tako sada Kongresni klub prijatelja BiH broji 9 članova sa stalnom tendencijom proširenja. Kako stoji u saopštenju BAACBH čestita dijaspori koja živi u 13. i 19. distriktu savezne države California, na pokazanoj političkoj i demokratskoj zrelosti. «Va-

savjestan, predan i organizovan rad na kontaktiranju predstavnika u Američkom kongresu je urođio plodom i odličan je primjer i podsticaj ostatku naše dijaspore u SAD-u kako bi se "pokrenula" i učinila to isto u svojim sredinama», kaže se u ovom saopštenju. Akcija popunjavanja Kongresnog kluba prijatelja BiH u Američkom kongresu se i dalje nastavlja kao i pripreme na kampanji oko donošenja rezolucije o budućnosti BiH u Američkom kongresu, H.R. 679. Stoga je pozvana BiH dijaspora da uzme aktivno učešće u ovim izuzetno važnim projektima za BiH.

Bosanska piramida sunca

NOVA OTKRIĆA KAO DOPRINOS EVROPSKOJ HISTORIJI

Pronađen je prahistorijski labirint podzemnih tunela dugačak kilometrima koji daje sasvim novo svjetlo na bosansku i evropsku historiju; pronađena je prahistorijska kameni građevina u mjestu Vratnica u čijoj su izgradnji korišteni megalitni blokovi najveći na Balkanu



Protekla istraživačka sezona koja je trajala od 12. aprila do 31. oktobra ove na lokalitetu Bosanska piramida Sunca bila je izvanredna, saopćili su iz Fondacije koja stoji iza ovih istraživanja. Trenutno se prelazi na zimsku sezonu istraživanja koja će trajati od 1. novembra ove do 11. aprila 2008. godine. Upravni odbor ocjenio je proteklu istraživačku sezonu izvanrednom zbog dva značajna otkrića u svjetskim razmjerama. "Pronađen je prahistorijski labirint podzemnih tunela dugačak kilometrima koji daje sasvim novo svjetlo na bosansku i evropsku historiju; pronađena je prahistorijska

kameni građevina u mjestu Vratnica u čijoj su izgradnji korišteni megalitni blokovi najveći na Balkanu. U procesu međunarodne verifikacije Projekta, istaknuti svjetski stručnjaci su boravili u radnim posjetama i potvrđili postojanje kolosalnih kamenih građevina u obliku piramida s pravilnom orientacijom. Među njima je

i ekspertna grupa iz Egipta s četiri doktora arheologije i geologije, dva ruska akademika, doktor biologije iz Velike Britanije, istraživač piramide Filip Coppens iz Velike Britanije i drugi. Dobijena je puna politička podrška svih nivoa vlasti.", navodi se.

Upravni odbor konstatirao je da je tokom prvih deset mjeseci Bosansku dolinu piramida, prema preliminarnim podacima, posjetilo oko 150.000 posjetilaca iz 80 zemalja svijeta. "Ovo je odličan rezultat kad se ima u vidu da je Fondaciji iz neshvatljivih razloga onemogućen rad na Bosanskoj piramidi Sunca, a usporen rad na ostalim lokacijama", ističe se.

Sastanak političkih direktora Upravnog odbora Vijeća za implementaciju mira

PREDSTAVNICI ZEMALJA KOJE SU GARANTI MIRA PONOVILI DA JE BIH SUVERENA I NEDJELJAVA DRŽAVA

• Upravni odbor Vijeća za implementaciju mira podržava odluke i predložene mjere visokog predstavnika, koje su u potpunosti u skladu sa njegovim mandatom i Ustavom BiH. Jedina svrha ovih mera jeste da se omogući lakše odlučivanje u Vijeću ministara i Parlamentu, a one su neophodne za ubrzavanje reformskog procesa •



Politički direktori Upravnog odbora Vijeća za implementaciju mira sastali su se u Sarajevu 30. i 31. oktobra 2007. godine. Predsjedavajući i ministri Vijeća ministara, kao i lideri stranaka iz vladajuće koalicije, prisustvovali su nekim dijelovima sastanka.

U skladu sa odlukom koja je donesena na sastanku održanom u junu, Upravni odbor Vijeća za implementaciju mira ponovo je razmotrio situaciju u Bosni i Hercegovini. U BiH je od tada došlo do daljnog pogoršanja situacije. Odgovornost leži na političkim liderima iz oba entiteta koji su blokirali progres i pogoršavali političku situaciju agresivnom retorikom. Trenutna situacija je krajnje zabrinjavajuća za međunarodnu zajednicu. Upravni odbor Vijeća za implementaciju mira podvlači da je vrijeme da političari u BiH prestanu sa

praksom preispitivanja temeljne strukture države i njenih sastavnih dijelova.

Bosni i Hercegovini su hitno potrebne reforme da bi mogla izgraditi modernu i efikasnu državu koja može zauzeti svoje mjesto u evroatlantskim institucijama i ispuniti obaveze iz Daytonskog mirovnog sporazuma. To se jedino može postići kompromisom.

Međutim, BiH se od juna nije približila parafiranju Sporazuma o stabilizaciji i pridruživanju. Neki politički lideri nisu ispoštovali prethodno preuzete obaveze u pogledu ispunjavanja uslova koje je postavila EU. Ti uslovi se moraju ispuniti da bi ova zemlja mogla zaključiti Sporazum o stabilizaciji i pridruživanju. Lideri u BiH treba da zauzmu pozitivan pristup zasnovan na punom poštovanju Daytonskog mirovnog sporazuma i dijaloga.

Mostarska deklaracija od 28.

oktobra može služiti kao polazište za ponovni pozitivni angažman stranaka iz vladajuće koalicije. Sada je potrebno načiniti konkretnе korake da bi se demonstriralo kako se radi o ozbiljnim naporima. Ukoliko ti koraci uslijede, BiH bi mogla načiniti pomake prema zaključenju Sporazuma o stabilizaciji i pridruživanju.

Imajući u vidu nedostatak pomaka u realizaciji ključnih reformi, potrebno je staviti težiste na završavanje implementacije Daytonskog mirovnog sporazuma, uključujući i napore u borbi protiv evidentne nefunkcionalnosti državnih institucija. Upravni odbor Vijeća za implementaciju mira u potpunosti podržava ovaj pristup.

Upravni odbor Vijeća za implementaciju mira također podržava odluke i predložene mjere visokog predstavnika, koje su u potpunosti u skladu sa njegovim mandatom i Ustavom BiH. Jedina svrha ovih mera jeste da se omogući lakše odlučivanje u Vijeću ministara i Parlamentu, a one su neophodne za ubrzavanje reformskog procesa. Neki politički lideri su pretjerano reagirali na ove mjeru da bi stvorili političku krizu. Oni su također osporili legitimitet i ovlasti visokog predstavnika i Vijeća za implementaciju mira. Upravni odbor Vijeća posebno poziva lidera RS da ispunjavaju svoje obaveze.

Vijeće za implementaciju mira pozdravlja inicijativu visokog predstavnika da se sačini obrazloženje kojim će se pojasniti da se donesenim mjerama zadržava ustavna zaštita konstitutivnih naroda i entiteta. Vijeće za implementaciju

mira u svom saopćenju pozvalo je pravne eksperte RS da se konstruktivno uključe u rad pravnih eksperata OHR-a u pogledu ovog obrazloženja.

Upravni odbor Vijeća za implementaciju mira podsjeća sve potpisnike i strane na njihovu obavezu u skladu sa Aneksom 10 Daytonskog mirovnog sporazuma da u potpunosti saraduju sa visokim predstavnikom i njegovim osobljem. Odluke visokog predstavnika moraju se u potpunosti poštovati i bez odlaganja provesti.

Upravni odbor Vijeća za implementaciju mira ponavlja da neće ostati pasivan u slučaju provokativnih izjava ili poteza. Svi politički lideri ili institucije iz BiH koji osporavaju visokog predstavnika i Upravni odbor Vijeća za implementaciju mira biće predmet odgovarajućih mera. Upravni odbor podcrtava da međunarodna zajednica zadržava sve potrebne instrumente za suzbijanje destruktivnih tendencija i da neće dopustiti pokušaje podrivanja Daytonskog mirovnog sporazuma, kako u zemljama tako i van nje.

Upravni odbor podcrtava da je BiH priznata suverena država čiji je teritorijalni integritet zagarantovan Daytonskim mirovnim sporazumom. Upravni odbor podsjeća da je Ustavom Bosne i Hercegovine utvrđeno da se Bosna i Hercegovina sastoji od dva entiteta i da su Bošnjaci, Hrvati i Srbi konstitutivni narodi. Upravni odbor Vijeća za implementaciju mira ostaje opredijeljen za principe na kojima se zasniva Opšti okvirni sporazum za mir te konstatuje da mjeru visokog predstavnika ni na koji način ne mijenjaju ove principe.

Predstavnici Ministarstva odbrane i Oružanih snaga Bosne i Hercegovine u Ontariju, Kanada

LJEPOTA BOSNE U ONTARIJU

Od ukupno 20 država, predstavnici Bosne i Hercegovine, Hrvatske i Slovačke su dobili najveće pohvale za prezentaciju svojih zemalja.

Piše: Emir Ramić

Predstavnici Ministarstva odbrane i Oružanih snaga Bosne i Hercegovine: Uma Sinanović, pukovnik Refik Kiselica i pukovnik Faruk Brodlić koji se nalaze na učenju engleskog jezika u Ontariju-Kanada (vojna baza Borden), su na dostojanstven način predstavili Bosnu i Hercegovinu.

Prvi novembar se slavi kao Internacionalni dan, kada svi učesnici škole engleskog jezika u vojnoj bazi Borden predstavljaju svoje države.

Uz nesebičnu pomoć predstavnika Kongresa Bošnjaka Sjeverne Amerike {KBSA} i Islamske zajednice "Gazi Husrev-beg" Toronto, Bosna i Hercegovina je predstavljena na najbolji način.

Mirisi bosanske kuhinje, prirodne ljepote Bosne i Hercegovine prikazane kroz spotove, brošure i suvenire, te prelijepa narodna nošnja privukla je pažnju svih prisutnih. Gostoprivrstvo

bosanskohercegovačkih domaćina je ostavilo pozitivan dojam o Bosni i Hercegovini.

Od ukupno 20 država, predstavnici Bosne i Hercegovine, Hrvatske i Slovačke su dobili najveće pohvale za prezentaciju svojih zemalja.

Predstavnici Ministarstva odbrane i Oružanih snaga Bosne i Hercegovine su u subotu drugog novembra učestvovali na koncertu popularne sarajevske grupe ilahija i kasida "Hazreti Hamza" u Torontu. Tom prilikom susreli su se sa Emirom Ramićem predsjednikom Upravnog odbora KBSA i Smajić Mirsadom članom Upravnog odbora. Predstavnici KBSA su upoznati sa trenutnim procesom reformisanja oružanih snaga u Bosni i Hercegovini. Predstavnici Ministarstva odbrane i Oružanih snaga odajući priznanje za rad KBSA su sa zanimanjem pratili izlaganja predstavnika KBSA.

OBAVJEŠTENJE

PRIJEVREMENI IZBORI ZA IZBOR PREDSJEDNIKA REPUBLIKE SRPSKE

Centralna izborna komisija Bosne i Hercegovine je na svojoj sjednici održanoj dana 11. oktobra 2007. godine donijela Odluku o raspisivanju prijevremenih izbora za izbor predsjednika Republike Srpske, koji će se održati dana 9. decembra 2007. godine. U cilju informisanja birača koji se upisuju u izvod Centralnog biračkog spiska za glasanje izvan Bosne i Hercegovine, obavještavamo građane Bosne i Hercegovine u Sjedinjenim Američkim Državama da se obrasci prijava za glasanje putem poste novih registranata mogu naći na web-stranici Ministarstva vanjskih poslova BiH www.mvp.gov.ba na poveznici Izbori u BiH ili na web stranici www.izbori.ba.

Ambasada Bosne i Hercegovine u Sjedinjenim Američkim Državama

Uspjesi bosanskohercegovačkih proizvođača

SVAKI DEVETI PASSAT IMA KOŽU IZ VISOKOG

Visokokvalitetne kožne presvlake za automobilsku industriju širom Europe stižu iz pogona ASA Prevent iz Visokog. Uspjeli su osvojiti 15 posto udjela na tom tržištu tako da svako deveto vozilo na svijetu ima Preventove presvlake. Ovo je istaknuto na Danu otvorenih vrata Preventa. Ova tvrtka tako je nakon mostarskog Aluminija i zeničkog Mittal Steela treća po izvozu u BiH jer kompletna proizvodnja kožnih presvlaka za autoindustriju radi se za inozemno tržište.

Prevent u BiH dio je grupacije Prevent koja obuhvaća oko 60 tvrtki u svijetu i zapošljava oko 10.000 radnika. Godišnji promet svih Prevent lokacija iznosi gotovo milijardu eura. Presvlake iz Visokog nalaze se u svim Passatima, bez obzira gdje je u svijetu proizveden.

Prevent u BiH zapošljava oko 2.700 radnika u proizvodnim pogonima: Prevent Sarajevo, Prevent

Leather Sarajevo i Prevent Cutting. Proizvodnja se odvija u Visokom i Zenici.

Prevent Sarajevo trenutačno uglavnom radi na proizvodnim programima Volkswagena. Prevent Leather je osnovan prije dvije godine, trenutačno zapošljava 250 radnika u novoizgrađenoj tvornici površine 20.000 četvornih metara. U ovom pogonu obavlja se kompletan proizvodni proces od obrade sirove kože, strojnog štavljenja, određivanja debljine, preko finalne obrade peglanja, obrezivanja, dodatnog sušenja i omešavanja do klasificiranja u tri klase.

Direktor ove tvornice Admir Pejkušić objasnio je da se dnevno obradi oko 1.000 koža, odnosno 300.000 godišnje. Zahvaljujući najmodernejšoj tehnologiji i upotrebi hemikalija na bazi vode, ovdje se proizvodi koža bez kroma u namjeri da se udovolji strogim ekološkim zahtjevima svojih kupaca.



U okviru takve politike, izgrađeno je i najmodernejše postrojenje za pročišćavanje otpadnih voda. Od direktora također saznajemo da se za automobilske presvlake koristi isključivo koža bikova. Otprilike pola ulazne sirovine je s domaćeg terena, a druga polovina se uvozi iz zemalja bivše Jugoslavije, Njemačke i Kanade.

U Goraždu održan internacionalni dječji festival **ŠTA SE PJEŠMOM SANJA**

U revijalom djelu programa nastupila je prošlogodišnja pobjednica festivala, Emina Islamović, dječji žiri Bakir i Mahir Vehabović, gost iz Bugarske Branislav Emilić i gošća iz Sarajeva Samra Đozić.

Deveti Internacionalni dječji festival "Šta se pjesmom sanja Goražde 2007" održan je u subotu 27. oktobra 2007. u Velikoj sali Centra za kulturu u Goraždu. Na ovogodišnjem festivalu nastupilo je 15 učesnika iz 7 zemalja: BiH, Srbija, Crna Gora, Hrvatska, Albanija, Makedonija i Bugarska. Festival je otvorio predsjedavajući Općinskog vijeća Goražde g. Smajo Baščelija.

U revijalom djelu programa nastupila je prošlogodišnja pobjednica festivala, Emina Islamović, dječji žiri Bakir i Mahir Vehabović, gost iz Bugarske Branislav Emilić i gošća iz Sarajeva Samra Đozić.

Nagrade su dodijelili stručni i dječiji žiri. Desetogodišnja Ilvana Kudin pobjednica je međunarodnog dječjeg festivala "Šta se pjesmom sanja". Ilvana je izvela kompoziciju "Vjeverica smeda" za koju je Slavko Heleta napisao Slavko Heleta, a muziku Radodrag Čarapić-Šamika. Nagradu za prvo mjesto dodijelio je stručni i dječiji žiri. Drugo mjesto, prema ocjeni stručnog žirija dodijeljeno je Vedadu Čamđiću iz Kladnja koji je otpjevao pjesmu "Tike tačke", a treće su podijelili Neira Merček iz Goražda sa pjesmom "Dani" i Anisa Parganlija "Sunčana škola". Dječiji žiri drugu nagradu dodijelio je Vedadu Čamđiću, a treću Mahiru i Bakiru Vehaboviću za kompoziciju "Prijatelju ruku daj". Ova pjesma je također nagrađena i za najbolji tekst, a Besimu Spahiću pripala je nagrada za muziku pjesme "Matematika i gramatika", dok je Lado Leš nagrađen za aranžman pjesme "Pogled". Najbolji aplauz dobio je Damjan Simonovski iz Makedonije koji je otpjevao pjesmu "Drugarstvo". Najbolji scenski nastup imala Matea Gilbušić iz Hrvatske, dok je nagrada za najbolju interpretaciju pripala Ralitsi Georgijević iz Bugarske koja je pjevala pjesmu "Misija za teb". Najbolji debitant je Jelena Janković iz Srbije sa pjesmom "Drangulija", a nagrada je dodijeljena i najmlađem učesniku festivala devetogodišnjoj Almini Sejdić koja je otpjevala pjesmu "Matematika i gramatika". Nakon takmičarskog djela u Domu mladih je istu večer upriličena promocija CD-a sa svih 15 kompozicija.

Izgradnja mreže cesta u BiH **TRI MILIJARDE U PUTEVE**

Jedan od glavnih preduvjeta za brži ukupni razvoj BiH upravo razvoj prometne infrastrukture, nastavak i povećanje ulaganja u izgradnju mreže cesta nameće se kao neophodan prioritet FBiH.

Prema planu Prioritetnih razvojnih projekata u FBiH, Federacija BiH će u sljedećem razdoblju postati veliko gradilište. U programu javnih ulaganja, koje je Vlada FBiH naznačila u dokumentu, među 59 prioritetnih razvojnih projekata vrijednosti blizu tri milijarde KM najviše će biti utrošeno u prometnu infrastrukturu. Jedan od glavnih preduvjeta za brži ukupni razvoj BiH upravo razvoj prometne infrastrukture, nastavak i povećanje ulaganja u izgradnju mreže cesta nameće se kao neophodan prioritet FBiH. Ulaganja u prometnu infrastrukturu planirana su za 15 projekata, od kojih je devet za izgradnju obilaznica, a ostalo su brze i magistralne ceste ili njihova sanacija.

Za ove projekte je potrebno iz sredstava ostvarenih od privatizacije osigurati milijardu i 555,59 milijuna KM. Mostar, Jajce, Grude, Bugojno, Cazin, Goražde, Donji Vakuf, Kalesija i Ključ će dobiti obilaznice koje

će ovim planom biti završene do 2010.

Za izgradnju "Južne obilaznice Mostar" (veza magistralne ceste M6.1 Široki-Brijeg-Mostar-Nevesinje, namjerava se izdvojiti najviše novca, i to 39 milijuna KM, potom za obilaznicu Cazin 23,20 milijuna KM. Za obilaznicu Grude 8,50 milijuna KM, Ključ 7,10 milijuna KM, Bugojno 6,70 milijuna KM, Donji Vakuf devet milijuna KM, Kalesija 7, 50 milijuna KM i najmanje novca za obilaznicu Jajce u iznosu od 0,89 milijuna KM.

Razdoblje provedbe ovih projekata prema dinamici planova je u prosjeku od dvije do četiri godine. Zamišljeno je da se FBiH novoizgrađenim prometnicama spoji na međunarodne tranzitne koridore. Financijska potpora realizaciji prioritetnih razvojnih projekata u FBiH je bazirana na Planu privatizacije strateških tvrtki tijekom 2008., za što je predviđeno 4 milijarde KM.

Usporene reforme bh društva

POLITIČKI LIDERI NE DOPUŠTAJU INTEGRACIJE

Sukobi između lidera Republike Srpske i lidera Federacije BiH primorali su Lajčaka da poduzme mjere u cilju poboljšanja efikasnosti bosanskih institucija.



Visoki predstavnik Međunarodne zajednice u Bosni i Hercegovini Miroslav Lajčak pozvao je bosanskohercegovačke lidera da odluče da li zaista žele ulazak u Evropsku uniju ili ne.

-**Politički lideri u BiH moraju izvesti zemlju iz krize i odlučiti kojim pravcem će krenuti, že li oni da njihova zemlje krene prema Evropi ili će i dalje kočiti reforme da ih njihovi susjedi pretiču**, navodi se u saopćenju objavljenom nakon susreta u Bruxellesu između Lajčaka i evropskog komesara za proširenje Ollija Rehna.

-**Oni moraju odlučiti je li evropska integracija njihov stvarni prioritet**, doda je on. Ovoj reformi se još uvijek protive Srbi, koji zahtijevaju ostanak entitetske policije, za razliku od

Bošnjaka i Hrvata koji traže ukidanje entitetske policije i uspostavljanje nove strukture na nivou centralne vlasti.

Sukobi između lidera Republike Srpske i lidera Federacije BiH primorali su Lajčaka da poduzme mjere u cilju poboljšanja efikasnosti bosanskih institucija.

Olli Rehn je podržao "napore visokog predstavnika u izgradnji demokratske države, funkcionalne i pouzdane, koja će omogućiti poboljšanje života njenih građana i boljeg odgovora zahtjevima EU-a". U svom godišnjem izvještaju o napretku postignutom u BiH, Evropska komisija je osudila "nacionalistički retorički" bosanskih političkih lidera, koji su "zakočili" reforme u 2007.

**Večeri Kur'ana sa hafizom Sulejmanom
Bugarijem u Čikagu**

DA SE NE ZABORAVI

U Čikagu oko tri hiljade klanjalo Bajram namaz - Održano nezaboravno bajramske sijelo - Po prvi put u džamiji u Northbrooku održana omladinska zabava - Želja roditelja da se djeca upoznaju i druže - U džamiji u Northbrooku i Čikagu održano veče učenja Kurana - Sačuvajmo prošlost da bi sačuvali sebe i svoju opstojnost

Piše: Azra Heljo



Vrijeme neumitno teče i evo bližimo se kraju još jedne, za mene četrnaeste, još uvijek prognaničke godine. Svaki put kad se latim pisanja, osjećam radost, mogućnosti da vam dočaram sva događanja u Čikagu kojima obiluje naša bošnjačka zajednica. A ovdje se vjerujte, uvijek nešto događa. Tako je i ovaj put, gdje je jesen svojim zlatnim bojama obojila protekli mjesec. Za sve nas bilo je dovoljno mjesta da proslavimo Bajram, prisustvujemo jednoj od najljepših bajramskih zabava dosad organizovanih za koju se i mjesec dana unaprijed tražila ulaznica više, budemo dio Večeri Kur'ana sa hafizom Sulejmanom Bugarijem, do jedinstvene, po prvi put organizovane zabave za omladinu u džamiji u Northbrooku. Ovo je, ustvari doba godine koje obiluje događajima, svadbama i veseljima. Ovo je vrijeme, kad smo zajedno, kada osjećamo da pripadamo jedni drugima, vrijeme kad dišemo jednom dušom. Ovo je vrijeme pomirenja i praštanja. Naša zajednica ima posebnu čast da joj gost bude hafiz Sulejman Bugarji, čija predavanja su posjećena do posljednjeg mesta, čija riječ se sluša bez daha, neobičan, savremen i aktuelan. Slušatelj se ne može oteti utisku da je hafiz sa nama sve ove godine. Poznaje prirodu našeg bošnjačkog bića. Nastoji da nas podsjeti na ono što nismo smjeli zaboraviti ali i da nas opomene.

Znam da je uloga novinara da bilježi, da sačuva od zaborava. Posebno je važna u ovom našem presađenom životu, kad smo nastavili da rastemo i starimo na drugom tlu. Da sačuva naše živote od zaborava za mladi naraštaj što stasa i za onaj koji će doći. Zato ovaj put ne želim biti samo puki narator današnjih zbivanja u zajednici. Toga će uvijek biti i imat će se o čemu pisati. Ono što uvijek ostane zapreteno u meni kad stavim tačku na posljednju rečenicu je strah da ćemo svoju prošlost, zbog koje smo i presađeni na ovo tlo, brzo zaboraviti. Da će nam ona služiti samo za govore u prigodnim godišnjicama, a govorniku ćemo frenetično aplaudirati i nakon toga otići na pripremljenu večeru. Hoće li više iko biti u stanju da prepozna suzu u oku

majke za izgubljenim sinom kojeg poslasmo u prošlost. Strah od zaborava je moja noćna mora. Zaborav je ono što ubija, polakko ali sigurno. Kad su me prije dvije godine pozvali da držim predavanje studentima Loyola Univerziteta, dugo sam razmišljala kako da počnem. I sasvim spontano obratila sam im se riječima: Moja namjera

danas je da vas uznemirim. Da vas podstaknem na razmišljanje. Da se ovo više nikom i nikad ne dogodi. Jer dok smo mi živi i dok svoju djecu učimo o najtežem periodu svoje historije, desetine hiljada zvјerski ubijenih Bošnjaka imat će svoje ime i prezime, neće postat smo statistički broj. Jedino tako mogu nastaviti živjeti naši sinovi, očevi, majke, naši najmiliji. Mnogi će reći ne živi se od prošlosti. Tačno, ali se uči. Jer, u stvari, sve je prošlost. I ovo što sad napisah, ova zadnja riječ već je prošlost. Zato je čuvajmo, ako ne radi sebe samih, onda zbog naše djece. Ja ne mogu i neću upravo zbog svega ovog da zaboravim logore Hercegovine u čijim kazamatima su ležali Hasan, Mehmed, Omer... Bili su krivi jer su bili Hasan, Mehmed, Omer... Ja ne mogu i neću da zaboravim suže što potekoše iz slijepih očiju moje majke i krenu u svijet noseći samo breme svojih godina na staračkim plećima, ostavivši na kućnom pragu i posljednju nadu u povratak.

Zato se bojim zaborava i ovo pišem. Sve mi se čini kako polako to zaboravljam, kako nas ovaj svakodnevni život sve više gura u zagrljav zaborava. Kako se sve više opuštamo, kao da se nikad ništa desilo nije, kao da prošlosti nema. Živjeti i raditi se mora. Stvarati uslove za bolji život. Ali se ne mora zaboravljati. Oni što su nam svojom mržnjom i zločinom osigurali kartu za progonstvo širom bijelog dunjaluka, nikada nisu i neće zaboraviti svoju prošlost pa i prije više od šesto godina. Pa su nam i to naplatili. Budimo jedni drugima prijatelji, vratimo povjerenje jedni u druge, pomožimo sebi. Samo jedinstveni možemo se sačuvati, bez rasprava i svađa.

Eto zato bih voljela da ovo vrijeme Ramazana i Bajrama traje vječno. Bili bi zajedno, otvorena srca i duše, praštali jedni drugima i nikada ne bi zaboravili zbog čega smo istrgnuti iz svoje bašće i preneseni u tuđu. Ne dozvolite da nas ubijede, ako zaboravimo hoće, da je ponavljanje majka znanja. Mi smo to naučili na najteži mogući način.

Bošnjaci Kansas City prvi put zajednički u džematu, u mjesecu Ramazanu, predvođeni gostom imamom Muminom Garibovićem

RAMAZANSKE RADOSTI BOŠNJAKA KANZASA

Piše: Bajram Radončić



**Historijski momenat za nas
Bošnjake u Kanzasu - prva džuma namaz
za deset godina boravka Bošnjaka na ovim prostorima**

Mubarek Ramazan dolazi svake godine u različito vrijeme ali donosi sa sobom najljepše čari naše uzvišene vjere islama. Ove godine Bošnjaci muslimani koji su trenutno nastanjeni u Kansas City-u imaju dosta razloga za veću radost nego li ranije. Prvi put u deset godina egzistiranja Bošnjaka na ovim prostorima, desilo se da imamo imama za mubarek mjesec Ramazan, da osjetimo ljepotu zajedničkog ibadeta u džematu, da razlika bude očigledna između mubarek mjeseca Ramazana i ostalih jedanaest mjeseci, da uživamo u teravijama i hudbama na bosanskom jeziku. Zajednica Bošnjaka u Kanzasu ovih deset godina je bila često zaboravljana od svih bošnjačkih institucija, odvojeni kao dijete od majke, ali sve se dešava Allahovom voljom.

Nepokolebljivi u želji da obavljaju namaze i da im djeca pohađaju časove vjerouauku, odlučno i bratski, Bošnjaci Kansasa osnivaju džemat.



Iftar te iste mubarek noći



**Sa 24-te noći
Ramazana kada su dvije
naše sestre prešle na Islam**

Predsjednik džemata Kasim Suljić kontaktira hadži Mumina ef. Garibovića, u nadi da će on obaviti imamske dužnosti u časnom mubarek Ramazanu.

Za dolazak ef. Garibovića zasluzni su pored ostalih još Nezir i Adis Hot sa svojom nesebičnom finansijskom pomoći, a za smještaj imama Bajram Radončić.

Po dolasku imama ef. Garibovića započele su razne aktivnosti u našem džematu: nastava vjerouauke, zajednički namazi, zajednički iftari i teravije, a kako se sve dešava Allahovom voljom, na zajedničkom iftaru 24. noći mubarek Ramazana, dobili smo i dva nova člana džemata.

Članovi porodice Sudac, porijeklom iz Hrvatske, su pred ef. Garibovićem i prisutnim džemalijama, prešli na Islam. Amra i Samra Sudac odlučile su ostatak života provesti u našoj lijepoj vjeri Islamu.



DELMAR FINANCIAL COMPANY

MORTGAGE BANKERS
1030 WOODCREST TERRACE • SAINT LOUIS, MO 63141-5003 • 314-434-7000
TOLL FREE 1-800-289-3326



VAŠ MORTGAGE LOAN OFFICER - DESET GODINA ISKUSTVA

BRUNO MRUCKOVSKI

314-638-3000 OFFICE

314-583-1112 CELL.

8707 Gravois Rd.

UVIJEK NA RASPOLAGANJU ZA TERMINE

*Equal Housing Lender



Štamparsko preduzeće CPA iz Kalesije nakon privatizacije zabilježilo nagli rast proizvodnje i povećanje broja uposlenika

BH LIDER KARTONSKIE AMBALAŽE USKORO I NA HRVATSKOM TRŽIŠTU

Nakon privatizacije investirano 1,4 miliona maraka i proizvodnja podignuta na zavidan nivo. Danas u C. P. A. radi 74 uposlenika.

Dioničko društvo C. P. A. Tojšići pravni je sljedbenik SODA SO Holding dd Kartonaža Tojšići. Od 2001. godine djeluje kao zaseban poslovni subjekt u većinskom privatnom vlasništvu, kada su poduzetnik Hasan Uščuplić, te preduzeća Polo i Polo Junior iz Kalesije, postali vlasnici kontrolnog paketa dionica od 67 %, čija je vrijednost u nominalnom iznosu bila 2,7 miliona maraka. Tvornica

prije svega rezultat ulaganja od 1,4 miliona maraka, što je 4.000,74 % više od preuzetih obaveza prilikom privatizacije.

Izvršena je značajna rekonstrukcija tvorničkih hala, nabavljena nova oprema, usvojene nove tehnologije i akcenat dat na humanizaciju uslova rada i zaštitu okoline. C. P. A. je u proteklih nekoliko godina primila nove radnike tako da danas broji 74 uposlenika koji se



kartonske ambalaže Kartonaža Tojšići osnovana je 1978. godine sa instaliranim kapacitetima prerade do 4.500 tona kartona i papira godišnje. Maksimalno dostignuti kapacitet bio je 3.000 tona 1987. godine.

Danas ova tvornica pod imenom C. P. A. je usavršila proizvodnju složenih kartonskih kutija od shromo kartona gramature do 600 grama po metru kvadratnom, te proširila assortiman usluga na proizvodnju štampane i neštampane ambalaže, knjiga, obrazaca itd. Neposredno prije privatizacije u Kartonaži je proizvodnja održavana na nivou ispod 30% kapaciteta, međutim značajnim investiranjem u proizvodnju i usavršavanje radnog osoblja, C. P. A. se prije svega proizvodnjom ambalaže za so, deterdžente, kutije za kanditorsku i farmaceutsku industriju, te ostale kutije (zbirne, cornflips, za pice, filtere...), dizajniranje i izradu etiketa, blanketa, knjiga, blokova, raznih tiskanica i proizvoda od kartona, vratila na tržište pokazavši da kvalitetom može parirati najznačajnijim štamparima iz ove oblasti u regionu. Tako je C. P. A. postala u pravom smislu lider na tržištu kartonske ambalaže, a to je

permanentno educiraju kako bi mogli odgovoriti zahtjevima proizvodnje i izbirljivog tržišta.

C. P. A. danas radi ekskluzivne poslove za niz veoma značajnih poslovnih subjekata u BiH, među kojima su *Man Humel*, *Tešanji*, *Vispak Visoko*, *Agrokomer* Velika Kladuša, *Meggle* Bihać, *Inmer* Gradačac, *Tuzlafarm* Tuzla, *Fabrika duhana Mostar*, *Pivara Tuzla*, *Solana* Tuzla, *Dita* Tuzla, *Svetlost* Sarajevo i mnogi drugi, a uskoro sa proširenjem kapaciteta očekuje se iskorak na tržište Hrvatske, gdje su već obavljeni značajni kontakti. Kontinuirano podizanje nivoa kvaliteta koji je već dostigao evropske standarde preduzeću C. P. A. iz Tojšića garantira da će zadržati lidersku poziciju na tržištu kartonske ambalaže u BiH. Do kraja 2007. godine ovde će biti instalirane najmoderne proizvodne linije, koje će moći zadovoljiti zahtjeve izbirljivog tržišta da uz usavršeni dizajn, dostignut vrhunski kvalitet štampe, zadovolje i mogućnosti izrade velikih količina štampanih materijala u kratkom roku, prvenstveno poštujući dogovorene termine, što izdvaja ovu kompaniju od brojnih domaćih kompanija, koje padaju na ovom ispitnu.

Locirani u srcu bosanske zajednice!

LEMAY INTERNAL MEDICINE



Treba li vam klinika do koje možete doći za nekoliko minuta i gdje svoje zdravstvene probleme možete opisati na bosanskom jeziku?

Trebate li doktore koji će pristupiti vašem problemu kao svom vlastitom?

Nazovite nas: 314-543-5984
i na bosanskom jeziku

Zakažite apointment. U većini slučajeva možete dobiti apointment isti dan!

**Moderna medicina.
Tretman sa razumijevanjem.**



**Josef Wood,
doktor medicine**

Medicinski Fakultet
University of Illinois

Residency:
St. John's Mercy,
St. Louis



**Emir Kerić,
doktor medicine**


Medicinski Fakultet
Univerzitet u
Banja Luci

Residency:
SLU Hospital
Forest Park Hospital

LEMAY INTERNAL MEDICINE

2900 Lemay Ferry Road Suite 208
St. Louis, MO 63125
314-543-5984

**ST Anthony's
Medical Center**



Designed by the Bosnian Media Group



BILTEN KONGRESA BOŠNJAKA SJEVERNE AMERIKE, broj 7, godina II

Velika akcija Kongresa Bošnjaka Sjeverne Amerike

CILJ JE REGISTRACIJA 50.000 GRAĐANA BIH U SJEVERNOJ AMERICI

Kongres Bošnjaka Sjeverne Amerike je poslao 52 paketa u 26 gradova Sjeverne Amerike sa ukupno 1.000 postera i 25.000 dopisnica sa jedinstvenim ciljem da se podigne svijest građana BiH u Sjevernoj Americi o potrebi registracije i izlaska na lokalne izbore u BiH. KBSA još jednom ističe

da dijaspora može tražiti svoja prava tek onda kada iskoristi svoje pravo i obavezu da glasa. Istovremeno glasanje je najbolji demokratski i politički put da se ponište svi rezultati genocida u BiH. To će prihvatići svijet kao izraz demokratske volje građana BiH, smatraju u KBSA.



BUDI SPREMAN!
IZVADI PASOŠ / LIČNU KARTU
DAJ SVOJ GLAS ZA BOLJE SUTRA!
BH IZBORI: jesen 2008

Sve vas, koji ste prezivjeli ili koji ste uspjeli izbjegci genocid koji je pocinjen nad vasim narodom, a koji živate u Sjevernoj Americi, Kongres Bošnjaka Sjeverne Amerike Vas poziva da postanete istinski građanin države Bosne i Hercegovine, moleći Vas da podnesete zahtjev za dobijanje bosanskohercegovačkih ličnih dokumenata - pasoš ili lične karte. Dobivanjem jednog od ovih dokumenata Vi će te biti u prilici da ostvarite Vaše pravo da birate i budete birani na sljedećim bh lokalnim izborima koji će se održati 2008. godine.

Za više informacija posjetite: www.bosniak.org



Apel Kongresa Bošnjaka Sjeverne Amerike građanima BiH u Sjevernoj Americi

**Vaš mali korak -
registracija i
izlazak na lokalne
izbore u BiH 2008 -
veliki korak za
budućnost Bosne i
Hercegovine**

Sjevernoamerička bosanskohercegovačka dijaspora je pokrenula sa mrtve tačke mnoga pitanja od interesa, kako za bosanskohercegovačke građane u Sjevernoj Americi, tako i za Bosnu i Hercegovinu. Danas je sjevernoamerička bosanskohercegovačka dijaspora posebno interesantna zbog ekonomskog snage i podrške koje ona pruža svojoj matici, ali i zbog toga što ima svoju inteligenciju, političke, ekonomske, kulturne i naučne liderske, biznisme, škole, medije, pisce i novinare, što joj je omogućilo da se sistemski i organizirano bavi sobom, da u američkom Melting potu i kanadskom Kulturnom mozaiku u kojima radi i djeluje postane značajan faktor.

Amerikanci i Kanadani bosanskohercegovačkog porijekla se nisu pitali za dejtonsku podjelu Bosne i Hercegovine. Ali zato se trebaju pitati za njenu budućnost. Vrijeme je da se sjevernoamerička dijaspora aktivno uključi u kreiranje budućnosti Bosne i Hercegovine. Prvi korak u tome je da se registrujete i izadje na lokalne izbore u Bosni i Hercegovini. Sada je vrijeme da se to uradi. Ako se to uradi pred izbore biće kasno.

Kongres Bošnjaka Sjeverne Amerike vas poziva da u ime svjetlijeg budućnosti Bosne i Hercegovine budete spremni za lokalne izbore. Bosna i Hercegovina treba svoje građane u Sjevernoj Americi više nego ikad za demokratizaciju države i civilnog društva za prosperitet i brži put u Europu. Budućnost Bosne i Hercegovine je u rukama vas.

Na prošlim izborima sjevernoamerička dijaspora je šutjela. Više ne smije. Zato građani Bosne i Hercegovine u Sjevernoj Americi blagovremeno se registrujte i pripremite za izbore. To znači da izvade pasoš u nekom od diplomatsko konzularnih predstavništava ili ličnu kartu u Domovini. Dajte vaš glas za svjetliju evropsku budućnost Bosne i Hercegovine. Budite potpuno spremni za izbore 2008. Bosna i Hercegovina treba vas više nego ikad. Jer je budućnost naše Domovine je u našim rukama. Amerikanci i Kanadani bosanskohercegovačkog porijekla na prošlim izborima ste šutjeli. Da li ćete opet? Ako vam je stalo do svjetlijeg bosanskohercegovačkog sutra, ako želite biti dio sutrašnjice Bosne i Hercegovine više ne smijete šutjeti. Glasajmo za bolje sutra, jedinstvenu državu Bosnu i Hercegovinu bez genocidnih tvorevinu u kojoj će individualna i kolektivna prava biti zagarantovana svim građanima. Od sada se vaš glas broji. I ne recite da niste znali - spremite se na vrijeme za izbore 2008!



Zašto svi Bosanci i Hercegovci Amerike i Kanade trebaju glasati na američkim i kanadskim izborima?

BOŠNJAČKI GLAS ZA BOLJU AMERIKU I KANADU

Ustvari se ne radi o tome za kojeg kandidata ili koju stranku glasamo. Radi se o tome da se američki i kanadski državljeni porijeklom iz Bosne moraju predstaviti da su pripravljeni glasati.

Donedavno, ta je zajednica bila jako mali dio američkog i kanadskog političkog debatiranja. Nekoliko članova bosanskohercegovačke dijaspore uspelo se do utjecajnih položaja u američkoj politici, međutim oni su bili efektivniji kao individualci nego kao zajednica, s mogućom iznimkom jedne ili dvije zajednice. Dočim smo mi bili zainteresirani za i odani progresu Bosne i Hercegovine nakon komunizma i kretanja prema Euro-atlantskoj obitelji demokracija, dijaspora nije formirala značajniji glasački blok. Hrvatski, srpski i albanski Amerikanci su bili poprilično veći i vidniji blok. Međutim, čak i oni koji su porijeklom iz Bosne i Hercegovine su po običaju bivali uključeni u mnogo brojnije blokove imigranata porijeklom iz Hrvatske, Srbije, Crne Gore, Albanije i Kosova. To se promjenilo nezavisnošću Bosne i Hercegovine 1992. godine. Bosna i Hercegovina se uzima kao zemlja koja zasluguje imati svoj vlastiti fokus. Isto tako postoji i značajno veliki broj imigranata koji direktno vuku korijene i motivacije ratu za BiH. Bošnjaci sada čine jezgru potencijalnih glasača koji vuku porijeklo i imaju veze s Bosnom i Hercegovinom. Sad je prilika za Bošnjake da se prometnu kao politički motivirani, informirani i aktivni kao Amerikanci i Kanađani u odnosu na politiku tih zemalja prema Bosni i Hercegovini. Danas se o Bosni i Hercegovini može govoriti ne kao o humanitarnom ili moralnom predmetu nago kao o zemlji čija budućnost i integracija u Euro-atlantsku obitelj utječe na glas hiljada Bošnjaka u Americi i Kanadi. Na taj način mi isto tako možemo tražiti učešće i ohrabriti koordinaciju s Hrvatima, Srbima, Crnogorcima, Slovincima, Albancima i drugim, pogotovo s onim koji su porijeklom iz BiH, ali isto tako i u širem kontekstu, koji dijele viziju naprednog, multietničkog i otvorenog društva u BiH i njenom okruženju. Izgradnja suradnje je jedna od osnovnih strategija i tekovina sjeverno-američkog lonca u kojemu se zakuhavaju ekonomski i etnički interesi.

Glasajte za bolju Ameriku i Kanadu

Učešće u njihovim političkim sistemima je važno prvenstveno zbog utjecaja na vašu budućnost u Americi i Kanadi, a ne samo zbog Bosne i Hercegovine. Radi se o svemu, od efektivnosti škola, pa do zaštite sloboda i otvorenosti u američkom i kanadskom društvu. Štititi interesu naše šire zajednice u Americi i Kanadi je kako se treba raditi.

Kandidat za Kongres Sjedinjenih Država ili Parlament Kanade može imati većeg utjecaja na budućnost Bosne i Hercegovine nego bilo koji političar BiH

To baš ne ide u prilog političkoj nezavisnosti Bosne i Hercegovine, ali američki Senator ili kanadski Parlamentarac mogu biti od presudnog značenja u pomoći Bosni i Hercegovini kovati svoju budućnost. Glasajte za one koji će podržati BiH aspiracije kao partnera u Euro-atlantskim obiteljima, Americi i Kanadi. Ne radi se samo o budućnosti našeg porijekla, BiH, nego i o percepcijama koje američki ili kanadski političar ima o nama i o našoj kulturi. Mi moramo zahtijevati ništa manje za BiH nego ona načela i odredbe po kojima mi živimo u Americi i Kanadi.

Učestvovanje u političkom procesu

1. Registrirajte se da glasate
2. Idite na izbore - i čak da ne glasate, ovo će vas zadržati na spisku glasača za slijedeće izbore

identificirati vas kao političko pomognog individualca

3. Učestvujte novčano ili volonterski u kampanji kandidata ili glasačkog izbora za kojega osjećate odanost
4. Učlanite se u stranku ili pokret nezavisnih
5. Učlanite se ili osnujte komitet političke akcije što vam dozvoljava da koordinirate i skupljate doprinose u imenu kandidata, političkog predmeta ili pokreta
6. Organizirajte skup za potencijalne glasače i kandidate u svom domu, uredu ili zajednici, pogotovo za predizborne kampanje kad su kandidati zainteresirani tražiti podršku dobro fokusiranog, čak ako je i malobrojno, tijela potencijalnih glasača
7. Postanite dio glasačke inicijative u vezi predmeta koji se mogu staviti na glasački list
8. Postanite dio kandidatske kampanje, lokalnog ili nacionalnog ureda
9. Razmislite o tome da vi sami postanete kandidatom - organizirajte lokalni skup čak i ako su vaše ambicije šireg pogleda

BiH dijaspora je već utjecala na rezultate izbora u Sjedinjenim Državama

BiH dijaspora kao zajednica nije velika ali je koncentrirana u nekoliko važnih izbornih područja. Iako se ne da dokazati, izgleda da je vrlo moguće da su novi glasači BiH dijaspore bili odlučni glasovi u izborima za Senatsko mjesto iz države Missouri, što je, na kraju, utjecalo na pomak u Senatu i Kongresu Sjedinjenih Država u prilog Demokrata. Ako ovo nije točno, čitatje dalje.

Dajte si pohvalu za uspjeh

Politički uspjeh je baziran na široj podršci. Mi moramo naći naše političke partnere u izbornom tijelu Amerike i Kanade. Mi moramo naći zajednička gledišta s drugim dijelovima dijaspore koji imaju sličnu viziju za Jugoistočnu Europu i Bosnu i Hercegovinu. Pogledi ne moraju biti usaglašeni ili idealni ali ako mi nismo u stanju izgraditi jedinstveni stav u Sjedinjenim Državama ili Kanadi kako onda mi možemo

очекivati jedinstvenu Bosnu i Hercegovinu da funkcioniра. Mi imamo jedno načelo koje nam ide u prilog: Mi želimo za Bosnu i Hercegovinu jednaka načela demokratskog, pluralističkog i otvorenog društva na kojem su osnovane Sjedinjene Države i Kanada. Izgradnja koalicija ipak mora uključiti i zajednice koje su vezane uz okruženje ili uz druge zajednice dijaspore, to je neupitno. Relativitet Bosne i Hercegovine je od važnosti malom broju glasača.

Bosanskohercegovački Amerikanci i Kanađani, a pogotovo Bošnjaci, pošto smo identificirani kao Muslimani, ne smiju pasti u zamku zatvorenosti i glasati s prejudiciranjem. Naprotiv, mi moramo identificirati našu političku budućnost s onima koji isto tako mogu biti izdvojeni kao vanjski faktori. Ono najbolje na čemu je Amerika ili Kanada osnovana nije ono što je zabranjeno društvenim konformizmom nego otvorenost društva i njegova krajnja odanost uključivosti svih. Bošnjaci su samo jedan od najsvježijih valova imigranata koje je Amerika prihvatala.

Bošnjaci su imetak zapadnih demokracija koji treba podsticati a ne gledati kao moguću prijetnju koju treba kontrolirati

Bošnjaci su dozvolili drugima da ih definiraju, i to većinom onima koji nam ili ne žele dobra ili ne brinu da nas upoznaju. Čak se i neki „Bošnjački“ politički vođe prodali novoj instalaciji gospodara tako da bi kontrolirali „bijele teroriste“ u njihovom imenu. Neki drugi govore više o opasnostima nego o mogućnostima. Ako se Bošnjake, „bosanske Muslimane“ gleda kao na potencijalnu prijetnju onda će i budućnost Bosne i Hercegovine biti obrađena po načelu najnižeg zajedničkog nazivnika od stranih birokrata koji joj danas definiraju budućnost. Ako se, pak, Bošnjake vidi kao partnere u očima američkih i kanadskih političkih vođa, birokrati će se povinovati i prilagoditi njihove napore u Bosni i Hercegovini da odražavaju ono što je dobro i moguće u naprednom društvu. Bošnjake se još uvek iskoristava u Bosni i Hercegovini, međutim mi, koji ovdje živimo, smo danas Amerikanci i Kanađani. Mi ćemo igrati političke igre kako najbolje služi našim interesima.

Kampanja KBSA I BAACBIH u Američkom kongresu

ODVOJITE PET MINUTA ZA BIH - PIŠITE SVOM KONGRESMENU DA PODRŽI REZOLUCIJU O BIH

Bošnjačko-američko Savjetodavno vijeće za Bosnu i Hercegovinu sa sjedištem u Washington DC-u je nedavno iniciralo, te uz pomoć novoosnovanog kongresnog kluba BiH u američkom Kongresu (Congressional Caucus on Bosnia) i njegovog kopredsjedavajućeg kongresmena Christophera Smitha, stavilo u kongresnu proceduru Predstavničkog doma američkog Kongresa novu Rezoluciju o Bosni i Hercegovini (H. Res.679).

Ovom rezolucijom Predstavnički dom američkog Kongresa iznosi svoj stav o

kontinuitetu posljedica genocida, zločina protiv čovječnosti i ratnog zločina počinjenog u Bosni i Hercegovini.

Poštovani prijatelji BiH u SAD, KBSA vas poziva, dajte 5 minuta za BiH pošaljite pismo svom kongresmenu za podršku Rezolucije; dajte 5 minuta za BiH pošaljite pismo svome kongresmenu za podršku Klubu prijatelja BiH. Samo od vaše akcije i vaših pisama zavisi uspjeh ove historijske akcije.

Sve informacije o akciji mozete dobiti na www.BAACBH.org

Intervju, Đenita Pašić, član Upravnog odbora Bošnjačko-američkog savjetodavnog vijeća za Bosnu i Hercegovinu

BOŠNJACI U DIJASPORI MOGU UTICATI NA ODNOS AMERIKE PREMA BOSNI I HERCEGOVINI



BAACBH je uspjela da mobilizuje mnoge Bošnjake i prijatelje jedinstvene, multietničke i demokratske BiH da uticu na svoje kongresmene i senatore da se ovi priključe Klubu Prijatelja BiH. Prije nekoliko dana su u Klubu Prijatelja BiH bila samo dva člana a danas ih već ima 12. Očigledno je da se nekih 250.000 Bošnjaka u Americi mogu i te kako organizovati i mobilisati da naprave odgovarajuće promjene u Americi i svojoj domovini.

internacionalne poslove i projekte putem Interneta i telefona i uz pomoć kompjutera.

Kako ocjenjujete dosadašnje uspjehe i akcije BAACBH?

BAACBH je organizacija za koju sam saznala nakon što su njeni članovi postigli nevjerojatan uspjeh i u američkom i Kongresu sproveli rezoluciju o Srebrenici kojom je prvi put američkoj javnosti bilo predviđeno da je nad Bošnjacima Muslimanima u Srebrenici i Bosni i Hercegovini počinjen genocid. Takav uspjeh me je oduševio i potvrdio da ti mlađi ljudi znaju šta rade i kako da postignu nevjerojatne rezultate u najvažnijem zakonodavnom tijelu američkog društva. Bila sam počašćena kada su me pozvali da im se pridružim kao pravni savjetnik i član upravnog odbora.

Koje akcije trenutno vodi BAACBH?

Sada BAACBH radi na novoj rezoluciji za BiH koja podržava američku politiku revizije Dejtonskog sporazuma u smislu nadilaženja njegovih entitetskih podjela i problema, te ustavne reforme BiH. BAACBH ovaj put radi kroz Klub Prijatelja BiH u američkom Kongresu kojeg je oformila uz pomoć američkih kongresmena Smith-a i Carnahan-a. BAACBH je uspjela da mobilizuje mnoge Bošnjake i prijatelje jedinstvene, multietničke i demokratske BiH da uticu na svoje kongresmene i senatore da se ovi priključe Klubu Prijatelja BiH. Prije nekoliko dana su u Klubu Prijatelja BiH bila samo dva člana a danas ih već ima 12. Očigledno je da se nekih 250.000 Bošnjaka u Americi mogu i te kako organizovati i mobilisati da naprave odgovarajuće promjene u Americi i svojoj domovini. Samo im je potrebna odgovarajuća organizacija koja radi za njihovu stvar i to je BAACBH.

Kako naše zajednice mogu pomoći djelovanju Kluba Prijatelja i podršci Rezolucije 679?

Naše zajednice se trebaju ugledati na one koje su već uradile svoj posao i izlobirale svoje kongresmene i senatore da se priključe Klubu Prijatelja BiH. To su uradile zajednice u St. Louis-u, Chikagu, Detroitu, San Francisku... Obično posao radi nekolicina aktivista sa pismima, spiskovima potpisa; vema često sa aktivnosti organizuju oko džemata jer se tamo sastaje najveći broj Bošnjaka... I mi u Luivilu radimo na tome da se naš kongresmen i dva senatora priključe Klubu Prijatelja. Rezolucija je sljedeća stepenica u radu BAACBH. Kada bude vrijeme za glasanje u američkom Kongresu onda ćemo morati uticati na kongresmene da glasaju za rezoluciju. Vjerovatno će biti i nekog otpora da rezolucija prođe kako je zamišljeno ali moramo uraditi sve što je u našoj mogućnosti da se rezolucija usvoji. Trebate da znate da su u američkom Kongresu također veoma jaki Klubovi Prijatelja Srbije i Hrvatske, te da neki od njih mogu pružati otpor promjeni stanja u Bosni. Međutim, upravo zato se mi moramo potruditi da budemo organizovani i da i mi u Americi damo svoj doprinos pozitivnim promjenama u BiH.

Šta znači za Bosnu i Hercegovinu usvajanje Rezolucije 679 u Kongresu?

Nova rezolucija o ustavnim promjenama, pozivajući se na prethodnu o Srebrenici, govori o posljedicama genocida i nalaze američkoj vladi kako otkloniti posljedice tog genocida. Jednom kada ova rezolucija

bude usvojena, američka Vlada bi trebala usmjeriti svoje diplomatske napore kako bi se postigli zahtjevi ove rezolucije, jer joj to nalaže njen, američki kongres. S druge strane, to će olakšati pregovaračku poziciju probosanski orijentisanih političara tokom pregovora o reformi ustava, jer će se tada njihova politika "podudarati" sa politikom SAD-a.

Kakvu bi ulogu u budućnosti Bosne i Hercegovine trebao igrati Klub prijatelja u Kongresu?

Klub Prijatelja bi mogao biti organ preko kojeg bi se pomoglo stvaranje politike jedinstva u BiH. Kao što znate, u svijetu se ništa ne dešava bez američkog uticaja. Amerika je doprinijela zaustavljanju rata u BiH. Sada bi mogla da napokon uspostavi jedinstvo, ravnopravnost i punu demokratiju na cijeloj teritoriji BiH. Klub Prijatelja nas može dovesti do tog cilja.

Kakvo je Vaše viđenje političke situacije u BiH, na koji način Dijaspora može pomoći, posebno bošnjački i bosanski intelektualci?

Trenutna situacija u BiH je nestabilna. Izgleda da se naši politički predstavnici ne mogu dogovoriti kako dalje. Žalosno je da moramo imati strance da rješavaju situaciju u BiH. Međutim, čini mi se da je Lajčak odlučio da stvar istjera do kraja. Dijaspora može pomoći i putem Kluba Prijatelja BiH u američkom Kongresu i putem nove rezolucije. Naime, Lajčak želi da uspostavi jedinstvenu i funkcionalnu BiH, a to je što i mi želimo. Što se tiče intelektualaca, trebaju da se pridruže svim ostalim članovima dijaspore i da se uključe u akciju oko obezbjeđivanja što većeg broja kongresmena i senatora u Klubu Prijatelja BiH, te da osiguraju prolaz rezolucije o BiH. Dužnost intelektualaca bi bila u mobilisanju masa, pisanju pisama, skupljanju potpisa i slanju istih u Washington. Bez zajedničke akcije nema promjene.

Kako djeluje bosanska zajednica u Luivilu?

U Luivilu ima oko 5.000 Bosanaca i Hercegovaca, većinom Bošnjaka. Veliki dio naše dijaspore ovdje je na neki način povezan sa našim Islamskim Centrom kojeg je osnovao i koga vodi naš dobar prijatelj Šemsudin Haseljić. Imam i njegova supruga također veoma pozitivno utiču na prijateljske odnose u našoj zajednici. Kad je potrebno djelovati za BiH, ja obično sarađujem sa njima u organizovanju akcija kao što je pisanje pisama, sakupljanje potpisa i slanje istih našim kongresmenima i senatorima u Kentaku. Cilj nam je da nas isti podrže u našoj borbi za novu, demokratsku BiH.

Da li po Vašem mišljenju Bosanci dovoljno koriste demokratske tekovine zemalja u kojima žive u Dijaspori?

Mi Bošnjaci i svi bivši stanovnici BiH sada živimo u zemlji u kojoj postoje mehanizmi za demokratske promjene. Ako se ljudi povežu i uključe, u ovoj zemlji se sve može promjeniti. To je prednost našeg života ovdje. Kroz BAACBH vidimo da su naši mladi intelektualci naučili ovu lekciju i da rade na demokratskim promjenama u BiH na pravi, demokratski način, kroz postojeće institucije. Jedna osoba ne može promijeniti ništa ali ujedinjena grupa ljudi, u našem slučaju BiH dijaspora, može promijeniti sve. Radimo na tome.

Sajam Ambienta u Zagrebu

USPJEŠAN NASTUP BH DRVOPRERAĐIVAČA

Privredna komora Tuzlanskog kantona prošle je sedmice u Zagrebu na 34. međunarodnom sajmu namještaja, unutarnjeg uredenja i prateće industrije "Ambienta 2007" predstavila klaster od 23 prerađivača drveta, odnosno proizvođača namještaja. Ovom klasteru koji posljednjih godina, kao strateški projekt bh privrede, podržavaju GTZ i USAIDCC pridružilo se još šest bosanskohercegovačkih preduzeća, tako da je izložbeni prostor Privredne komore TK zauzeo 1.026 metara kvadratnih. Zahvaljujući planskom nastupu drvoprađivača izvan zemlje i izvozu gotovih proizvoda od drveta, koji su posljednjih godina zamjenili plasman na inozemno tržište sirovog drveta, BiH trenutno ima upravo u ovom grani najbolje rezultate, jer je pokrivenost uvoza izvozom premašila 300%. Iako se na

sajmu pojavilo 718 izlagачa iz cijelog svijeta izložbeni prostor Privredne komore bio je jedan od najzapaženijih, što je i bio razlog za dobijanje prestižne nagrade za visok nivo nastupa. Prema riječima Eldina Brčaninovića, direktora tvornice namještaja Konjuh iz Živinicu, koji se predstavio na 120 kvadrata i sa četraest novih garnitura namještaja, bosanskohercegovački poduzetnici imali su niz značajnih kontakata sa zapadnim poslovnim partnerima, tako da se može očekivati novi poslovi na planu izvoza.

-Prošle godine u Zagrebu smo sklopili mnogobrojne poslove, veoma bitne za naše preduzeće, ali i za BiH, jer smo stranom tržištu u potpunosti nametnuli finalne proizvode visoke kvalitete, a ne samo sirovinu.



Iako se na sajmu pojavilo 718 izlagacha iz cijelog svijeta izložbeni prostor Privredne komore bio je jedan od najzapaženijih, što je i bio razlog za dobijanje prestižne nagrade za visok nivo nastupa.

pristupa preradi drveta i izradi trpezarijskog namještaja. Uspješne nastupe također je imalo još nekoliko preduzeća iz BiH: Preduzeće Sinkro d.o.o. Ilidža dobilo je prestižnu nagradu za uspješan razvoj assortirana blagovaoničkih stolica RAMONA ESMA, D. I. Vrbas a.d. Banja Luka nagrađeno je za uspješan razvoj blagovaoničke garniture JANA i D. I. Janj d.d. Donji Vakuf, za uspješno ostvarenje furniranih unutarnjih dovratnika i vrata. Prema najavama Nedret Kikanovića, direktora Privredne komore Tuzla, već su započele pripreme za nastup klastera na sljedećem sajmu Ambienta 2008, a princip organiziranja u ovoj oblasti poslužit će za grupiranje proizvođača i u drugim privrednim oblastima, kako bi nastup na evropskom tržištu bio potpuni i upečatljiv.

Ovogodišnji sajam je mnogo uspješniji i vjerujemo da će se to odraziti na naše poslovanje, kazao je direktor Brčaninović. Konjuh je sa garniturom Guliver, koja je osvojila niz zlatnih medalja na prestižnim sajmovima, iako nije bio u takmičarskoj konkurenци, na Ambienti je bio jedan od najzapaženijih jer je prije svega održavao posebnost bosanskog



Ako želite da kupite ili prodajte vašu kuću, za Vas je najbolji izbor:



**Claus Schlaefli
314-503-6611
www.WhySTL.com**



Garantovana satisfakcija!

Pažnja kupci!!!
Izbjegnite greške kod kupovine kuće i ušteditate hiljade dolara
Nazovite za besplatan savjet:
1-888-876-2997 #1019

Your Home SOLD in under 120 Days or I Buy it for Cash

Ako još niste izabrali agenta, onda je Claus pravo rješenje
Nazovite odmah: **314-503-6611**

www.unahot.com
unahot@gmail.com
[519] 474-6336

Pokažimo humanost SUMEJI JE POTREBNA POMOĆ



Dvanaestogodišnja Sumeja Karahmet iz Jelaha/BiH pati od teške bolesti unutarnjih organa i jedina mogućnost da preživi je transplantacija jetre. Malteser su se pobrinuli da mala Sumeja dobije mogućnost transplantacije u Njemačkoj. Iz ove situacije proizilaze poznate teškoće, kao prije svega finansiranje same operacije, liječnika i naravno psihosocijalne opskrbe ne samo za Sumeju nego i njenu familiju. U međuvremenu je sastavljena koordinaciona grupa pod nazivom "Pomoć Sumeji" koja danonoćno radi na realizaciji ove teške zadaće. Ona se sastoji od gospodina Stefan Kröning (Malteser odjel za internacionalnu pomoć), gospodina Werner Klasner (Malteser odjel Pomoć Istična Evropa) i interniste gospođe dr. med. Astrid Dörner.

S poštovanjem
Senada Softić-Telalović
Predsjednica
Svjetskog saveza dijasporu BiH

Za sve ostale informacije možete se obratiti:
na njemačkom jeziku: www.hilfe-fuer-sumeja.de ili
na bosanskom jeziku: www.forschungsgruppe-bosnien.de

Humanitara akcija NISTE ZABORAVLJENI provedena uoči Bajramskih praznika u naseljima Cerska i Skugrići kod Vlasenice

BAJRAMLUCI ZA DJECU PODRINJA



kojima: Enisa Žunić, Nedret Kikanović, Zlatko i Maida Berbić, Izudin Kapetanović, Ahmet Bašrić, Amela Isanović, Edo Imamović, Amir Avdić, Dževad Mahmutović, Sadik Ahmetović... U Zenici je najznačajniji posao uradio BM Radio koji je pozvao svoje slušatelje da se uključe u akciju, tako da je za manje od deset dana prikupljen kamion pomoći. Također prikupljeno je u Tuzli i Zenici oko 3.000 gotovine koja je podijeljena, kao bajramski poklon, djeci ali i najugroženijim porodicama.

Nakon Cerske malo konvoja posjetio je naselje Muškići, nedaleko od vrha Udrča, koji se u podnevni satima sa svojim 1.041 metrom probio iz magle isijavajući prirodnu namrgodenost. Do ovoga mesta putuje se teško prohodnim makadamskim putem, skoro dvanaest kilometara. Djeca iz ovoga mesta pohadaju školu u Cerskoj i nakon nastave koja se završava u 12.00 sati, oni čekaju školski kombi, jedino prevozno sredstvo koje se uspijeva probiti do sela. Da bi se prevezla, djeca čekaju tri i pol sata ispred škole, dok kombi razvjez drugu djecu



U Cerskoj i Skugrićima boravila je i Azra Pagan, vjerovatno najmlađi humanitarac u BiH. Ona je iako samo sa šest godina prošle godine boravila u Žepi gdje je u akciji BMG Bosanske medijske grupe pomogala djeci u ovađašnjoj školi. Azra je za odlazak u Cersku i druženje sa djecom u osnovnoj školi Cerska spremila paket svojih igračaka, edukativnih DVD-ova i crtića, te veliki broj knjiga.

Svakog djetetu u Tuzli može odvojiti jednu torbu svojih stvari koje mu ne trebaju i to je pomoći djeci koja nemaju, kazala je Azra Pagan novinarima koji su boravili u Cerskoj.

Bosanska riječ poklonili su svoja izdanja i kompletne lektire, te edukativne DVD-ove. Omega je poklonila novi televizor, Privredna komora DVD plejer, Genelec laserski štampač sa rezervnim tonerom, a Blico dresove za svako dijete i novčani prilog...

Dok se vraćamo u poslijepodnevnim satima u dolinu, prema Konjević Polju i iza sebe ostavljamo crkvu u dvorištu Fate Orlović, ispred koje se kratko zadržavamo, sređujemo utiske i razmjenjujemo skoro iste zaključke: tako je malo potrebljano da od onoga što nam je suvišno ili ne predstavlja veliki napor, donesemo radost ljudima koji ne traže i ne mole, već se bore za svoje mjesto pod suncem. Dogovaramo se da nova akcija uslijedi za nekoliko sedmica, a pomoći su nam već ponudili CPA Tošići, Duka namještaj Brčko i Širbegović Gračanica. Naša radost što je oko nas veliki broj dobrih ljudi koji su spremni pomoći zaokružuje jedan lijep i zadovoljstvom ispunjen dan.

Hladno i kišno oktobarsko jutro na padinama dvogrbe planine Udrč, čiji vrhovi nestaju u bjeličastoj izmaglici, koja se negdje gore, čini se na mjestu gdje treba stići naš malo konvoj, stapa sa gustim olovnim oblaciima. Šumoviti podrinjski krajevi kako se ide uzvodno, postaju sve suroviji, sa više stijenskih masiva, manja naselja, i ljudi su po pravilu čvršći, borbeniji i vremenom i sami postanu surovi. Dedo Muradif Musić, sedamdesetogodišnjak, kaže kako ovdje



kombi Stolarije Pagan iz Tuzle i dva vozila, iz Narodne i univerzitetske biblioteke Derviš Sušić Tuzla, te organizatora akcije BMG Bosanske medijske grupe, također iz Tuzle, donijeli su bar u jednom danu radost mališanima Cerske, koja se godinama u javnosti pominjala samo po hrabrosti i herojskim odbranama tokom rata. Danas je ovo mjesto daleko od ratnih razaranja, od priča o herojstvu i neprijateljstvu većina kuća je obnovljena i mještani ovog naselja pokušavaju voditi uredan, domaćinski, ali izuzetno težak život. Ljudi žive od poljoprivrednih proizvoda koje uzgajaju na malim, usitnjeni posjedima otetim od planine i šume, od rijetke stoke i od voća, koje ovdje odlično uspijeva. Povratnici nemaju mogućnost zaposlenja, naravno osim rijetkih koji su uspjeli dobiti mjesto u školi ili sami pokrenuti biznis. Na svakom koraku se vidi kako je upravo ovdje i upravo njima potrebna pomoć sistemska i kontinuirana. Ali nije nema. Upravo je to bio razlog što su se organizatori akcije odlučili da upravo ovdje dopreme skromne poklone dobrih ljudi iz Zenice i Tuzle.

-Nismo ni sanjali da ćemo tako lako, bez mnogo napore i odricanja tako mnogo uspjeti uraditi. Inicijativa je pokrenuta od našeg kolege Mehmeda Pagan, nazvali smo nekoliko prijatelja i za petnaest dana uspjeli smo na jednom mjestu sakupiti robu u vrijednosti od 20.000 maraka, kazala nam je Elvira Jaranić direktorka firme BMG Bosanska medijska grupa. Prema njenim riječima u akciju su se uključili Radio Kameleon i Cafe novine, Blicko, Solana, Omega, Genelec, Privredna komora, te brojni pojedinci, među



Bibliotekari iz Tuzle predvođeni direktoricom Enisom Žunić



Djeca, nastavnici i humanitari u Cerskoj

Intervju: Elvira Šabić-Zembo, Bosanka koja živi u Švedskoj, pronašla je sebi novoga prijatelja-djevojčicu iz Vlasenice koju je odlučila izdržavati



Elvira Šabić - Zembo

SRETNA SAM JER MOGU POMOĆI DRUGIMA

Radim kao medicinski radnik u Švedskoj i smatram da sam baš takav-običan čovjek, koji ipak ima želju da svoju slobodu, relativno lijep život i blagostanje podijelim sa drugima kojima je potrebna ruka prijateljstva i pomoći da svoj život ispune i učine ljepljivim.

Bošnjačka Dijaspora pokreće dugoročnu akciju spajanja djece u BiH, kojima je potrebna pomoći sa potencijalnim donatorima koji bi im na daljinu obezbijedili normalan život, školovanje i integraciju u društvo. U ovom broju predstavljamo Elviru Šabić-Zembo, koja je odlučila preuzeti na sebe obavezu izdržavanja jednog djeteta u Bosni i Hercegovini, što podrazumijeva obezbjeđenje sredstava za školovanje, ishranu, oblaćenje itd. Odabranu dijete je petnaestogodišnja djevojčica iz porodice Hasanović iz Cerske kod Vlasenice, koja je u ratu ostala bez oca, četvorice amidža, a danas je odličan učenik medicinske škole i planira nastaviti školovanje na Medicinskom fakultetu u Tuzli. Ona sa majkom živi u naselju Jasenica dvadesetak kilometara udaljenom od Tuzle u jednoj sobi bez potrebnih sredstava za život. Povezivanje Elvire Šabić-Zembo i E. Hasanović (puno ime nećemo objaviti jer je osoba maloljetna) ostvario je dio tima Bošnjačke Dijaspore i Bosanske medijske grupe koji djeluje u Bosni i Hercegovini. Intervju sa Elviri Šabić-Zembo donosimo uz želju da će podstići brojne čitaocu da se uključe u ovu akciju i na sličan način preuzmu na sebe izdržavanje nekog djeteta kome je potrebna pomoći. Ako ne znate kako i kome pomoći javite se u našu Redakciju i mi ćemo vas rado povezati sa porodicama ili djecom koja trebaju upravo vas.

Bošnjačka Dijaspora već četvrtu godinu svojim izdanjima povezuje ljudi u Dijaspori i Matici potencirajući permanentno na «malim», običnim ljudima i njihovim sudbinama jer smatramo da su upravo takvi ljudi moći da poduzmu velike korake i mijenjaju svijet. Vi ste upravo svojim gestom napravili taj korak. Stoga, kažite nam ko je Elvira Šabić-Zembo, žena koja je iskočila iz sivila prosječnosti i prihvatanja da svoj život potroši bez traga i značajnijeg djela koje će ostati da traje zauvijek?

Ja sam Elvira Šabić-Zembo, imam 32 godine i živim u Švedskoj. Rodom sam iz Vlasenice, a sretno sam udata za jednog divnog čovjeka rodom iz Banja Luke, koji se zove Adis i sa njim imam dvoje prekrasne djece Emila i Emmu. Emil ima 4 godine, a Emma je mala beba i tek je napunila 6 mjeseci. Radim kao medicinski radnik u Švedskoj i smatram da sam baš takav-običan čovjek, koji ipak ima želju da svoju slobodu, relativno lijep život i blagostanje podijelim sa drugima kojima je potrebna ruka prijateljstva i pomoći da svoj život ispune i učine ljepljivim.

U vremenu kada većina ljudi postaje neumitno žrtva današnjice brzog života i zanemarivanja najbližih, te trčanja za ostvarivanjem što više kapitala, Vi ste se odlučili na jedan korak koji samo veliki ljudi mogu načiniti - prihvatali ste da izdržavate i školujete jedno dijete u Bosni. Otkuda ta ideja i kako ste donijeli odluku da poduzmete takav korak?

Pa ta ideja je se u meni probudila u zadnjih mjesec

dana, valjda zato što sam kući sa bebom pa imam vremena za razmišljanje. Ja i moj muž volimo da putujemo, pa kroz naša putovanja smo vidjeli svega i svašta, ali nam se najviše dopao način življenja u Maleziji. Zemlja sa prelijepom prirodom i zemlja u kojoj je standard života mnogo drugačiji nego u Evropi, to što hoću da poentiram je što je nas dvoje fasciniralo, kad smo uvidjeli da narod ima posao kakav-takav, exp. u tržnim centrima gdje imaju pokretne stepenice, ljudi brišu onu traku što se raja naslanja rukama na nju. Jer država se brine za stanovništvo. I tako mi ne idemo svake godine u Bosnu, nego praktikujemo svake druge, jer da bi mogli da obilazimo druge države. Ljetos smo bili u našoj ljepoj Bosni, bili smo u Sarajevu, jer tu imamo stan i najviše rodbine, ja imam sa očeve strane, zato što nam je porijeklo iz Sarajeva, a naravno bili smo i u Banja Luci kod Adisove rodbine. Rekla sam na početku ljepe Bosne, a mogu dodati još žalosne i tužne. Standard života je veoma loš, jer 21. je vijek, a vi srećete narod što traži hranu po kontejnerima, ili da doživite da vam na vrata stana zvoniti žena i prosi za svoju bebu, to hoću da vam kažem, da nije romskog porijekla kako smo navikli ranije da gledamo one koji prose, jer i sama se tako predstavljala kad sam joj otvorila vrata, citiram: "Molim vas gospodice je l' imate da mi date nešto za moju bebu, u bilo čemu: hrani, odjeći, novcu, jer vidite da sam bijela da nisam c...". Ili srećete se prelijepom Ferhadijom u Sarajevu, osjećate se kao na Zapadu, sva je raja sređena, ono u žargonu napucana, miriše luksuznim parfemima, a negdje iza čoška stoji jedan stari dedo 80 godina i "prodaje" pape, slape, zepe već kako ko zove - 1 par 3 km, a ako kupite 2 para dobijete za 5 km. I eto to vam je naša Bosna, hoću da kažem, onaj ko ima ne zna što će sa novcem, a ono po bosanski rečeno bijeda uvijek ostaje bijeda.

Ili ima još jedan gest što me podstakao, kad sam gledala bajramski program na Hayatu i intervju sa Efendijom iz Careve džamije, kad kaže kako mi muslimani iz Bosne treba da se malo više okrenemo jedni prema drugima i onda je naveo jedan dobar primjer. Dok je Bosna bila u ratu kako je jedan prosjak iz Egypta, uplatio novac za Bosnu koju je tad prikuplja. Potencija prosjak, a donirao novac, on je otiaš i darovaо svoju krv i za to je dobio novac i taj dobijeni novac je on uplatio na račun za Bosnu. A kod nas još izgleda nije dotaknut taj vrhunac HUMANOSTI, jer kao što stoji već u vašem postavljenom pitanju, zanemarivanje najbližih i trčanje za ostvarivanje što više kapitala, tj. bitno je da je meni fino, a drugom bilo kako bilo. I eto ta ljestva naše Bosne je probudila želju u meni da se brinem o jednom djetetu, a ja mislim da je i humanost Švedske, jer svaki drugi Švedanin ima jedno dijete negdje u svijetu što izdržava, a njihova humanost kao naroda ispoljava se i tako da za vrijeme Božića dobijete poklon ili idete na luksuznu večeru, što firma finansira, a većina se njih toga odrekne i taj namijenjeni novac se stavi na račun za humanitarne svrhe.

Šta ste dobili tom odlukom da pomognete jedan mladi život, a šta izgubili?

Mogu odmah da vam odgovorim da nisam ništa izgubila, jer ja mislim naprotiv da sam dobila, da sam postala bogatija. A to što sam dobila, ja mislim još jednog prijatelja i što će vam veće blago. Jednu osobu koju mogu sa malo novca i ponekim paketom učiniti veoma sretnom.

Da li ste se bavili ranije humanitarnim radom i kako općenito ocjenjujete humanitarni rad Bosanaca i Hercegovaca u dijaspori?

Pa mogu se pohvaliti da sam u vijek uplaćivala novac, ako su u pitanju neke humanitarne akcije. Pa obično kad smo u Bosni tu najviše podijelimo novca, ono što se u narodu kaže halalimo. O humanitarnom radu Bosanaca u dijaspori? Ima i postoji naravno, ali mislim da opet nije to onaj odziv kakav bi trebao biti, sve ne treba svrstavati pod jedan šešir, ali nažalost ima i onih što kažu: «Ja imam sad svoj život ovdje gdje sam i meni je fino, a Bosna je moja prošlost». A mogu dodati i da malo informacija dolazi do dijaspore, pa je teže i narodu da se odaziva na HUMANITARNE akcije. Ja mislim da bi mediji trebali da ukazuju drugačije na probleme koje imamo u Bosni.

Nedavno je naš tim boravio u Cerskoj i Skugriću kod Vlasenice. Kada ste daleko od tih ljudi imate osjećaj da njima i ne treba pomoći, ali kada odete tamo, onda postanete svjesni da svaki čovjek ima potrebu da mu se pruži pomoći. Stoga je i neuobičajeno da ste se baš Vi u Dijaspore sjetili djece koja teško žive, a že život dostojan čovjeka!

Za mene to ne predstavlja nikakvu čudnost, ali sam sretna da mogu da pomognem tom djetetu. Ja sam kao dijete imala super djetinjstvo i moji roditelji su živjeli fino. Ali moj moto u životu je bio: ja hoću da moja djeca imaju bolje i ljepljiv nego to sam ja imala, pa sad mislim kad sam dotakla taj vrhunac hoću da ga podijelim sa drugima.

Nakon Vašeg poduhvata Bošnjačka Dijaspora pokrenut će akciju izbora naj-humanitarca u Dijaspori. Vjerovatno imate poruku ljudima koji će se odlučiti ili se dvoume da naprave korak poput Vašega.

Samo naprijed! Mogu vam reći i nemate se šta ustručavati, jer nema ništa ljepljivo kad vidite dječji osmjeh, i navečer kad odete spavati kažete: baš mi je draga da sam nekoga učinila sretnim. Ja sam slala e-mail u nekoliko organizacija, pa čak i TV Hayat, ali od nekih nisam dobila nikakav odgovor, a neki su bili zainteresovani samo za moj novac. I zato vam mogu reći da je ovaj način, preko Vaše redakcije i urednika Mehmeda Pargana u Bosni, pouzdan način i samo se obratite njemu i učinite jedno ili više djece sretnima. Evo već sam razgovarala sa svojom rođicom iz Italije koja će također prihvatiti da izdržava jedno dijete u Bosni.

Euro Market & Grill

BISER

3225 Lemay Ferry
St. Louis, MO 63125



Otvoreni svaki dan!
9 AM - 7 PM

314-487-2004



Pink Panther Realty, Inc.
5875 N. Lincoln Avenue Suite 200 Chicago, IL 60659

Rina Hodzic

Broker/Owner

Office: 773-290-8165
Mobile: 773-366-0859
Fax: 773-878-8121
Email: rina@pinkpantherrealty.com



**SPECIAL:
SARAJEVSKI
ČEVAP**

3553 Ritz Ctr
St. Louis
314-892-4000

**CAFE
SARAJEVO
MEDITERRANEAN CUISINE**

OTVORENI MON - SAT OD 9.30AM - 7.00PM

JEDINSTVENA POLICIJA JE GARANT STABILNOSTI ZEMLJE



Poštovani Visoki predstavniči Lajčak, pišem Vam u ime Kongresa Bošnjaka Sjeverne Amerike KBSA koji zastupa interes većine od 350.000 američkih i kanadskih Bošnjaka. Ozbiljno smo zabrinuti zbog nedostatka napretka u reformi policije Bosne i Hercegovine i također sa Vašim nedavnim prijedlogom u vezi reforme policije u BiH. Evropska Unija EU je navela reformu policije i saradnju u pravnom gornjenju ratnih zločinaca kao ključne uslove za BiH da dobije dogovor o udruženju, što je prvi korak ka punom članstvu u EU.

Među tim EU načelima reforme policije se nalaze zakonodavstvo (zakonodavna tijela) na nivou države, savezni budžet kao i uspostavljanje novih policijskih regiona da bi se stvorila i ostvarila bolja funkcionalnost. Mi zahtijevamo da se ova načela zadrže u nacrtu dokumenta. Mnogi Bošnjaci još uvijek nisu u stanju da se vrate svojim kućama, jer se policija Republike Srpske još uvijek sastoji od pripadnika jedne etničke grupe koja diskriminira Bošnjake.

BiH ima jedinstvenu vojsku, ali ne i policiju. BiH mora imati jedinstvenu policiju ako će da izbjegne konflikte u budućnosti. Američki i kanadski Bošnjaci su protiv bilo kakvog nacrtu reforme koji će dozvoliti policiji RS da ostane u svojoj trenutnoj formi i sa trenutnom strukturu i hijerarhijom. 26. februara 2007. godine Međunarodni sud pravde je donio presudu kojom se institucije političkog entiteta RS smatraju odgovornima za genocid u Srebrenici i za druge ratne zločine. Ova presuda jasno ukazuje na odgovornost policije RS za kršenja ljudskih prava i terora protiv civila tokom

rata protiv BiH.

Ovo je samo po sebi dovoljan razlog da se rasformira kriminalna grupa policije koja radi unutar RS.

Sljedeće stvari se navode u 31. izvješću Visokog predstavnika za Implementaciju dogovora o miru u BiH, Generalnom sekretaru Ujedinjenih Nacija:

Decembra 2006. Direktorat za Implementaciju restrukturiranja policije ("Direktorat") je završio svoj finalni izvještaj od 36 stranica, "Predloženi plan za implementaciju reforme policijskih struktura u BiH," kako je i bilo naloženo Dogovorom o restrukturiranju policijskih struktura (Politički dogovor) u oktobru 2005. Dolazilo je do mnogih odgovlačenja, koja su većinom bila prouzrokovana od strane vlade RS i njihove opstrukcije i primjedbi na legitimnost procesa, uprkos činjenici da je Nacionalna skupština RS usvojila Politički dogovor i da su Srpski ministri podržavali formiranje Direktorata.

Kao rezultat ovih odgovlačenja i opstrukcija, izvještaj je kasnio tri mjeseca od datuma koji je određen Političkim dogovorom iz oktobra 2005, a bez nekih elemenata naznačenih tim dogovorom. Konkretno, izvještaj ne sadrži nacrte pravnih akata ili pravilnika, period u okviru kojeg mora da se sproveđe opća implementacija, a ni karte novih policijskih regiona.

Predloženi policijski sistem predviđa integriranu strukturu na organizacionom nivou sa decentraliziranim upravom policije i decentraliziranim donošenjem odluka. Konsolidacija administrativne uprave (socijalna



jasno navodi da samo država mora imati zakonodavnu moć, te da drugi nivoi vlade ne mogu donositi zakonodavne mjere u vezi policije. Izvještaj također predviđa da Parlamentarna skupština BiH usvoji jedinstven policijski budžet. U pogledu drugog načela, izvještaj predviđa mnoge mehanizme nadzora, koji bi bili dizajnirani da sprječe miješanje politike u policijski rad, većinom kroz parlamentarne nadzorne odbore i institucije kao što su Nezavisna komisija i Javni žalbeni ured. Što se tiče trećeg načela u izvještaju su nabrojane konkretnе tehničke direktive i kriteriji za formiranje lokalnih policijskih regija, ali izvještaj ne sadrži kartu sa uspostavljenim regionima.

U Vašem govoru od 6. septembra u Parlamentarnoj Skupštini BiH ste dali sljedeću izjavu: "Izolacija ili integracija u ovom trenutku to je vaš izbor i vaša odgovornost." Ovo se može ostvariti prateći osnovna načela Reforme policije. I više je nego očigledno da dolazi do jednostrane opstrukcije pokušaja stvaranja jedinstvenih policijskih snaga od strane RS na čelu sa Miloradom Dodikom. Također ste ponovili tri EU načela:

Prvo EU načelo zahtijeva da se sve zakonodavne i budžetske odluke u svim stvarima vezanim za policiju donose na državnom nivou. Ovo znači da između ostalih stvari samo Parlamentarna skupština BiH, smije usvajati zakonodavne i budžetske odluke vezane za policiju. Što znači da bi u buduće sve policijske agencije bile legalno definirane i također bi se smatrале organima države BiH.

Drugo načelo da ne smije biti političkog miješanja u rad policije znači tačno ono što i govor: postojat će nadzor pri određivanju smjera rada policije, ali operaciona nezavisnost mora biti zagarantovana. Sjevernoamerički Bošnjaci znaju da ogromna većina građana BiH zagovara eliminiranje politike iz svakodnevnog rada policije.

Treće načelo da funkcionalni lokalni regioni rada policije moraju biti formirani na osnovu tehničkih kriterija policijskog rada, pri čime se operaciona komanda izvršava na lokalnom nivou, je najbolji način da se rad policije dovede na nivo zajednice kojoj u principu i treba da služi. Molimo Vas da ova načela dovedu do pravičnog i poštenog rješenja policijske reforme, koja bi dovela do jedinstvenih policijskih snaga sa jedinstvenim amblemom koji istinski predstavlja BiH i njene građane. Bilo šta drugo bi bilo protiv načela same EU i samih OHR-ovih izvještaja Ujedinjenim Nacijama i dogovora napravljenih u prošlosti. Nemojte nagraditi srpske političare iz RS za njihov opstrukcionizam. Nagradite bosanske građane pravednim rješenjem.

KBSA o reformi Policije u BiH

POLICIJA BIH I(LI) POLICIJA GENOCIDNOG ENTITETA

BiH treba da ide u EU gdje geostrateški i kulturološko-historijski pripada, ali ne sa policijom koja u svome nazivu ima prefiks entiteta nastalog na rezultatima genocida. Više od 350.000 sjevernoameričkih Bošnjaka koji su se uspjeli spasiti od agresije i genocida, koji su se uspješno integrirali u američki Melting pot i kanadski Kulturni mozaik, a pri tome sačuvali osnovne bošnjačke i bosanskohercegovačke vrijednosti, su dokaz da se bosanskohercegovački narod sa još većom lakoćom može integrirati u Evropsku Uniju.

Prijedlog reforme policije od strane Visokog predstavnika EU za Bosnu i Hercegovinu i pozivanje na univerzalne evropske principe predstavlja do sada nezabilježenu negaciju evropskih povijesnih činjenica, iskustava i principa u primjeni i razvoju sigurnosne politike unutar EU. Pravni eksperti i konsultanti Visokog predstavnika morali bi znati da se današnja sigurnosna politika EU temelji na povijesnim pravnim istinama i iskustvima sadržanim u:

1. Višestoljetnim ratovima i susjednih država protiv BiH.
2. Višestoljetnim genocidima nad Bošnjacima.
3. Rezultatima posljednjeg genocida i agresije na BiH koji su još uvijek nepromijenjeni.

Prilikom reforme policije u BiH moraju se poštovati evropski pravni postulati i povijesne istine, dodajući im i povijesne istine BiH, te činjenice koje su utvrđene i međunarodnim presudama Međunarodnog krivičnog tribunala i Međunarodnog suda pravde.

Također eksperti Visokog predstavnika su izvršili i trostruku negaciju općih stručnih i formalno-pravnih međunarodnih standarda na kojima počiva djelovanje savremenih policija:
1. Princip jedinstva djelovanja policijskih snaga su zamjenili principom nejedinstva, jer su u pripremi predloženog prijedloga reforme, policiju RS tretirali kao policiju suverene države, a ne kao sastavni i integralni dio BiH.
2. Princip subordinacije policije su sveli na dogovor unutar entitetskih sistema unutar BiH i na politički kompromis.
3. Funkcionalna uvezanost policijskog sistema apsolutno ne postoji na nivou BiH, ali postoji na teritoriji RS.

Reforma policije u BiH mora uvažiti princip i povijesna iskustva Evrope i BiH kao i međunarodne standarde kojima se definiraju principi rada savremenih policija.

Svaki drugi pristup, je protiv države BiH. Svaki

nastavak teksta čitate na slijedećoj strani



nastavak teksta sa prethodne strane

prijedlog koji podrazumijeva opstanak policije RS je atak na državu BiH. To je atak na jedan od najvažnijih segmenta Dejtonskog ugovora povratak prognanih. Nije moguć povratak prognanih u RS ako tamo postoji policija koja je prema odluci Međunarodnog suda pravde počinila genocid, policija koja i danas krije najtraženije ratne zločince današnjice Radovana Karadžića i Ratka Mladića, koje danas slijedi Milorad Dodik, provocirajući građane BiH navodnom federalizacijom BiH. Tog agresivnog anti-Bosanca i anti-Evropskog treba eliminirati sa političke scene BiH. Zločinci još nisu napustili državu BiH. Policijsku reformu ne treba praviti prema njihovim zahtjevima.

Ponašanje Visokog predstavnika i mlaki odgovori međunarodne zajednice neodoljivo podsjećaju na situaciju za vrijeme agresije i genocida BiH kada su u znak odmazde za navodno bombardovanje položaja srpskih agresorskih snaga, vojnici UNPROFOR-a bili vezani za električne stubove i držani kao taoci.

BiH treba da ide u EU gdje geostrateški i kulturno-historijski pripada, ali ne sa policijom koja u svome nazivu ima prefiks entiteta nastalog na rezultatima genocida.

Kako je nakon 11. 9. 2001 u velikoj mjeri došlo do promjene globalne sigurnosne politike smatramo da se te promijene trebaju inkorporirati u sigurnosni sistem BiH, zajedno sa povijesnim temeljima na kojima počiva evropska i bosanskohercegovačka sigurnosna politika.

Formiranje obavještajne sigurnosne agencije (OSA) i agencije za zaštitu i istrage (SIPA) je primjer da se mogu i trebaju ispoštovati postojeći međunarodni principi kada je u pitanju formiranje i kreiranje sigurnosne politike u BiH. Međunarodna zajednica je upravo formirala navedene agencije u BiH na principima koji egzistiraju u okviru međunarodne zajednice. Integracija BiH u EU i NATO biće otežana ako se budu donosi rješenja za slabljenje države BiH, kojima doprinosi zločinački projekat kakav je RS ili HB koju Milorad Dodik podržava kako bi mu i ona olakšala posao na razaranju države BiH. Ukoliko Policija ne bude jedinstvena, ona će biti upotrijebljena protiv Države BiH.

Saopćenje Kongresa Bošnjaka Sjeverne Amerike

GRADJANI BIH MORAJU ISKUSITI POBJEDU ISTINE I PRAVDE

Polazeći od rastućeg broja dokaza da su određeni zvaničnici izvršne američke i kanadske političke vlasti ignorisali direktive zakonodavnih organa SAD i Kanade u pogledu hapšenja i privođenja najtraženijih zločinaca savremenog doba: Radovana Karadžića i Ratka Mladića, zločinaca sroznih na najnižu razinu ljudskog postojanja, na kojoj preovlađuju zločin, razdor, nasilje i nepravda, te da su ignorisali zahtjeve u pogledu neophodnosti saradnje država sa Međunarodnim krivičnim tribunalom za područje bivše Jugoslavije i Međunarodnim sudom pravde, zahtijevajući saslušanje ispred odgovarajućih komiteta zakonodavnih organa SAD i Kanade, gdje bi se evaluirali dokazi i izjave o navodima kršenja odluka i zakona, cijeneći zakonodavne organe SAD i Kanade kao vrhovne čuvare demokratskih principa i prakse otvorenog civilnog društva i vladavine zakona, uvažavajući mišljenje većine od 350.000 sjevernoameričkih Bošnjaka i mišljenje mnogih prijatelja Bosne i Hercegovine u Sjevernoj Americi, krovna organizacija američkih i kanadskih Bošnjaka, Kongres Bošnjaka Sjeverne Amerike je putem Bošnjačko-američkog savjetodavnog vijeća poslao pismo ofisima sponzora Kluba prijatelja Bosne i Hercegovine u Kongresu SAD i putem koordinacije KBSA za Ottawu određenim komitetima Parlamenta Kanade.

U pismu se naglašava da bi Bosna i Hercegovina išla naprijed ka demokratiji i prosperitetu njeni građani moraju iskusiti pobedu istine i pravde. Zato zločinci moraju odgovarati za svoja nedjela. Dugoročni mir i stabilnost u Bosni i Hercegovini nije moguć bez pravde. Dramatične posljedice agresije, genocida i ratnog zločina i zločina protiv čovječnosti mogu biti ublažene hapšenjem i procesuiranjem zločinaca Radovana Karadžića i Ratka Mladića.

Kongres Bošnjaka Sjeverne Amerike traži saslušanje ispred odgovarajućih komiteta zakonodavnih organa SAD i Kanade svjedoka koji mogu svjedočiti o tome da su određeni izvršni organi SAD i Kanade kršili zakone i deklaracije zakonodavnih američkih i kanadskih organa po pitanju hvatanja i procesuiranja osumnjičenih ratnih zločinaca Karadžića i Mladića i opstruirali saradnju sa Međunarodnim krivičnim tribunalom za područje bivše Jugoslavije.

Poslije obavljenih konsultacija u Washingtonu i Ottawi, Kongres Bošnjaka Sjeverne Amerike će odlučiti o pravcima dalje akcije.

IZVOD IZ PISMA KBSA

Kongres Sjedinjenih Američkih Država je zauzeo jasnu poziciju da se svi optuženi za ratne zločine moraju privesti pravdi. Kongres je također pozvao sve zemlje, kako one u regionu tako i same SAD, da u potpunosti surađuju sa Međunarodnim krivičnim tribunalom za bivšu Jugoslaviju (MKTJ) uključujući sve što je potrebno da se Tribunalu

isporuče optuženi, a posebno Radovan Karadžić i Ratko Mladić koji su odgovorni za najteže zločine protiv čovječnosti i genocid počinjen u Evropi od vremena Holokausta.

Kongres je pravilno davao primjer i ispoljio vodeću ulogu time što je osudio genocid u Srebrenici i u Bosni i Hercegovini kao cjelini i što je zahtijevao uhićenje i suđenje za odgovorne.

Međutim, na vidjelo dolaze, u rastućem broju, neovisni pouzdani dokazi da su određeni SAD zvaničnici, moguće djelujući po ovlastima SAD izvršne vlasti, ignorisali takve Kongresne direktive ili čak kršili domaće zakone i/ili međunarodno pravo. Među svjedocima su najmanje jedan bivši visoki zvaničnik Ureda MKTJ Tužitelja, bivši Ministar vanjskih poslova BiH, brojni drugi zvaničnici iz regionala i neovisnih međunarodnih medija. Dokazi upućuju na jednu ili više od sljedećih radnji:

1. Zvaničnici, predstavljajući se da djeluju po ovlastima SAD izvršne vlasti, davali uvjerenjavanja optuženim osobama da neće biti uhićeni;
2. Zvaničnici, predstavljajući se da djeluju po ovlastima SAD izvršne vlasti, ohrabrivali i/ili omogućavali re-lokaciju optuženih osoba tako da budu izvan domaća organa uhićenja BiH;
3. Zvaničnici i/ili vojne snage štitili su optužene osobe od radnji za njihova uhićenja, ili ih upozoravali kada su radnje za njihova uhićenja poduzimana;
4. Također je sada izvan svake sumnje da je tim osobama koje su toliko tražene, poslije već podignutih optužnica od strane MKTJ, bilo omogućeno poznavanje kroz koje NATO/US kontrolne punktove oni mogu slobodno proći i onda i samo slobodno prolaziti kroz njih.

Mi zahtijevamo saslušanje ispred odgovarajućih Kongresnih Komiteta gdje bi se evaluirali dokazi i izjave o takvim navodima i ispitivali pod prisegom odgovarajući svjedoci/zvaničnici o ovom predmetu. Potencijalni dokazi i lista svjedoka je kumulativna (?), ali bi mogla uključivati: Carla Del Ponte, MKTJ Glavni tužitelj, Sir Geoffrey Nice, Glavni tužitelj na slučaju Milošević, Florence Hartmann, ključni Asistent i Portparol Ureda tužitelja u MKTJ, Muhamed Šaćirbey, bivši Ministar vanjskih poslova BiH i bivši predstavnik BiH pri MKTJ i Međunarodnom sudu pravde (MSP), koji je državljani SAD, Sylvie Matton, pisac-istraživač i Richard Holbrooke, ambasador.

Takvo iscrpno Kongresno saslušanje je neophodno da bi se ustanovilo da su zvaničnici, predstavljajući se da djeluju po ovlastima SAD, to radili u skladu sa zakonima SAD i direktivama Kongresa. To je također važno za region koji se još bori da "vladavina zakona" bude primjenjivana u njihovim političkim i pravnim procesima. Kongres SAD je vrhovni čuvare demokratskih principa i prakse, otvorenog društva i vladavine zakona. Mi moramo pokazati jasan primjer za to kroz transparentnost kao i kroz pridržavanje tome, prije negoli kroz retoriku ili licemjerstvo.



BILTEN KONGRESA BOŠNJAKA SJEVERNE AMERIKE

Informativno glasilo KBSA Broj 7.

15. novembar 2007.

Glavni i odgovorni urednik Emir Ramić
Tehničko uređenje Bosnian Media Group

Izdaje UO KBSA
www.bosniak.org
info@bosniak.org

Za izdavača Bosnian Media Group & Bošnjačka Dijaspora - bosansko-američke nezavisne novine - zvanični medijski pokrovitelj 12. Susreta Bošnjaka Sjeverne Amerike



Piše Mirzet Hamzić

Šta se krije iza srpske (srbijanske) politike opstrukcije funkcionisanja Bosne i Hercegovine

MASKE SU PALE

Sada više nema sumnje. Srbi su Bosnu i Hercegovinu doveli u najdublju krizu u kojoj je bila od završetka agresije. Potpomognuti Rusijom i srbijanskim politikom oličenom u Vojislavu Koštunici, bosanski Srbi koje predstavlja Milorad Dodik upustili su se u avanturu čiji kraj je posve neizvjestan. Međunarodna zajednica svjesna srbijanske iracionalnosti koja u politici traje više od jednog stoljeća (od 1903.) pokušava je odobrovolti nagradama umjesto zasluzene kazne ne bi li je otela iz sve izvjesnijeg ruskog zagrljaja.

Najniža tačka na kojoj se Bosna i Hercegovina u političkom a time i u sigurnosnom pogledu našla poslije Daytonova ima više razloga. One vidljive i one nevidljive. Krah reforme policije zbog Dodikovog: Ili jaka policija RS-a ili ništa, doveo je do odluka međunarodnog predstavnika u BiH Miroslava Lajčaka koje bi se dale svesti na poziv predstavnicima u institucijama Bosne i Hercegovine da redovno dolaze na posao. Vjerovatno nije ni slatio šta će taj poziv izazvati kod onih koji „ne znaju da rade ali znaju da ratuju“ (Milošević na jednom od sastanaka sa načelnicima općina Srbije prije ratova u bivšoj Jugoslaviji.)

Set odluka za koje je tražio da se prihvate u institucijama BiH na svim nivoima inače će biti nametnute, izazvao je pravu buru, ovoga puta ne samo u BiH nego i u (nažalost) susjednoj državi Srbiji. Oglasio se premijer Srbije Vojislav Koštunica pozivom da Visoki predstavnik povuče svoje odluke ili da ostavku. Iako je reakcija međunarodne zajednice bila munjevita koja mu je zaprijetila da bi mogao dobiti po prstima a predsjedavajući Predsjedništva BiH, Željko Komšić, valjda jedini političar u BiH sa jasnim ljudskim likom, „i po nosu“ ova reakcija je otkrila dublu pozadinu bahatog ponašanje predsjednika Vlade RS-a. Bilo je jasno da Dodikovo ponašanje po principu „što gore za BiH to bolje za Srbe u njoj i izvan nje“ ima snažnu podršku od Vlade, a vjerovatno i predsjednika Srbije (obzirom da mu otac ima isti kurs kao i pominjani Koštunica). Opet, Rusiji koja uslijed energetske pometnje u svijetu, čini sve da se nametne kao super-sila, Srbi, po zna koji put u

historiji, dobro dođu kao pokusni kunić kojeg će, kao i toliko puta dosad, žrtvovati kad dostigne optimalnu težinu.

Evropa je svjesna toga. Umjesto „metode štapa“ Srbiji nudi „metodu šargarepe“. U situaciji kada nisu zadovoljili niti jedan zahtjev iz svijeta: privođenje osumnjičenih za ratne zločine, približavanje stavova sa albanskim stranom oko statusa Kosova... Srbija je nagrađena potpisivanjem Sporazuma o stabilizaciji i pridruživanju sa EU. Paraf na ovaj dokument stavili su komesar EU za proširenje Oli Ren i potpredsjednik Vlade Srbije Božidar Đelić, a događaju je prisustvovao i predsjednik Srbije Boris Tadić. BiH je tako ostala jedina evropska država kojoj Evropa nije omogućila potpisivanje ovog sporazuma. Naprotiv, proširila je spisak mera koje naša zemlja treba sprovesti kako bi dospila Srbiju u evropskim integracijama: a to su: suradnja s Haagom, reforma policije, reforma javne administracije i reforma javnih elektronskih medija.

U ovakvoj situaciji jasno je kome bi, ako se nastave uspostavljeni trendovi bilo najteže: Hrvati su odavno zaštićena skupina u BiH (hrvatski pasoš, učešće na izborima u Hrvatskoj, odsustvo nezaposlenih...) a u perspektivi bi i Srbi sa srbijanskim pasošem ostali izvan crne rupe zvana BiH. Oni koji nemaju rezervnu domovinu i kojima bi bh pasoš bio jedini moguć, ostali bi grupa za odstrel.

Ako je i bilo nekih dilema sada je manje-više sve jasno. Ne samo ono što se trenutno dešava nego i ono što se dešavalo u bliskoj prošlosti. Agresija na BiH, koja je za posljedicu trebala

imati nestanak BiH i uništavanje Bošnjaka, nije bila samo inspiracija susjednih država jer po nagradama kojima ih obasipaju i po kaznama za žrtvu, uviđamo da su inspiratori bili brojniji i moćniji. Sve što bi se mogli uzeti kao argumenti protiv postavljene teze samo su puki teatar: Hag je na odgovornost pozvao čovjeka koji je branio jedini grad u Evropi nad čijim je stanovništvom izvršen genocid. Navodimo samo najočigledniji primjer odnosa prema Bošnjacima iza rata.

Mada bi bilo nepravedno ne kazati našim čitaocima i neke odnose iz BiH koji još uvijek nisu očigledni. Miloradu Dodiku, trenutno najvećem galamđžiji i spletkaru u BiH, najviše bi odgovarala smjena. Jer nije on obećao samo jačanje RS-a u administrativnom nego i u ekonomskom pogledu. A očito da je samo njemu bilo bolje jer stanovništvo u manjem bh entitetu svjedok je stalne recesije. Priče o velikim ulaganjima i ekonomskom napretku zamijenjene su pričama o prijetnjama o nestanku dok ekonomski parametri neumoljivo govore da stvari idu obrnutim tokom. Dodik je samo od gradnje zgrade Vlade RS-a i nekoliko kilometara autoputa uspio sebi priskrbiti desetine miliona maraka i već se javljaju ljudi koji o tome javno govore.

Manevar, kad nema hljeba daj igara, pokazao je u Srbiji na primjeru S. Miloševića gdje završava. Zato je ovaj laktaschi mudrolija svjestan da može ostati srpski junak samo ukoliko bude smijenjen jer će inače biti otjeran „šibom smijeha“ i završiti na „dubrište historije“, gdje mu je nesumnjivo mjesto.

Bolero Café

Uma Alićković
Owner

Hours: Mon.-Sun.
7:00 a.m. to 9:00 p.m.
Closed on Tuesdays

4718 Gravois Ave.
St. Louis, MO 63116
314-353-3620



Burek • Sirnica • Kebab
Gulaš • Razni Kolači

Brook Auto Insurance

BAJRAM RADONCIC

Agent/Owner

5737 N. Antioch Rd - Gladstone, MO 64119

Phone (816) 453-4971 - Fax (816) 453-5790

Cell (816) 935-4899

byron.radoncic@brookeagent.com

www.BrookeAgency.com/ByronRadoncic

Fortuna

European & American Food
Home Style Cooking * Family Style Service

2706 W. Peterson Chicago, IL 60659
Phone: 773 381 3354

SANA INC.

International Grocery, Deli & Bakery

Haris Delic ~ Owner

4414 Morganford Road
Saint Louis, MO. 63116
314.481.5356



EUROPA MARKET

FINE FOOD FROM CENTRAL AND
MEDITERRAN EUROPE

SOUTH CITY

5005 GRAVOIS

ST. LOUIS, MO. 63116

TEL: 314. 481 - 9880

FAX: 314. 481 - 3885

RETAIL AND WHOLESALE



TRGOVINA BEHAR

4704 Gravois Ave
St. Louis, MO 63116

Phone: 314.752.4201
Fax: 314.752.9273

Teufik Kovacevic
Owner

DJEVOJAČKA PRIČA



Vrije je kao u mravinjaku, šarenilo svila i ciceva, šarenilo šamija i dimija, šarenilo veselih razdragnih lica. Negdje pod prozorima svira harmonika. Troredna harmonika kao u naše Šuhre, pređe Emini kroz sjećanje, a nije Šuhra. Sve tudi svijet. Sve tuđe osim Hafe, sviračke obikače. A ni te Hafe negdje.

Stoji tako Emina Hadžagića od jučer, u istom budžaku, kuća je puna ženskog svijeta, sve nepoznata tuđa lica, ni jedno ne nalikuje na koju njezinu drugaricu iz Grada. Nijedno. Gleda ona ta lica, gledaju ta lica nju, ta lica brčanskih žena i djevojaka dugo zagledaju po njoj, onda odu, onda opet dođu i opet odu.

Vrilo je kao što vrije u mravinjaku, a oko srca Emine Hadžagića stezao se prsten tuge i bola, nekog čudnog studenog tupog bola kakvog ona, nikad do sada nije čutila. Harmonika je punila avlju pod prozorima, neko je obijesno vriskao u kolu i u taktu udarao petom o petu pa se čuo zvez potkova, a Emini Hadžagića je bilo kao da u hladni obruč oko njene duše neko nabija gvozdene klince. Tupe i hladne. Slušala je ona puno priča o udajama. Rasema Omanovića, stara djevojka koja se puderisće već preko petnaest godina, pričala je svakog petka po desetak takvih pripovijesti, ali ni jednoj toj djevojci iz pripovijesti Raseminih nije bilo tako kako je njoj sada.

Kad je Emini bilo trinaest godina, ona je počela razmišljati:

Kako li će to lijepo biti kad ja još malo odrastem pa se udam! Svatovi. Harmonike. Kolo u avlji od petka do petka. A mlada u svilenoj haljini u budžaku. Stoji mlada u svilenoj haljini, a dolaze cure i žene iz sviju mahala da vide mladu. Puno puta. Kad se je udala Fata Mulabegića, Emina je bila u četrnaestoj. Bože dragi, šta li će noćas od nje Edhem uraditi kad ih zatvore same samcate u jednu sobu? - mislila je ona kad je gledala u Fatu. Bože dragi, a dušeci prostrti, a njih dvoje sami... I ugodni trnci se popeli tada uz Eminu. Ona je sanjala kao dijete što sanja, ona je buncala u snu, ona je sanjačući i buncajući odrasla, i evo sad se udala. Iz Grada u Brčko. To je san sviju naših djevojaka: udati se i to udati za stranca. Stranci su ljepši momci od domaćih. Bolje se nose. Ljepše se češljaju. Imaju svi nabrenovane kose. I sigurno im kose mirišu, sigurno su namazane brillantinom. Oni dolaze u Grad s jeseni, kad šljive rode. Pantole upeglane, mašne na leptir svezane, a jake bijele, tvrde i uglačane. A svi su lijepi ko glumci. I ni ne govore kao ovi naši momci. Znaju, sestro, i nekakve druge riječi gororiti.

Cure se ustrčje po avlijama. Nanule zastružu po kaldrmi i oni se ustave pred tarabom. Kako je plahovito zakucalo Eminino srce kad su se oni zaustavili pred njezinom tarabom. A noge kao da su joj se odsjekle. Jedva je prišla za jorgovan da se sakrije, da se pridrži, šta li? - ona nije znala. Onda su joj oni puno gororili. Ona je odgovarala. Kako neće odgovarati kad su to stranci, najljepši momci što ih ima. U Emini Hadžagića je bilo srce razdragano kao razdragano ptice. Nju su podišli isti oni trnci kao kad je gledala Fatu Mulabegića. A tu noć ona nikako nije mogla zaspasti.

Drugog petka su došli prosci. Ravno iz Brčkog. Abidaga Hadžagić je došao na ručak nešto ranije nego obično, zovnuo ženu i kćer u svoju sobu i rekao razgovijetno:

- Kćeri, dao sam te u Brčko. Za Omerage Šahbazovića sina. Čini mi se da rekoše da mu je ime Osman. Kaže da te je momak jedanput video i da te begenisao. Doći će kroz tri dana po te...

Šutjela je mati, šutjela je Emina. Otac je također neko vrijeme zašutio, a onda je dodao:

- Ti, stara, zovni Hafu Sviračku za obikaču... Strani je svijet, nek se dijete tamu s njom obikne. Poslije toga se okrenuo Emini:

- De, poljubi babu u ruku!

Emina ni te noć ni je oka stisnula. Ni preksutra u noći.

I evo sada stoji Emina Hadžagića već drugi dan u budžaku u kući Omerage Šahbazovića, u sviljenim haljinama, sa šamijom koju su joj kupili čak u Sarajevu, (a kere na toj šamiji radile su Sarajke-djevojke), udala se je eto za sina Omeraginog, i ime mu je, kako se njenom ocu učinilo da su rekle, Osman. U avlji, dole, sviraju harmonike, topot nogu odjekuje kroz cijelu kuću i pred njenim očima se odmata i namata šarenilo stranih djevojačkih lica, šarenilo svilenih bluza i dimija. A oko duše Emine Hadžagića studen obruč i ona čuti silnu potištenost.



Hasan Kikić

Hasan Kikić je rođen 20. augusta 1905. godine u Gradačcu. Osnovnu školu završio je u rodnom mjestu, a Višu dječačku školu pohađa u Derventi od 1919. do 1922. U istom mjestu nastavlja školovanje na Učiteljskoj školi. Godine 1926. zbog učešća u »crvenom đačkom strajku« isključen iz škole pa završni razred dovršava na Učiteljskoj školi u Zagrebu. Godine 1927. radi kao učitelj u Hajdarovićima kod Zavidovića, a od 1928. do 1932. učiteljuje u Rogatici. Od 1932. do 1936. je učitelj a potom upravnik Osnovne škole u Gornjem Sjeničaku kod Vrgin-mosta. Od 1936. do 1940. godine živi i radi u Pisarovini. Od 1934. do 1938. vanredno je studirao i završio Pravni fakultet u Beogradu. Sa Safetom Krupićem i Skenderom Kulenovićem 1937. pokreće u Zagrebu napredni muslimanski časopis Putokaz. Godine 1940. postavljen je za pravnog referenta u Odjelu za prosvjetu Banovine Hrvatske u Zagrebu, ali je zbog ilegalne komunističke djelatnosti smijenjen, potom radi u Pučkoj školi u Trnju. Godine 1941. mobiliziran u bivšu jugoslavensku vojsku, a nakon sloma u domobranu u Sanski Most i za to vrijeme ilegalno surađuje sa NOP-om. U februaru 1942. godine odlazi u partizane i kao komesar I krajiškog proleterskog bataljona gine od četničke zasjede 6. maja 1942. godine kod sela Rapa na planini Čemernici.

- Gdje li je Hafa? - sjeti se ona. - Ko li se to procikuje! Ljepo svira. Kao naša Šuhra... Onda je odjednom obuze neka užasna praznina. Osjećaj kao da je nešto izgubila, kao da joj je nešto oteto, kao da je negdje zašla i nije se izgubila, ali ne zna izazi. Pode da prebira po svijesti. Ništa. Onda joj naglo odlaknu: pričini joj se kao da sanja. - Da, da, da, sanjam - pomaknu ona tiho usnama...

Na vratima se zakikotaše cure. Došla nova grupa da vidi mladu. Emina se strese. Po njoj klize radoznaće oči. Ona se zagledala u djevojke. Čini joj se da je ona sa strukom dukata pakosno gleda. Ona obori oči i ponovo očuti hladnoću i prazninu, ponovo očuti kao da je negdje izašla i ne zna izazi... Nije se izgubila, a čini joj se da se jest izgubila.

Sa avlige doprije glas:

- Mladoženja igra! Evo mladoženje u kolu! Na to se sve žene u sobi pomakoše. Cure pojuriše na prozore.
- Pustite mladu neka vidi! - javi se odnekle Hafa i priđe Emini. Napravio joj mjesto na prozoru, između glava drugih djevojaka. U avlji se odmotavalo i zamotavalo kolo momaka, stranih momaka, onih istih koji su dolazili u Grad sa nabrenovanim kosama i leptir mašnama.
- Onaj do onoga u golubi haljinama. To ti je Ahmed - šapne joj Hafa - tvoj Ahmed...
- Zar nije Osman? - upita ona gotovo nesvesno i ne misleći pri tome ništa.
- Raspitala sam se - odgovori Hafa - Ahmed je.

Emina isto tako kako je nesvesno i ne misleći ništa pitala, počne pretraživati po kolu. U svijesti joj kao laganim drvenim čekićem poče udarati: onaj do onoga... onaj do onoga... Onda joj sasvim razgovijetno na um pade onaj petak kad su se stranci zaustavili pred njenom tarabom. Sasvim razgovijetno sjeti se ona kako joj je srce zadrtalo, kako joj je udarila neka ugodna klonulost u koljena, a poslije kako se je sjetila Fate Mulabegića.

Zatim se sjeti kako cijelu noć nije oka stisnula, nego je prebirala i snovala po svojoj pameti: Kakve li, bože dragi, ima oči onaj što je najviše gororio? Kako li mu, bože, kosa miriši? Da li mu je uglačana jaka?

Onda se sagnu Hafi na uho i šapnu posve tiho:

- Kojeg ti reče?
- Onaj do onoga u golubi haljinama... onizak... polahko igra...

Kolo se zapletalo i otpetalo, a zapletale se i otpetale Eminine misli. Šarenilo misli kao šarenilo svila i šamija. A nigdje u duši Emine Hadžagića onog slatkog ugodnog strujanja po tkivu njenog mladog djevojačkog tijela, nigdje onog osjećanja koje ju je tako slatko obuzelo kad je gledala Fatu Mulabegića.

Sedmu noć bilo je uoči petka i njih su zatvorili same samcate u jednu sobu. Najprije su uveli Eminu. Dušeci su bili prostrti. Debeli mekani dušeci. U sobi je bio mračak. Prozori su bili zastrti i na jednoj ključanici je titrala završnuta petrolejska lampa. Ona se uplašeno obazrela po sobi i zavokotala Zubima. Onda se skupila u klupku, stisla se u jedan čošak i zavilila kao išibana mačka.



Bošnjačka čitanka

Umihana Čuvidina rođena je u Sarajevu oko 1794. Mezar joj je pod gajem na Hridu. Umihana Čuvidina je prva pjesnikinja Muslimanka i jedna od prvih pjesnikinja na našem jeziku.

"Umihana se rodila na Hridu, a rodna kuća joj je bila na uglu Mujezinova sokaka. Čuvide, [zato: Čuvidina, a ne Čujdina] njena porodica, bavili su se aščijskim, a kasnije bostandžijskim obrtom. Umihana je bila zaručena s Mujom Čamđibajraktarom, Sarajlijom, koji je 1813., za srpskog ustanka poginuo pod Loznicom u vojski Alipaše Derendelije. Od velike žalosti Umihana se nije htjela nikada udavati, pak je počela pjevati pjesme o svom junački poginulom zaručniku. Jedina njena, izgleda u izvornom obliku, sačuvana pjesma je epos od 79 stihova u osmercu i desetercu pod naslovom "Sarajlije idu na vojsku protiv Srbije", što ju je pjesnikinja spjevala prije nego joj je poginuo zarucnik." Umrla u Sarajevu oko 1870.

(Muhamed Hadžijahić, 1936.)

ČAMDŽI MUJO I LIJEGA UMA

Vino piju age Sarajlije,
vino piju, Zasavicu biju,
ranjenici mladi podvikuju.
Svaki veli: "Jallah, moja majko!"
Čamdži Mujo: "Jallah, moja Umo!"
Čamđi Mujo družini govori:
"Ah, družino, moja braćo draga!
Kada meni suđen danak dode,
suđen danak i umrli sahat,
ufat' te mi konja lastavicu,
i na konju zelenu dolamu!
U dolami u džepu desname,
u njemu je prsten i jabuka,
u zadžepku mrko ogledalo,
podajte ga mojoj Umihani,
nek s' ogleda, a mene ne gleda,
nek s' udaje, a mene ne čeka,
a ja ču se junak oženiti,
crnom zemljom i zelenom travom.
Ako bude roda gospodskoga,
žaliće me tri godine dana.
Ako bude roda hovratskoga,
neće žalit ni tri bijela dana."
To izusti, pa dušicu pusti,
i umrije, žalosna mu majka!
Ufatiše konja lastavicu
i na konju zelenu dolamu.
Kad su došli šeher Sarajevu,
uzimaju prsten i jabuku,
dadoše je dilber Umihani.

Desila se roda gospodskoga,
žalila ga tri godine dana:
za godinu lice ne umila,
a za drugu ne nasmijala se,
a za treću kosu ne oplela.
Kad nastala četvrta godina,
rusu kosu rukom odrezala,
pa je šalje daji na kapiju.
Dajo joj je kosu pozlatio,
dajinica biserom kitila,
pa je meće gradu na kapiju,
ko prohodi da joj kosu žali:
"Ova kosa u devletu rasla,
u golemu jadu odrezana:
il' je majka ukopala sina,
il' sestrica brata jedinoga,
il' djevojka svoga suđenika?
Nit' je majka ukopala sina,
ni sestrica brata jedinoga,
već djevojka svoga suđenika,
što ga neće steći dovjeka."
Govori joj ostarjela majka:
"Što ti žališ tuđina junaka?
Nije ti ga majčica rodila".
"Luda ti si, moja mila majko!
Da si mi ga i triput rodila,
ja ga ne bih ovliko žalila,
ko što žalim tuđina junaka,
ja ga neću steći dovjeka!"

Sefer Halilović konačno sloboden**Piše: Džana Mujadžić****ARMIJA BIH NIJE PLANIRALA RATNE ZLOČINE**

Sudci Međunarodnog suda za bivšu Jugoslaviju iz Den Haaga su potvrdili da je Sefer Halilović, bivši pomoćnik komandanta bosanskohercegovačkih snaga za vrijeme zadnjeg sukoba na Balkanu, oslobođen svih optužbi.

Slijedeći u okviru istrage pokolja hrvatskih civila u selima Grabovica i Uzdol što se zbio 1993. godine, Halilović, koji je dobровoljno došao u Holandiju, još 2001. godine, najprije je oslobođen u novembru 2005. godine.

Zapadni izvještaji kažu da su navedena sela okupirale "muslimanske snage", koje su željele osloboditi Mostar, u koji su se ukotvile hrvatske paravojne divizije. Nevini civili, među kojima žene i djeca, kao i starije osobe su pobijeni, ali prema panelu trojice sudaca, Halilovićeva odgovornost nije mogla biti dokazana.

Kako je organiziran i apel, slučaj je nanovo analiziralo i proučavalo pet sudaca koji su zaključili da tužitelji nisu uspjeli dostaviti dokaze koji bi stavili u pitanje, već donesenu presudu.


Podvučeno je da "Tužitelji nisu uspjeli dokazati bilo kakvu krivicu, tako da ni jedan od sudaca nije mogao ni posumnjati, niti zaključiti bilo kakvu krivicu bosanskog komandanta Halilovića, koji je vodio "Operaciju Neretva"! Nema dokaza da je kao odgovorni uradio bilo što naliči na ratni zločin"!

Sefer Halilović koji se davno odazvao pozivu međunarodne pravde, bio je u sudnici



Međunarodnog suda, kada je optužnica apel-odbačena. Naznačeno je da je u to doba, kada je pozvan u Den Haag obavljao funkciju ministra za izbjeglička pitanja u vlasti hrvatsko-muslimanske federacije u BiH.

Kao i obično, upotrijebljeni rječnik zapadnih agencija kao i glasnogovornika suda, je pomiješao izraze i pojmove. Ono što je najvažnije, sa ovom presudom konačno je dokazano da Armija BiH nije imala sistematski plan činjenja ratnih zločina niti je sa nivoa Generalštaba naređivano njihovo činjenje. Pojedinačni slučajevi, koji su se i dešavali, nisu imali podršku Armijskog vrha.

Aziza Mustafa Zadeh izdala deseti album Contrasts II**VLADARKA JAZZA NASTUPIT
ĆE U BIH**

Aziza Mustafa Zadeh, koju kolege muzičari nazivaju Jazziza, nastupa od svoje desete godine. Rođena 1969. u Bakouu, naslijedila je nadarenost roditelja. Najprije oca, azerbejdžanskog kompozitora i pijaniste Vagifa, koji je prvi uspio ukomponirati jazz i tradicionalni mugham, ali i

Nanomedicinom protiv raka**DO 2020. GODINE OD OPAKE BOLESTI
OBOLIT ĆE 30 MILIONA OSOBA**

Upotreba nano osobitosti može u narednim godinama otvoriti put sveobuhvatnim i jako preciznim strategijama liječenja raka. Kao što je poznato, današnje radio i hemijske terapije, nisu bez kolateralnih efekata. Zato se sve više govori o nanotehnologijama, koje mogu djelovati precizno, sa milijarditim dijelom metra, pa će u skoroj budućnosti otvoriti put terapeutskom liječenju, velike preciznosti. Saznanje mnoge tješi, jer je stvarnija mogućnost suzbijanja opake bolesti, od koje će do 2020. godine, prema mjeranjima OMS oboljeti 30 miliona osoba.

-Filozofija terapije se sastoji u stvaranju ne atomskih partikula koje obolijevaju, neutralizirajući fizički stimulans, dok će prostorna i vremenska spajanja stvoriti brojne fizičke i biohemiske reakcije, što će uništiti bolesne ćelije. Sistem naliči strategiji Trojanskog konja, pa će te, nano partikule /osobenosti/, što imaju sposobnost ulaska u bolesne ćelije što umiju pričekati spoljni znak za djelovanje, vjerovatno mnoge spasiti.

Njihova tajna? Treba je tražiti u malom obimu koji im dozvoljava kruženje po krvnim sudovima, ali i u njihovom sustavu. Centar tih, malih partikula je metalan, željezni oksid, u savršenijem obliku i kao takav, osjetljiv na magnetsko polje, objašnjava istraživač univerziteta u Lyonu

U istom smislu, izvuku se, drugačijim načinima, razrješenja ličnih konstrukcija. Najzanimljivija je upotreba zlatnih nano partikula. Pod uticajem x zraka, u manjoj količini stvaraju se značenja, fatalna za zločudni tumor. Prepreke su više otvorene i dostupne u grani medicine, koja pomaže ove katodičke materijale i ne zaustavlja se, isključivo, u njihovoj terapeutskoj djelatnosti. Partikule se mogu upoređivati pri dijagnozama ili kontrolirati napredak liječenja. Nekoliko naučnih ekipa, povezale su se sa start-up online, pa proučavaju ove domene. Prvi ljudski opiti već su otpočeli u Njemačkoj. Lyonski profesor Roux tvrdi kako će za 10 godina, biti dostupna i komercijalizirana upotreba nano proizvoda.

DŽENET DUNJALUKA

Piše: Sulejman Kobaica

Slana i slatka jela, iftarska dova i ugodni razgovori dugo će biti pamćeni po ljepoti da bi nam pozavidjeli i veći centri kao Istanbul i šeher Sarajevo.

Posljednji dani mubarek mjeseca Ramazana obilježeni su zajedničkim iftarom u Bosansko-kanadskom kulturnom centru u gradu Londonu u Kanadi. Iftar je upriličen za Bošnjake sa ciljem jačanja međusobne saradnje, zajedništva, slove i ljubavi našeg naroda na ovim prostorima. Iftar je spojio Bošnjake iz dva džemata potvrđujući Kuransku maksimu primijenjenu na bosanske relacije: "držimo se čvrsto Allahova užeta u tome je spas Bosne i Bošnjaka." A Allahov Poslanik s.a.v. je rekao da je zajednica-Dženet dunjaluka, a razjednica pocijepanost-Džehanem. U ovom ramazanskom ambijentu nedostajao je bošnjački imam tako da smo se morali „zadovoljiti“ imamom iz Turske, Nazim-efendjom, veoma kvalitetnim imamom. Slana i slatka jela, iftarska dova i ugodni razgovori dugo će biti pamćeni po ljepoti da bi nam pozavidjeli i veći centri kao Istanbul i šeher Sarajevo. Za vrijeme Iftara gospodica Sanela Kobilica izvela je illahiju, te svojim glasom pljenila duše prisutnih i izmamila suze mnogih prisutnih džematlja. Po završetku iftara proučena je Jemek dova, zahvala Allahu dž.š. što nam je podario ovu zemaljsku dobrotu na uživanje.

IZLOŽBA CRTEŽA U PARIZU I SARAJEVU

Pariška izdavačka kuća "Casterman" uskoro objavljuje cjelokupnu tetralogiju nazvanu "San Monstruma", iz četiri toma, kao i nekolicinu kratkih filmova, koje će predstaviti modna kuća pariške kreatorice Agnès B, od 8. do 21. novembra, u Dnevnoj galeriji smještenoj u Božijoj ulici desetog okruga drevne Lutetie, kako se izvorno zvala francuska prijestolnica.

U galeriji će biti izloženo i oko pedesetak crteža autora Enkija Bilala, rođenog u Beogradu, porijeklom iz Ljubiškog, čije je pravo ime Enes Bilalović.

Ovaj plodni stvaralac hercegovačkih korijena, režirao je i tri dugometražna filma, a od početka 70-tih godina, skoro svake jeseni objavi po jedan crtani roman. Već 1975. godine, izašao je iz štampe Bilalov prvi album "Raskrsće zaboravljenih". Profesor i pisac Pierre Christin i Enki Bilal ostvarili su i albume "Los Angeles", "Zaboravljena zvijezda Laurie Bloom, te "Ranjena srca". Već 1980. godine, časopis "Pilot", objavljuje Bilalovu samostalnu seriju "Sajam besmrtnika". Drugi dio djela je nazvan "Žena zamka" i objavljen kao album, šest godina kasnije.

Poznati reditelj francuske sedme umjetnosti, Alain Resnais, unapređuje našeg sunarodnjaka u dekoratera svog filma "Ujak iz Amerike", snimljenog 1982. Četiri ljeta kasnije, istražuje grafička rješenja za čuveno djelo "U ime Ruže". Već naredne 1987. godine Bilal dobija Veliku nagradu /Grand Prix/, na 14 Salonu crtanog romana u Angoulême.

Projekat „Mladi i sevdalinka“ u sarajevskom Bošnjačkom institutu

PJESMA O SEVDAHU

Svi sadržaji i tečaj oko sevdalinki, čine izvannastavne djelatnosti budućih, turističkih službenika, pošto je logično da moraju poznavati njihovo historijsko i kulturno naslijeđe, te njegove posebnosti.

Nedavno je u sarajevskom "Bošnjačkom institutu" započelo ostvarivanje projekta "Mladi i sevdalinka", u prisustvu Omera Pobrića. Najprije je prikazan dokumentarni film o instituciji, pa su popularni Pobrić i njegovi muzičari organizirali polusatni koncert, koji su polaznici srednje ugostiteljsko-turističke škole pratili sa velikim zanimanjem.

Svrha akcije koja će trajati pola godine, je nastojanje da se mladima približi i učini jasnjom i razumljivom sevdalinku, naša izvorna pa originalna pjesma koja je, jednovremeno, i vrijedno te neobično važno kulturno-historijsko naslijeđe, mnoštva stanovnika BiH.

Daci će slušati kako eksplicitna predavanja o sevdalinki, upoznati starinske običaje, navike i vjekovna muzička iskustva i saznanja, kao i perspektivnu budućnost razvića pjesme. Direktor škole, Jusuf Murtić uveo je i predavanja o bosanskohercegovačkim narodnim nošnjama i načinima izrade tkanina od kojih su naši bogati, i posvuda naznačeni kao elegantni, kostimi krojeni.

Svi sadržaji i tečaj oko sevdalinki, čine

izvannastavne djelatnosti, budućih, turističkih službenika, pošto je logično da moraju poznavati njihovo historijsko i kulturno naslijeđe, te njegove posebnosti. Kraj ove dopunske aktivnosti, zakazan za maj 2008. godine, učenici će obilježiti slavljem i predstavom nadahnutom sadržajem sevdalinke "Smrt braće Morića".

"Sevdalinka nije prosto pjesma o ljubavi, ona je pjesma o SEVDAHU. U tome je sadržana njena posebnost i suština. Ona je pjesma slavensko-orientalnog osjećajnog oplodenja i spoja: orientalnog po jačini strasti, po sili i po moći ljudavnog zova u njoj, slavenskog - po neutješnoj, bolnoj osjećajnosti, po širini njene duševnosti. Sevdalinka je, u stvari, lirska monolog žene, koja na osjećajno ličnom planu prati podsadržano zbivanje u njegovu zamišljenom toku i nakon njega, monolog njenog vlastitog osjećanja kao odjeka, kao zabilježja ljubavi i života", zapisao je Muhsin Rizvić u djelu "Panorama bošnjačke književnosti" Sarajevo 1994. godine.

Dž. Mujadžić

Enes Bilalović, poznati umjetnik bh porijekla napravio veliki uspjeh u Francuskoj

Piše Džana Mujadžić

Ovaj plodni stvaralac hercegovačkih korijena, režirao je i tri dugometražna filma, a od početka 70-tih godina, skoro svake jeseni objavi po jedan crtani roman.

Dvije godine kasnije Enki Bilal snima prvi igrani film. Djelo nosi naziv "Bunker Palace Hôtel", a interpreti su Jean-Louis Trintignant i prelijepa Carole Bouquet.

Od juna do novembra 1990., kuća "Humanoidi", ponovo štampa cjelokupno Bilalovo djelo, već objavljeno kod izdavača "Dargaud". Godine 1992., upriličena je izložba crteža ovog plodnog, mnogostrukog autora, u Velikom arku bogate poslovne četvrti, smještene u bližem predgrađu, la Defense. Postavka je nazvana "Prelazak". U septembru 1993. objavljen je zadnji nastavak "Trilogije Nikopol" ili "Hladni Ekvator", ubrzo proglašen najuspješnijom publikacijom svih vrsta. Već iduće, 1994. godine, štampan je album "Plava Krv", koji nanovo predstavlja ličnosti iz priče o Nikopolu. Sredinom 90.-tih objavljena su i "Sjećanja iz Drugog vremena". U februaru 1997., u Francuskoj izlazi Bilalov dugometražni film, naslovlen "Tykho Moon". Dvadeset drugog septembra 1998. godine, objavljen je prvi dio "Sna Monstruma", koji označava početak tetralogije Monstruma. Godine 2003. objavljen je album "32. decembar". U proljeće 2004., Enki predstavlja svoj treći igrani film "Besmrtnici". U maju prošle godine Bilal je ilustrirao poštansku marku France Europa, čija je tema integracija došljaka. Jednovremeno je odštampan i album "Sastanak u Parizu", treći dio tetralogije Monstruma.

Prošlog marta, objavljen je četvrti nastavak, pod nazivom "Četvero?".

Ambiciozni Hercegovački režiser je još uradio i omot dječje knjige "Dan jednog američkog novinara godine 2889" koji je napisao poznati Jules Verne, kao i naslovnicu "Avanture Bore, reportera novinara", kao i "Slike za jedan film": Crteži i dekori za film "Život je roman", koji je ostvario Resnais, 1983. godine.

Autor će biti prisutan od 15. do 21. oktobra u galeriji poznate kreatorice, između 19.00 i 21.00. Ovi susreti sa publikom su polazna tačka za događaje koji će se zbiti u Sarajevu, 22. i 23. novembra u Francuskom kulturnom Centru "André Malraux" u okviru obilježavanja Evropskih književnih susreta, koji su spona kako slavne stilistice sa bh prijestolnicom, tako i umjetnika, koji joj je posvetio četiri albuma. Bilalov "Filmski svijet" nastavljen je humanoidima koji priređuju susrete likova iz tri rediteljeva filma. Ovaj kino remix popraćen je zvučnim performansom medijskog umjetnika Gorana Vejvode, Bilalovog zvučnog kreatora. On predstavlja "Distorsiju", odnosno film koji stavlja u prvi plan odnose slike i zvuka.



Vuk Drašković razgolito istinu o Srbima

Mustafa Kustrić

MITOLOGIJA I LAŽI NEBESKOG NARODA



Početi pisati o srednjoškolcu iz Gatačke gimnazije, studentu Sarajevskog univerziteta, piscu koji je sa svojom knjigom "Nož" davnih 70-tih godina pustio duh nacionalizma i time počeo oživljavati zloglasnu Garašaninovu utopiju o velikoj Srbiji je zaista teško. Prije svega jedan novinski članak teško može obuhvatiti sve što bi trebalo biti napisano o jednoj kontroverznoj ličnosti kao što je Vuk Drašković.

Autor ovog zapisa je slučajno i Vukov komšija iz Gacka i raspolaže sa mnogo više informacija i istinitog kazivanja, možda i više od samih biografa. Kazivanje i pokušaj objašnjenja neka bude ona stara uzrečica "kako si posijao tako ćeš i požeti". Naime, kasnih 70 godina prošlog stoljeća, mladi BiH intelektualac Vuk Drasković napisao je knjigu "Nož" u kojoj tadašnji sistem prepoznaje zlo nacionalizma dok mnogi vide svoju šansu u ostvarenju ideja o vladavini najbrojnijeg naroda na Balkanu. Taj isti čovjek, ovih dana po završetku svoje knjige "Meta" (koja ustvari predstavlja njegov život u visokoj politici Srbije zadnjih devet godina) daje intervju novinarki časopisa "Vreme" i objašnjava nešto više o sebi i narodu kojem pripada.

Pa priča neka počne njegovim riječima "Kao u košmaru nekom prodoše mi najbolje godine. Bio sam najčitaniji pisac, ali i najviše omražen.

Drašković u svojoj novoj knjizi «Meta» navodi i potkrepljuje činjenicama da Srbi trče za lažima i prostotom, bježe od istine i pravde, kleveću i mrze najbolje, suze prosipaju za zločincima, a razbojnici su im heroji, te sa ironijom navodi da je čak i Sveti Sava pobjegao od srpskog naroda i da je umro u tudini.

Predvodio sam otpor ratu i državnom teroru. Predvodio sam stotine hiljada ljudi, zvali su me srpski mesija, srpski Havel, srpski Mandela... Sa radošću sam odlazio u tuđe prijestolnice, a sa zebnjom se vraćao kući. U Srbiji sam bio sumnjiv i obilježen... Iz historije sam znao, a svojim preživljenjem iskustvom se uvjerio da se među stotinu Srba jedva nalazio jedan spremjan da žigoše grijehe i gluposti većine u naciji kojoj pripada. Taj jedan, ma ko da je bio imao je glavu, a većina je uvijek kidisala da mu je skine".

Vuk Drašković nastavlja: "Smrt namijenjena meni kao meti kosila je i pored mete i zbog toga što sam živ, a oni nisu, osjećam se krivim pred njima i njihovim porodicama." Ovdje ovaj probuđeni humanista ne zapisa ni jedne riječi o svojim komšijama iz Gacka, tačnije 270 rahmetlijama, hiljade raseljenih i desetine nepoznatih mezara na livadama na kojima je igrao nogomet u svojim srednjoškolskim godinama. Nisam siguran da li je Vuk svjestan da njegova knjiga "Nož" snosi dio odgovornosti za žrtve koje su domovina BiH bila u plamenu te vješto prebacuje svoju priču u poslijeratnu Srbiju i vladavinu Miloševića. Kako nož (koja ironija) ima dvije oštice, tako i Vuk ima dvije strane.

On ruši Miloševića 5. oktobra 2000. Neosporno je priznati da je jedini u toj oronuloj i duhovno bolesnoj zemlji, imao hrabrosti ustati protiv balkanskog krvnika Miloševića, stati u prve redove za "bolje" sutra nebeskog naroda. Da li je to uradio iz pobuda humanizma ili želje za slavom neka historija odluči. Međutim, zahvalni smo autoru knjige u kojoj razotkriva srpske zločine, laži i

prevare. On kaže da je srpski narod robovski naviknut na zločin i uspoređuje Srbiju sa Kiklopom koji ubija ljudi i laže na svim jezicima. Spominje Nušića u sklopu gdje je špijun bio najslavnije srpsko zanimanje, gdje je tim virusom inficiran i seljak i akademik, čobanin i političar pa i sami predsjednik Srbije.

Uočavamo da Vuk u "Metu" priznaje svoje greške, ima potrebu da dokazuje hrabrost koju je skoro platio životom u pokušajima atentata na Ibarskoj magistrali ili snajperskim mecima u Budvi. Ostao je živ i sada priča o srpskom narodu, Srbiji kao izolovanoj močvari na kraju svijeta koja je utočiste komaraca, ljudi bez duha, izbjeglica i sirotinja dok na drugoj strani kojot i razni rusofili zgrču bogatstvo i vile.

Pisac navodi i potkrepljuje činjenicama da Srbi trče za lažima i prostotom, bježe od istine i pravde, kleveću i mrze najbolje, suze prosipaju za zločincima, a razbojnici su im heroji, te sa ironijom navodi da je čak i Sveti Sava pobjegao od srpskog naroda i da je umro u tudini. Kada bivši predsjednik Vlade Srbije, ministar vanjskih poslova sve to kaže, a kao vrhunac navodi da je laž u srpskom narodu uvijek bila najtraženija roba, te da narod ne voli istinu, ostaje nam da zaključimo da je sve istina i bilo što da dodamo ne bi zvučalo tako uvjerljivo kako Vuk opisuje u svojoj "Metu".

Poštovani čitaoci Dijaspore, sa zadovoljstvom prividim kraj ovaj zapis o Vuku, napisanoj istini ili drugim riječima pokazivanju kako je nakon toliko godina Vuk Drašković konačno «skinuo» cara i razgolito ga pred "nebeskim narodom".

Bajram u New Yorku

RADOST I DRUŽENJE DŽEMATLJA

Bajramske sjelo proteklo je u najboljoj atmosferi a voditeljice su bile Irma Blambić i Dijana Behremović-Durmić. Učenjem ašara Faruk Jakirlić je svojim melodičnim glasom napravio tajac u dvorani, tako da se samo čuo Allahov govor, a duše se smirile. Prisutnima se obratio i imam BHICNY Salem ef. Čečunjanin govoreći i pozivajući roditelje da šalju svoju djecu u mekteb tj. na vjeronauku koja se održava svake nedjelje poslije namaza. Poslije njega se obratio gospodin Uzeir Ramić u ime KBSA.

Bajram je u samo jednom danu donio puno blagodati, radost odlaska na Bajram-namaz, Džuma-namaz i Bajramsko sjelo. Džamija je otvorena već u pet sati ujutro, napravljene su kahve, džematlija Samir H. obezbjedio je 100 krofni i u razgovoru i ibadetu čekan je namaz. Do sabah-namaza koje se klanjao u 6:45 ujutro džamija se već napunila, a oni koji su zbog velikih gužvi u New Yorku malo kasnili i stigli na Bajram-namaz, bili su prinuđeni da traže mjesto za sebe u zadnjim safovima. Salem ef. Cecunjanin održao je poslije sabah-namaza predavanje, govoreći o Bajramu i o našem džematu sve do pred samo klanjanje Bajrama. Poslije Bajram-namaza džematlije su jedni drugima stisnuli ruke u znak čestitanja i prišli u bratske zagrljaje.

Džuma-namaz obavljena je pet sati poslije Bajram-namaza, tako da su mnogi otišli kućama da bajramuju sa svojim porodicama, a potom su se vratili na Džumu-namaz, na kojoj je ovoga Bajrama bio rekordan broj klanjača, kao nikada do sada. U toku ove godine zabilježen je i značajan porast broja džematlija, a i onih koji

dobrovoljno plaćaju vazifu ili hodžarinu. Također, prema riječima predsjednika IZ akcija kupovine mezara je završena i svi mezari su otkupljeni. Iapk, naglašavaju u Islamskoj zajednici ako ima još zainteresiranih džematlija oni se mogu javiti putem telefona i obezbijediti mjesto za ukop u mezaru.

Bajramske sjelo proteklo je u najboljoj atmosferi a voditeljice su bile Irma Blambić i Dijana Behremović-Durmić. Učenjem ašara Faruk Jakirlić je svojim melodičnim glasom napravio tajac u dvorani, tako da se samo čuo Allahov govor, a duše se smirile. Prisutnima se obratio i imam BHICNY Salem ef. Čečunjanin govoreći i pozivajući roditelje da šalju svoju djecu u mekteb tj. na vjeronauku koja se održava svake nedjelje poslije podne namaza. Poslije njega se obratio gospodin Uzeir Ramić u ime KBSA. On nam je prenio selame od profesora Emira Ramića, predsjednika KBSA i svih članova kongresa Bošnjaka. Zatim su se obratili ex-ambasador pri UN Muhamed Šaćirbey, koji je bio sa svojom suprugom, zatim gospođa Mirsada Čolaković,



savjetnica u misiji BiH pri UN, te Emin Čohodarević, predstavnik BH Ambasade zadužen za Dijaspore. Svi oni su čestitali Bajram-ske blagdane i pozvali naše građane da se registruju i da glasaju na izborima 2008. godine.

Među gostima su bili i Ellisa Montanti, koja je uz Muhameda Šaćirbeya osnivač fondacije za Globalnu medicinsku pomoć. Iznenadenje je bio i naš mali brat Mohammed Rosul, koji je sa svojom majkom bio gost Bajramskog sjela. Mali Mohammed dolazi iz Iraka gdje je i povrijeden postavši invalid. Zadnje obraćanje prisutnima pripalo je i predsjednik IZ Vahidu Durmiću koji je prenio selame i čestitao Bajram svima u ime odbora i IZ i zahvalio se na ovom velikom odzivu. Bajramsko sjelo je začinjeno vjerskim dijelom programa, gdje su polaznici mekteba izučili nekoliko sura iz Kur'ana, niz recitacija i ilahija.

U muzičkom dijelu programa nastupila je grupa "Hamze", sa izvođenjem izvorne muzike, te Bubo Handanović i pjevač Metko. Najmlađima su podijeljeni bajramski paketići.

Poziv za pomoć

Mirsad Bećirović iz Donje Glumine kod Zvornika, obolio od teške bolesti poznate kao akutna nelimfična hemoblastoza, 18. septembra puni 27. godina a

DA BI SPASIO ŽIVOT BEĆIROVIĆU POTREBNO 150.000 EURA

Šef hematološke klinike u Tuzli dr Edin Jašarević konstatovao je u posljednjem pregledu od jula 2007. godine kako je zdravstveno stanje Mirsada Bećirovića, rođenoga u Donjoj Glumini kod Zvornika 1980. godine izuzetno teško. Bolest dijagnosticirana kao akutna nelimfična hemoblastoza otkrivena je još u januaru 2004. godine, a u decembru je provedena uspješna transplantacija matične ćelije hematopoeze nakon čega je njegovo zdravlje stabilizirano.

Sve do novembra 2006. godine nije bilo pokazatelja da bi zdravlje Mirsada Bećirovića moglo biti narušeno. Međutim, tokom provedene kontrole i izvršene biopsije kosti utvrđeno je kako se pojavio tzv. prvi relaps. Od tada je započela terapija sa nekoliko vrsta lijekova, ali je ona bila dijelom onemogućena zbog nedostatka sredstava za nabavku lijeka arsen-trioksida. U tom trenutku čak ni Federalno ministarstvo zdravlja, odnosno Fond za odobrenje materijalnih sredstava za nabavku lijeka, nisu pokazali interesovanje, tako da lijek nije nabavljen, a zdravstveno stanje pacijenta se pogoršavalo.

Tako je Hematološki konzilij Univerzitetsko-


kliničkog centra u Tuzli, koga je predvodio dr Jašarević, usvojio mišljenje da se radi o relapsu osnovne hematološke bolesti te predložio kao jedino rješenje provođenje transplantacije koštane srži (MUD) u zdravstvenoj ustanovi gdje se to može vršiti. S obzirom da je to nemoguće provesti u BiH, potrebno je obezbijediti oko 150.000 eura za transplantaciju u Italiji ili Njemačkoj.

Imajući u vidu ozbiljnost bolesti i njen progresivan razvoj, za reagiranje je preostalo veoma malo vremena. Lječnici su sugerisali da to najkasnije bude provedeno do 1. novembra ove godine, jer bi u protivnom još jedan mladi život mogao biti ugašen.

Ukoliko želite pomoći i sa svojim skromnim prilogom spasiti dvadeset sedmogodišnjeg povratnika u Donju Gluminu kod Zvornika (koji je kao izbjeglica proveo rat u Živinicama i zbog loše uređenog zdravstvenog sistema još uvijek se vodi na ovoj adresi), molimo Vas da uplate vršite na sljedeće račune:

Mirsad Bećirović
Litve br. 1 Živinice, Bosna i Hercegovina

Za uplate u BiH:
NLB Tuzlanska Banka dd
Tuzla
Transakcijski račun
Banke
1321000309122033



Za uplate u inozemstvu:
Korespondentna banka:
Deutsche Bank AG
Frankfurt/M
Rn. 936272410
S.W.I.F.T. TBTUBA22

**A & A TRANSMISSION
& General Auto Repair**

Transmission Specialist
Engine Repair & Service
Brake Service
Electrical Maintenance
Tune-ups & More...



6900 Morganford Rd St. Louis MO 63116
TAN - TRUONG (314) 678 2480

Imate li problema sa vašom transmisijom???
Ne plaćajte preskupo i za ono što i nije bilo potrebno popravljati - MI naplaćujemo za istinski rad na vašem autu - provjerite nas!!!

Locirani smo na raskršću
Morganford - Loughborough



Transakcijski račun u:
Raiffensen banci: 16100000000000011
-račun u KM je 090082967-2
a devizni 1900059501-6

**IZLIJEČIMO
MALU
LUNU**

Luna Osmanagić boluje od rijetkog tumora limfnih žlijezdi. Izmještena je u Minhen, gdje već prima hemoterapiju. Liječenje će trajati minimalno godinu dana i u Minhenu je jedina ustanova specijalizirana za ovu vrstu bolesti.



**ONLY !
\$13995**

2004 GMC Envoy

McMAHON
PONTIAC-GMC



LATIF KALIĆ
Sales Representative
314-659-6543

3295 S Kingshighway
St. Louis, MO 63139
FINANSIRAMO VAŠU KUPOVINU
**2 GODINE ILI 100000 MILJA
POWERTRAIN WARRANTY**



\$13457
2003 VW Beetle



\$13995
2004 Jeep Grand Chee.



\$14987
2005 Chevy T-Blazer



\$10500
2002 Pontiac FireBird



\$7995
2003 Chevy Cavalier



\$16995
2007 Ford Mustang



\$7385
2001 Honda Civic



\$16500
2005 Dodge Grand Caravan



\$14995
2007 Pontiac G 6



\$12387
2002 Ford Mustang GT



\$13995
2004 Jeep Liberty

Festival Moveast u Mađarskoj

Zlatni Benjamin za film "Nafaku"

I pored neuspjelih i malo pristojnih kritika, kojima su izvjesni "susjadi" htjeli podcijeniti ovo izvrsno, igrano ostvarenje Jasmina Durakovića naslovljeno "Nafaka", ono slijedi svoj put slave, na jako privlačan i poseban način. Djelo je, nedavno, zasluzilo prvu nagradu "Zlatni Benjamin" na Festivalu Moveast u gradu Pečuhu, na koji su Mađari jako ponosni.

Priznanje je osvojeno u natjecanju sa još 36 kandidata iz 14 država, zahvaljujući međunarodnom žiriju, čiji je predsjednik bio domaći cineast Vilmos Zsigmond, kojemu je uručen i "Oscar" za fotografiju, u "Susretima Trećeg tipa". Mađarska filmska smotra "Moveaest" se zalaže

za promociju i obavještenja o oblasnoj produkciji.

Ujedno je i počastovana "Grbavica" Jasmile Žbanić, virtuozno ostvarenje od trideset dobijenih priznanja. Ovaj put za djelo je uručena značajna nagrada kritike.

Samo šteta što Durakovićevo djelo nema još difuzera na zapadu kontinenta, niti u Novom svijetu. Činjenica je da su kvalitetna i nadarena ostvarenja svjetske sedme umjetnosti u kojoj bh filmovi imaju posebno i značajno mjesto, često nedostupna široj publici radi, navodne, ne komercijalnosti.

Dž. Mujadžić



Američki Festival tradicije

BOSNA I HERCEGOVINA ODLIČNO PREDSTAVLJENA



U gradu Charlotte, smještenom u Sjevernoj Karolini /North Carolina/, održan je 32 Festival tradicije. Učestvovalo je više od 10.000 posjetilaca, što su se instalirali na prostoru Student Activities Centra UNC. Došli su iz ravno 50 zemalja i sa svih strana zemljine elipse. Svako je pokazao svoja kulturna, muzička, historijska nasljeđa. Probala se jela svih horizontata i plesalo cijelu noć.



Bosna i Hercegovina bila je više nego dobro predstavljena.

Predstavljene su knjige, fotografije, književno nasljeđe i, naravno, kulinarски specijaliteti: čevapčići, baklave... Oni su se brzo prodali, a prisutni aktivisti će novac upotrijebiti u humanitarne svrhe. Nisu izostale ni sevdalinke. Ali, naši

građani Mirzeta i dr. Mirsad Hadžikadić, te Lejla i Adnan, kao i Narcisa i Sead, istog prezimena, Emin i Džana Smailagić, djevojčice Amila i Aida, potom Sajma i Mirsad Selimbegović, Amra i Sead Subašić, Sanja i Kenan Porobić, te Zina i Vildan Rustemović, sa malim Mirzom i Melisom, pa Amina Čavalić i suprug Joseph Carrero, Amar Šarić, Refik Talović i prijateljica Sadeta Omerović, te Alma i Almir Toska, pokazali su umijesnost i u latinoameričkim plesovima, začudivši mnoge njihovom mogućnosti brzog adaptiranja, tudim kulturama. Bračni par Jakupović, Suada i Islam, su pozvali na iftar 40 osoba.

Nije izostala ni Mary Sherhart, koja pjeva i sevdalinke u Seattleu sa mnogo talenta, izjavivši kako je svima bilo "Srce puno BiH".

Dž. M.

U povodu obilježavanja Dana državnosti BiH organizira se muzički spektakl u Illinoisu

Horozićeva «Kapija» zainteresirala i Amerikance

• **Na poziv organizatora da prisustvuju obilježavanju Dana državnosti BiH pozitivno su odgovorele mnoge poznate ličnosti iz američkog javnog života, a biti će prisutan i kompletan bosanskohercegovački diplomatski kor u SAD, kao i predstavnici religijskih zajednica u SAD •**

U Sarajevu će 24. novembra 2007. biti premijerno izvedeno jedinstveno remek djelo „Kapija“ bosanskohercegovačkog skladatelja Asima Horozića, u sklopu koncerta povodom Dana državnosti BiH, organiziranog od strane bosansko-američke kulturne asocijacije(BACA), a u saradnji sa "American Music Festival" i Lincolnwood Chamber Orkestra i pod ravnjanjem maestra Phil Simmons-a.

Solo dionice na klarinetu će izvoditi maestro Emir Nuhanović, ravnatelj Sarajevske filharmonije, dobitnik veoma prestižne internacionalne muzičke nagrade "Zlatna dirigentska palica". Kapija je napisana nakon tragičnog događaja u Tuzli za vrijeme agresije na našu zemlju, kada su zauvijek ugašen 71 mladi život u jednom danu, u dijelu grada koji se zove "Kapija". U programu će također biti izvođena djela američkih skladatelja, a posebno izdvajamo čuveni Barberov Adagio.

Na poziv organizatora da prisustvuju ovom jedinstvenom internacionalnom obilježavanju Dana državnosti Bosne i Hercegovine, pozitivno su odgovorele mnoge poznate ličnosti iz američkog javnog života, a biti će prisutan i kompletan bosanskohercegovački diplomatski kor u SAD, kao i

predstavnici religijskih zajednica u SAD. Organizatori Dana državnosti BiH, apelirali su na sve Bosance i Hercegovce, ali i Amerikance, da ako su u mogućnosti prisustvuju jednom ovako značajnom kulturnom događaju za naše iseljeništvo u SAD. «Pomozimo svi da ovogodišnja proslava Dana državnosti republike Bosne i Hercegovine, kreira jasan signal kakvu to Bosnu i Hercegovinu prijelikuju vidjeti u budućnosti njeni građani u iseljeništvu. Modernu, cjelovitu, multireligijsku, evropsku, kulturnu, republiku Bosnu i Hercegovinu!», kaže se u saopćenju organizatora.

Imena svih učesnika, kao i potencijalnih sponzora ovog programa, nači će se u veoma prestižnoj brošuri koju nakon koncerta redovno objavljuje American Music Festival. Obilježavanje Dana državnosti Republike Bosne i Hercegovine bit će održano u subotu 24. novembra 2007. godine u 18:00 sati Lake Forest AcademyLake Forest , IL. Ulaznice koštaju \$ 25.00, privatna recepcija \$ 70.00, a sav prihod je namijenjen u humanitarne svrhe. Za sve informacije, rezervacije, kao i sponzorstvo pozovite : 773-469-5898 bosanski ili 847-920-9569 engleski.

Peti Zagreb film festival

Dž. Mujadžić

NAGRADA BOSANSKOM FILMU

Dokumentarno filmsko djelo "Šta ja znam", u režiji Šejle Kamerić i Timura Makarevića, u kojem najmlađi glume sve likove i čiji je scenarij ostvaren kao uspomena na tuđe ljubavi, nagrađeno je na 5. Zagreb film festivalu, vrijednim priznanjima. Autorima su uručena "Zlatna kolica" za najbolje kratkometražno ostvarenje manifestacije. Film je, kao što je poznato, bio uvršten i u zvanično natjecanje, ovogodišnje, 64-te Mostre u Veneciji, ujedno, najstarijeg evropskog festivala sedme umjetnosti.

U Zagrebu su projekcije posjećivali mnogi filmofili, izbrojano ih je 31.000 a bilo je i 140 gostiju van oblasti.

Uz "Zlatna kolica", najgledaniji i najbolje ocijenjeni filmovi dobili su i novčane potpore. Za kratkometražna i dokumentarna djela određena je



svota od 1.500 eura.

Na tek završenom Zagreb film festivalu učestvovalo je 90 filmova iz tridesetak zemalja. Za nagrade je odabran 41 film, iz glavne selekcije.

Reprezentacija BiH 48. na rang listi FIFA

**Porazi od Grčke i Norveške spriječili
odlazak BiH na Evropsko prvenstvo
u nogometu**

Nogometna reprezentacija Bosne i Hercegovine zauzima 48. mjesto na novoj rang listi Međunarodne nogometne federacije (FIFA). Nakon serije neuspjeha reprezentacija Bosne i Hercegovine je u odnosu na prošlomjesečnu listu nazadovala devet pozicija. Na čelu rang liste došlo je do promjene. Argentina je sada na prvom mjestu, odakle je potisnula svjetske prvake Italijane, koji su treći. Brazil se probio na drugu poziciju. Najbolje rangirani protivnik reprezentacije Bosne i Hercegovine u kvalifikacijama za Evropsko prvenstvo je Grčka na 14. mjestu. Norveška je na 21., Turska na 28., Mađarska 48., Moldavija 61., a Malta na 137. mjestu.

U desetom susretu C-grupe kvalifikacija za EP BiH je u Atini poražena od Grčke sa 3:2 (1:0). Golove za Grčku postigli su Charisteas (10.), Gekas (57.) i Liberopoulos (73.), dok su strijelci za BiH bili Hrgović (54.) i Ibišević (90.). Petim porazom u kvalifikacijama reprezentacija Bosne i Hercegovine izgubila je i teoretske šanse za plasman na EP, koje se sljedeće godine održava u Austriji i Švicarskoj. U 11. susretu naši nogometari poraženi su u Sarajevu od Norveške sa 0:2 (0:2). Nakon ovoga poraza su



došli u poziciju da se bore za četvrto mjesto u grupi. Izabranici selektora Muzurovića odigrali su jednu od najlošijih partija dosad, ne zabilježivši niti jednu priliku za 90 minuta igre. S druge strane, Norvežani su se revanširali za poraz iz prvog meča u Oslu i pobjedom došli na korak do plasmana na EP. Do kraja kvalifikacija reprezentacija BiH će odigrati još meč protiv Turske, dok Norveška dočekuje Tursku i u posljednjem kolu gostuje Malti.

Košarka

Bosna startovala pobjedom



U susretu prvog kola A-grupe ULEB kupa Bosna je u Sarajevu pobijedila englesku ekipu Guilford Heats sa 84:68 (29:11, 18:26, 17:15, 20:16). Studenti su bez većih problema došli do pobjede u debiju u drugom po kvalitetu evropskom košarkaškom takmičenju u Evropi. Bosna je pobjedu praktično osigurala već u prvoj četvrtini, kada je imala prednost od 20 poena (29:9).

U nastavku utakmice došlo je do opuštanja u redovima sarajevske ekipe što su iskoristili gosti, koji su do kraja poluvremena smanjili zaostatak na svega deset poena.

Nakon izjednačene treće četvrtine gosti su bolje otvorili posljednji period i u 31. minuti došli do osam poena zaostatka. No, studenti nisu dozvolili iznenađenje, te su dobrom igrom u odbrani i brzim poenima, ponovo preuzeли igru i udvostručili prednost.

Najagilniji u tom periodu igre bio je centar Bosne Lance Williams, koji je s nekoliko vezanih poena svojoj ekipi osigurao mirnu završnicu i sigurnu pobjedu.



www.islamska-knjizara.com

Islamska knjižara za Ameriku i Kanadu
Knjige, Islamski dvd-s, crtani, cd-predavanja, marame...


Emir O.
Tel: 616-430-4575
Emirgr77@yahoo.com



4650 14 Mile Rd., N.E. (M-57)
Rockford, MI 49341
616.866.9511
Fax 616.866.1842

djovanovic@johndeckerchevy.com

John Decker

Mekić i Miladin najuspješniji

Bosanskohercegovački reprezentativci Amel Mekić i Ibro Miladin proglašeni su za najuspješnije takmičare 7. međunarodnog judo turnira „BiH and Nippon“, koji je održan dvorani „Ramiz Salčin“ na Mojmilu.

Na turniru je nastupilo 780 takmičara i takmičarki iz 48 klubova iz regionala, koji su se takmičili u 11 starosnih i 84 težinske kategorije.

U konkurenциji seniora i seniorki najuspješniji bili su takmičari Judo kluba Bosna sa osvojenih pet zlatnih medalja. Pored Mekića i Miladina, koji su bili najbolji u kategorijama do 100 i preko 100 kg, najsjajnija odličja osvojili su Aldin Lukač (do 73 kg), Eldin Lukač (do 81 kg), Mirza Hasanbegović (do 90 kg), Ibro Miladin (preko 100 kg) i Dea Miletić (do 63 kg).

U sklopu turnira održano je i Prvenstvo BiH za mlađe seniorne i seniorne. Takmičari koji su osvojili prva mjesta izborili su nastup na predstojećem Evropskom prvenstvu, koje će se krajem novembra održati austrijskom Salzburgu. Turnir su organizovali Ambasada Japana u BIH i Judo savez Federacije BIH, a tehnički organizatori su bili sarajevski Judo klubovi Bosna i City Centar

Rukomet BiH brani naslov u Winterthuru

Muška rukometna reprezentacija Bosne i Hercegovine od 28. do 30. decembra učestvovat će na međunarodnom turniru "Yellow cup" u švicarskom Winterthuru. Generalni sekretar Rukometnog saveza BiH Smajo Karačić kazao je da su time definitno otklonjene dileme, koje je uzrokovao poziv da u istom periodu naša reprezentacija igra na međunarodnom turniru u Kairu.

Na "Yellow cupu" najbolji rukometari BiH će braniti titulu osvojenu prošle godine. Pored domaćina na turniru će još igrati selekcija Tunisa, dok će četvrti učesnik naknadno biti određen.

Nakon turnira u Winterthuru, u sklopu nastavka priprema za januarske kvalifikacije za svjetsko prvenstvo 2009. godine u Hrvatskoj, reprezentacija BiH će još učestvovati na turniru "Cro - Slo cup", koji će se igrati od 4. do 6. januara naredne godine u hrvatskom Poreču i slovenskom Kopru. Na turniru će još igrati Slovenija, Hrvatska i Švedska.

Kvalifikacije za SP će se igrati od 9. do 19. januara 2008. godine, a najbolji rukometari BiH u okviru Pete grupe igrat će sa selekcijama Litvanije i Finske. Domaći susreti igrat će se u Sarajevu, s Finskom, i u Goraždu, s Litvanijom.

Vaš plan o početku hodanja



UČINITE NEŠTO ZA SVOJE ZDRAVLJE

Sigurno ste čuli da postoji korist od tridesetominutnog hodanja 5 puta sedmično. Vjerojatno je da ćeće ispočetka za to potrošiti puno više vremena od 5 puta 30 minuta odnosno 2.5 sati sedmično. Zbog toga bi se moglo dogoditi da pripremanje prije i raspremanje poslije odnesu puno više vremena nego hodanje samo i na taj način pobuditi crva sumnje u vama koji govori? Da biste izbjegli tu zamku i ne biste odustali, slijedite sljedeće preporuke:

- prve sedmice odredite 2 dana kada ćete hodati da bi svaki sljedeći tjedan dodali po još jedan dan dok ne dođete do 5 puta sedmično.
- neka tih 30 minuta dobije na vrijednosti, kao plaćanje računa na vrijeme, vjenčanje, razgovor za prvi posao. Ipak ulaze u vlastito zdravlje.
- 5 minuta prije zacrtanog termina obucite odjeću u kojoj se udobno i ugodno osjećate i u zacrtano vrijeme izadite iz stana te hodajte 15 minuta u nekom željenom smjeru i vratite se natrag.

• Pokušavajte izbjegći odlazak na neko mjesto automobilom da bi ondje hodali. Nemojte nikog nagovarati da ide s vama jer je ovih 30 minuta samo vaših. Unatoč zamkama, pokušajte izdržati barem nekoliko tjedana, kasnije će vam to postati navika bez koje nećete moći. Opća preporuka bi bila da što više pojednostavite ovu aktivnost i na taj način izbjegnete zamke koji bi vas dovele do odustajanja.

Pripremite sami

Svježe voćne maske

**Maska od meda**

1 velika kašika meda, 1 žumanjak, 1 čajna kašika maslinovog ulja. Kašicom istući žumanjak, dodajte maslinovo ulje i dobro izmiješajte. Potom dodajte med i ponovo dobro izmiješajte. Masku prstima nanesite na cijelo lice, osim na oči, naravno. Ostavite da stoji oko 15 minuta, a potom isperite.

**Maska od krastavaca (za masnu kožu)**

1 krastavac, pola čajne kašike soka od limuna, 1 čajna kašika mljevenog lješnjaka, 1 bjelanjak (od njega napravite snijeg) Krastavac ogulite, a potom ga sameljite u

mikseru ili naribajte. Zatim ga iscjedite, s tim da vodu koja izlazi iz njega sačuvate. Izmiješajte ovu tekućinu s limunovim sokom i lješnjakom. Promiješajte i dodajte snijeg od bjelanjka. Masku raspoređiti po licu i ostaviti da stoji od 15 do 25 minuta, te isprati.

Maska od breskve (odlično za zatezanje kože)

1 vrlo zrela breskva, 1 bjelanjak. Breskvu ogulite i mikserom je izmiješajte s bjelanjkom. Smjesu nježno nanijet na lice i ostaviti da stoji 30 minuta, a potom isprati hladnom vodom.

Maska od jabuke (za normalnu kožu)

1 jabuka, 2 kašike meda. U mikseru usitnite jabuku, te dodajte med i stavite u hladnjak na 10 minuta. Masku stavite na lice laganim utapkavanjem i ostavite pola sata. Isperite.



Maska od jagoda (za opuštanje kože)
Pola šoljice jagoda, četvrtina šoljice kukuruznog brašna. Izmišljajte jagode i kukuruzno brašno u kašu te stavite na lice. Ostavite da djeluje pola sata, a potom isperite hladnom vodom.

Čast da otvorio Fashion Week pripala našoj modnoj dizajnerici

HUSEDŽINOVIĆ NA ORIFLAME-u

Kreatorici Emini Husedžinović pripala je čast da svojom najnovijom fashion kolekcijom, sastavljenom od 65 modela smještenih u šest dijelova, otvorila 19. po redu "Oriflame BiH Fashion Week". Uzbuđeno je izjavila: "Ova modna revija bila je kruna desetogodišnjeg rada i počašćena sam otvaranjem ove, jedinstvene modne smotre"!

Organizator događaja je sarajevska modna agencija "ABC models", čiji je direktor Robert Jovanović.

Zanimljivo je što se 19. "Oriflame BH Fashion Week" proširio pa predstavlja oko 90 modnih revija u Sarajevu, Banja Luci, Tuzli i Mostaru. Domaćini su pripremili 50 smotri samostalnih stilista pa će publika, između ostalih, vidjeti tek urađene



modele Adele Mahmutović, Davora Sladaković, Enise Muslimović, Blanke Zgonjanin, Azre Huskić, pa Marijane Hrvić. U programu učestvuje i 30 bh modnih kuća, predvođenih "Zelinkom", "Planikom", "Bros jeans", "Xanaton", "Lorien", "Nerzz", "Marajoarom", te oko desetak show-a stranih uzvanika.

Nanovo će doći australijanska dizajnerica Leesae Fogarty, što nastoji da se jako mršave manekenke ne pojavljuju na podijima, nego da imaju normalnu težinu koja im dozvoljava redovno uzimanje hrane, a ne gladovanje!

Dž. Mujadžić

Radio radiobehar@aol.com

BEHAR

bosnian radio program St. Louis

Slušajte vaš omiljeni program u novom terminu 5.00 - 7.00 PM CT svake nedjelje

**istinski
bošnjački radio**

BOSNIAN MEDIA GROUP
P.O. Box 2636
St. Louis, MO 63116-2636
phone 314.494.6512
fax 314.416.1388
www.bosnianmediagroup.com

Recept mjeseca

PUNJENE KISELE PAPRIKE



Preparma

Ocat, vodu i malo soli kratko prokuhajte, pa ostavite neka se tekućina ohladi.

Opranim paprikama odrežite peteljku i odstranite sjemenke.

Kupus na sitno narežite ili naribajte, pa ga pospote solju, kuminom i mljevenom paprikom. Promiješajte ga i ostavite neka odstoji nekoliko sati.

Zatim ga dobro istisnite i njime punite paprike. Paprike slažite u staklenke, a između njih stavite pokoje zrno gorušice, bijeli luk i hren narezan na štapiće.

Sve prelijte slanom prokuhanom i ohlađenom octenom tekućinom. Kada se tekućina slegne, na vrh naliјite oko 1 cm debeli sloj ulja.

Recept

UKISELJENI KARFIOL S MRKVOM



Kod karfiola se za jelo koristi cvat i lišće. Najčešće se priređuje kuhan sa začinima za salatu. Može se pohovati, pržiti i kao u ovom slučaju, kiseliti kao povrće za zimnicu.

Preparma

Povrće očistite i odvojeno blanširajte u blago posoljenoj vodi. Blanširano povrće ocijedite.

Mrkvu narežite na kolutiće, a karfiol odvojite na cvjetove. Povrće složite u slojevima u sterilne staklenke s poklopcom.

U loncu pomiješajte jednak omjer bijelog vinskog octa i djevičanskog maslinova ulja, nekoliko zrna papra te zakuhajte.

Kad se ohladi, pripremljenu tekućinu prelijte preko povrća

Recept

Voćna salata

Sastojci:

1 nasjeckani ananas

1 tegla konzerviranih breskvi (ili marelica)


1 instant puding od limuna

4 banane

1 šalica Juicy soka od breskve sok od limuna

1 pakiranje želea voćnog okusa

Voće dobro ocijediti. Banane marinirati u limunovom soku, a potom iscjediti. Zamiješati instant puding i sok od breskve. Sve zajedno dobro promiješati i servirati. Po želji posipati sitno nasjeckanim komadićima želea.



**PARFEM
ZA NJEGA I NJU**



Novi Calvin Kleinov miris i CKIN2U predstavlja generaciju novog milenija. Kao i svi ostali CK mirisi i CKIN2U je moderan, suvremen, profinjen, čist, prirodan. Ovaj miris je jedinstven i sve na ovom mirisu je kreirano s velikom pozornošću, od bočice do sastojaka.

**MODA ZA NJU
UDALJEN AZ APOM**

U sezoni jesen-zima 2007. akutelan je spoj retro-djevojački stil s kraja šezdesetih s ponovno strukturiranim i minimalističnim volumenima: mini suknje, haljine s geometričnim uzorcima i velikim gumbima, kratkim hlačama, pleteninom i vunenim vestama i ogrtačima.



**MODA ZA NJEGA
ADELAN AZ APOM**

Kolekcija jesen-zima 2007



Hlače na crtlu, uglađeni kaputi i sofisticirana odijela su must-have ove sezone.



ASW Bakery
5617 Gravois • St. Louis, MO 63116 • 314.832-2212
Every Day Fresh Bosnian
Bread • Cakes • Meat Pies • Cheese Pies, etc.
Closed Tuesday
Hours: Wed - Mon
8 a.m. - 9 p.m.
Owners:
Asim & Sebiha Veljacic
Cell Ph# (314) 517-3934

HOME DECOR AND MORE
4239 Reavis Barracks Rd
St. Louis, MO 63125
Phone: 314.631.2905
Fax: 314.752.9273
Sabiha Kovacevic
Owner



Priprema Sabina Mirojević



OVAN OD 21. 3. DO 20. 4.

LJUBAV: Niste u stanju da se opustite i uživate ljubavi, jer puno idealizirate partnera, što je greška.
POSAO: Ovo je uspešan period, s tim što svoj umjetnički talenat morate usredosrediti na prave stvari, a ne uludo ga rasipati.
ZDRAVLJE: Problemi u vezi kose.



RAK OD 22. 6. DO 22. 7.

LJUBAV: Ukoliko dođe do neslaganja u vezi uzrok tražite u različitim pogledima na život.
POSAO: Ponekad Vas hvata lijenos i dosada, ali jedan iznenadni finansijski dobitak bi takvo stanje mogao promijeniti.
ZDRAVLJE: Kad ste sretni i zadovoljni i zdravlje Vam je dobro.



VAGA OD 23. 9. DO 22. 10.

LJUBAV: Mogući su sukobi sa voljenom osobom, u vezi trošenja novca. Jedna strana će biti okrivljena da troši novac više nego što treba.
POSAO: Jedan komplikovan posao riješit ćete nas jednostavan način.
ZDRAVLJE: Bićete skloni infekcijama.



JARAC OD 22. 11. DO 21. 12.

LJUBAV: Jedna osoba bi mogla u značajnoj mjeri promijeniti Vaš dosadašnji život.
POSAO: Vaša intuicija Vam govori da u blizini imate dvoličnog saradnika i da prema njemu morate biti oprezni.
ZDRAVLJE: Ne nervirajte se zbog toga.

Horoskop za novembar 2007.



BIK OD 21. 3. DO 20. 5.

LJUBAV: Svoju nervozu ne ispoljavajte u odnosu sa partnerom, nego pokušajte da se međusobno slažete.
POSAO: Povremeno Vam ponestaje snage da se borite na putu poslovnih prepreka, izdržite i to će proći.
ZDRAVLJE: Problemi s kilogramima.



LAV OD 23. 7. DO 23. 8.

LJUBAV: Ne dozvolite da Vam se neke osobe sa strane upliču u vezu i utiču na nju u negativnom smislu.
POSAO: Trenutno niste zadovoljni sadašnjim poslovnim uspjehom. Izdržite još malo, jer uskoro dolaze nove poslovne mogućnosti.
ZDRAVLJE: Moguća je prehlada.



ŠKORPIJA OD 23. 9. DO 22. 10.

LJUBAV: Iznenadni telefonski poziv mogao bi uticati da dođe do fatalnog susreta sa osobom u koju ste već duže vremena zaljubljeni.
POSAO: Iako se trudite i iznad svojih mogućnosti, novac ne pristiže u onoj mjeri u kojoj ga očekujete.
ZDRAVLJE: Ne pretjerujte sa hranom.



VODOLIJA OD 21. 1. DO 19. 2.

LJUBAV: Očekuju Vas prijatni trenuci u društvu voljene osobe a sa njima i jedna prijatna vijest.
POSAO: Potrudite se da što više budete samostalni u poslu, jer samo na taj način možete dobiti i priznanje i poštovanje.
ZDRAVLJE: Moguće su glavobolje, uslijed vremenskih promjena.



BLIZANCI OD 21. 5. DO 21. 6.

LJUBAV: Jedno lijepo iznenađenje očekuje Vas od voljene osobe, i to onda kad se budete najmanje nadali.
POSAO: Potrebno Vam je puno diplomatičke, upornosti i truda kako biste ostvarili željenu zamisao.
ZDRAVLJE: Čuvajte se upale sinus-a!



DJEVICA OD 24. 8. DO 22. 9.

LJUBAV: Ponekad brzo gubite živce i razmišljate o prekidu veze - braka što ne bi bilo pametno.
POSAO: Ukoliko se bavite nekom kreativnim poslom, uspjeh je neizostavan.
ZDRAVLJE: Predstoje Vam psihosomatske tegobe, kao rezultat međuljudskih odnosa.



STRIJELAC OD 23. 10. DO 21. 11.

LJUBAV: Jedna osoba bi mogla u značajnoj mjeri promijeniti Vaš dosadašnji život. Da li je u pitanju ljubav ili nešto više od toga.
POSAO: Vaša intuicija Vam govori da u blizini imate dvoličnog saradnika i da prema njemu morate biti oprezni.
ZDRAVLJE: Ne nervirajte se zbog gluposti.



RIBE OD 20. 2. DO 20. 3.

LJUBAV: Ovaj put ćete pogaziti riječ i obnoviti vezu sa osobom za koju ste uporno tvrdili da Vas ne interesuje.
POSAO: Ukoliko poslovno kontaktirate sa inostranstvom morate biti oprezni, pogotovo kada potpisujete dokumenta.
ZDRAVLJE: Izbjegavajte suviše tjesnu odjeću!



Semafori problemi

Zaustavili policajac Cigu jer je prošao kroz crveno svjetlo na semaforu.

Policajac:

- Je li Cigo, gdje toliko žuriš kad ne možeš da sačekaš semafor?

Ciga:

- Ma gos'n policajac ne znam kako da ti kažem, ubio sam taštu i evo mi je u gepeku, pa žurim da je se otarasim.

Kada je policajac to čuo brzo pozva pojačanje! Dodoše kolege i upitaše ga šta se desilo? On im spriča šta mu je Ciga rekao. Otvoriše oni gepek kad on prazan.

A Ciga će na to:

- Eto vidite gos'n policajac, sad će da kaže još da sam prošao i na crveno.



Školjke

Otišli Mujo i Haso na rijeku da se okupaju. Tek će Haso:

- Sada ću na glavu skočiti.
- Nemoj bolan, reče Mujo: ima školjke ubićeš se.
- Ha, ti si lud Mujo. Otkud u ovoj riječi školjke, zalete se i uskoči. Izlazi nakon toga raskravljene glave:
- Vidi, kaže Muji: stvarno ima školjki. Školjka od fiće, školjka od stojadina, golfa, opela...



Plata

Došao Haso na razgovor za posao. I pita on kolika će mu biti plata.

Gazda:

- Sada 500 KM, a kasnije 1000 KM.

Haso:

- Hajd onda ću ja doći kasnije...



Mujo i Fata

Sjedi Fata na nekoj žurci u čošku i sva se stidljivo stišala. Prilazi Mujo i onako bahato pita:

- Kako se zoveš ti mala?

- Fata!

- Reci prezime!

- Prezime.



ZGODNA ČAKA	IME PJEVACA NA SLICI	STARO- RIMSKI POZDRAV	PREZIME PJEVACA NA SLICI	OCJENA, PROSUDI- VANJE KOGLA	LIČNA ZAMJENICA	MJESTO U SRBIJI	VRSTA VINA	CELZIJS	PRSTENAS- TE GLISTE	KOJEIMA GOLEME KRAKOVE
SPLITSKI GLUMAC BORIS										NORVEŠKA KRUNA
TAKMIČE- NJE U BRZINI					VRSTA ANTILOPE	GRAD U IRANU				UVALA, ZALJEV
AUSTRIJA	ST. GLUMI- CA RINA UZVIK PRI PICU NAIS- KAP					SLIČNO KOJE SLIČI	ANDORA (skr.)			
VEĆI DIO							ELIZABETA ODMILJA POTVRĐNA RIJEC			
KOŠARKAŠ- KI KLUB			KANDIDIRA- NA OSOBA	KALIJ						
STARII PISACI PUBLICIST										

POP 10

1. **Željko Joksimović**
Djevojka
2. **Cubizmo**
Nina bonita
3. **Maroon 5**
Makes me wonder
4. **Oliver Dragojević**
Samo jednom se ljubi
5. **Rihanna feat. Jay Z**
Umbrella
6. **Irina & Storm**
Bez tebe
7. **Laka**
Meded
8. **Enver Lugavić Kice**
Ako te nisam ljubio
9. **Kaiser Chiefs**
Rudy
10. **No Rules**
Drugi život

DAN SEVDALIJA

SEVDAH NORTH AMERICA
organizuje

ST. LOUIS
11/23/07
7.00 PM

RESTORAN
BOSNA GOLD

INFORMACIJE: 314-351-2058




www.unahot.com
unahot@gmail.com
(519) 474 - 6336

URGENT
CARE St Anthony's
Medical Center

U slučaju hitne pomoći,
možete nam se obratiti i
bez ugovorenog termina
dobiti zdravstvenu uslugu

Lemay – 314-543-5294
Arnold – 636-717-6700
Fenton – 636-326-6100



Naši doktori su
spremni da vas prime
na pregled tokom cijele
sedmice, i pruže njegu
npr. kod bolova grla,
posjekotina,
kožne alergije,
zglobnih isčašenja,
povreda oka,
upala uha,
ujeda insekata...

Sevdah North America

organizuje po prvi put ove godine manifestaciju Dan Sevdala u svim gradovima Sjeverne Amerike gdje se pojavi želja i osoba koja želi organizovati skup onih koji vole da slušaju ali i pjevaju sevdalinke. Tako će u St. Louisu Bosna Gold Restoran stati iza organizacije ovog događaja, 23 novembra sa početkom u 7 pm.

U Seattle će se isti događaj održati u subotu 24 novembra 2007 .god. Sve informacije o Danu sevdala u Seattle, možete pronaći na web stranici www.eveningofsevdah.com.

Prije nego li je ovaj broj Dijaspore bio odštampan, u igri su bili još mnogi gradovi u Sjevernoj Americi, kao npr. Chicago, Atlanta, Utica... Izvještaje iz svih gradova moći ćete čitati u našem sljedećem izdanju Dijaspore.

Ukoliko znate da u vašem gradu niko nije preuzeo organizaciju, molimo da kontaktirate predsjednika "Sevdah North America" gospođu Mary Sherhart, putem e-maila msherhart@msn.com, i prodiskutujete mogućnost organizovanja ove manifestacije u vašoj sredini.